

# ማርቆስ ፃፊዳ ሚሺራቸው ቃላ ጌሉዋ

ማርቆስ ፃፊዳ ሚሺራቸው ከይሮ ደሚዲካ፣ «ሃዌ ያሳ ናዓ ዩሱስ ኪሪስቶስ ሚሺራቸው ቃላው ደሚዳ» ያጌ። ሃ ሚሺራቸው ቃላ ጌደን ዩሱስ ኦሱዋ አሳኔ ማታይ ደዒያ አሳ ጌዲዳ ሸቄዳ። ዩሱስ ማታይ አ ቲሚርቲያን፣ ፃላሂያ ጨታ ቦላ አው ደዒያ ዋልቃኒኔ አሳ ናጋራ አቶ ጌያዋን ቤዔቴዳ። ዩሱስ፣ «ታኒ አሳ ናዓይ ዩዳዌ፣ አሳ፣ ናጋራ አይሌቴላፔ ላዓ ኬሳናው ታ ደዐዋ አላዳ ኢማናሳ» ያጌዳ ኢ ባሪ ሁጺው ሃሳዩዳ።

ማርቆስ ዩሱስ ታሪኪያ ሱሬኔ ዋልቃ ኩሜዳ ኦጊያን አዳዳ። ኢ ጋናው ኮዮ ቆፋይካ ዩሱስ ቃላኔ ቲሚርቲያ ጌዳናን ኢ አሌዳ ማላሊሲያ አሳቱዋ ቦላና። ፃማቂያ ዮሃንሳ ታሪኪያ፣ ዩሱስ ደንቃታኔ ፓጨያ ቃንላን ኤሪሲ ሲሚዳ፣ ዩሱስ ቲሚርቲያኔ ፓሉዋባ አሲዳ ኦዳዳ። ዋዲያፔ ጉዩያን ዩሱስ ካሊያዋንቱ አ ሎይሌ ኤሪ ዩዳዋ ከና አና ኤቄቲያዋንቱ አ ሎይሌ ኢዌዲኖ። ወርሴላ ሸምፓቱ ዩሱስ ደዐዋን ወርሴላ ሳሚንታ ጌደን ፖሌቴዳ አሳቱዋ፤ ሄዋንቱካ አ ካቄላባኔ አ ዳንዲዋባ ኦዲያዋንታ።

ማርቆስ ሚሺራቸው ወርሴላን ቀንፊያ ጌደን ደዒያ 16:9-20 ፓይዳቱ ጌሻ ቃላ ኢቲ ኢቲ ቢሌላ ፃላላን ደዒያዋንታ።

## ሸምፓቱዋ ኡባቱዋሲ አሜቴዳ ቃንላ ቆፋቱዋ

- ሚሺራቸው ደሚዳ (1:1-13)
- ዩሱስ ኦሱዋ ጋሊላን ደሚዳዋ (1:14-9:50)
- ዩሱስ ዩሩሳሌሜን አሉዋ (10:1-52)
- ዩሩሳሌሜኒኔ ኢዚ ዩሹዋን ዩሱስ ወርሴላ ሳሚንታ (11:1-15:47)
- ጎዳ ዩሱስ ዳንዲዋ (16:1-8)
- ሃይቁዋፔ ዳንዲዳ ጎዳ ቆንጩላኔ ሳሉዋ ቡሳ (16:9-20)

ፃማቂያ ዮሃንሳ አዋጁዋ  
(ማት 3:1-12፤ ሉቅ 3:1-18፤ ዮሀ 1:19-28)

1 ያሳ ናዓ \* ዩሱስ ኪሪስቶስ ዋንጋላ ሚሺራቸው ደሚዳ።

\* 1:1 ያሳ ናዓ፣ ቤኒ ፃፊቴዳ ኢቲ ኢቲ ቢሌላን ሃዌ ባዋ።

2 ናቢያ ኢሲያሲ ፃፊዳ ማፃፋን ጻጻይ፤  
«በዓ፤ ታ ኪቲያዎ ታኒ ኔፔ ሲንጻው ዬዳና።  
ኢ ኔው ኦጊያ ኬሳናዎ።

3 ኢቲ ቢታኒ ቢታ ባዙዋን ባሬ ኮሻ ቶቁ ኦሴዳ፤  
ናጻዳ ኦጊያ ገሊሲቲ።  
ኢ ሃሜታና ሎሱዋካ እው ሱሪሲቲ፤ ጌዳዋዳን»  
ሃኔዳ።

4 ፃማቂያ ዮሃንሲ አሳ ፃማቂዳኔ፤ «ጻጻይ ሂንቲ ናጋራ አቶ  
ጋና ማላ፤ ሂንቲንቲ ናጋራፔ ሲሚዳ ፃማቂቲቲ» ያገ ቃላ ኦዲዳ  
ቢታ ባዙዋን ኬሲ ዎጺዳ።

5 ዪሁዳ ጋዲያን ዴዲያ አሳይ ኡባይኔ ዬሩሳላሜ ካታማ አሳይ  
ኡባይ ዮሃንሳኮ ዬዲና። ባሬንቲ ናጋራካ ፓፂና፤ ዮሃንሲ ሄ አሳ  
ዮርዳኖሳ ሻፋን ፃማቂዳ።

6 ዮሃንሲ ጋሉዋ ኢሰኪያፔ ዳዴቲዳ ማዩዋ ማዩዳ፤ ባሬ ፃሳን  
ዳፉዋ ዳንጩዳ፤ ቃሲ ቦሊያኔ ዎራ ኤሳ ሜዳ።

7 ዮሃንሲ ቃላ ኦዲዳ፤ «ታፔ ጉዬና ዳሮ ሚኒያዌ ዬ፤ ሃራይ  
አቶ፤ አ ጫማካ ጌዲያፔ ኬሳ ቶካናው ታኒ ቤሲኬ።

8 ታኒ ሂንቲንታ ሃላን ፃማቃይ፤ ሺን ኢ ሂንቲንታ ጌሻ አያናን  
ፃማቃናዎ» ያገዳ።

**ዬሱሲ ፃማቂቲዳዎኔ ፓጩቲዳዎ**  
(ማት 3:13-17፤ 4:1-11፤ ሉቅ 3:21-22፤ 4:1-13)

9 ዬሱሲ ሄ ዎዴ ጋሊላ ጋዲያን ዴዲያ ናዚሬቲ ካታማፔ ዪና፤  
ዮሃንሲ ዮርዳኖሳ ሻፋን አ ፃማቂዳ።

10 ዬሱሲ ሃላፔ ኬሶሳና ሳሉ ዶዩቲሺናኔ ጌሻ አያናይ ባሬ ቦላ  
ሃራጲያዳን ዎጺሺን ቤዔዳ።

11 ቃሲ ሳሉዋፔ፤ «ታኒ ሲቂያ ታ ናዓይ ኔና፤ ታና ኔባይ ናሽቼ»  
ያገያ ቃላይ ሲሴቲዳ።

12 ኤሌካ ጌሻ አያናይ አሳይ ባዩና ሜላሳ አ ዬዳዳ።

13 ዬሱሲ አሳይ ባዩናሳኒ ባሬና ሴፃናይ ፓጩሺን፤ ኦይታሙ  
ጋላሳ ጋሴዳ፤ ዲዓናካ ዴዔዳ፤ ኪታንቻቲካ ዪዳ፤ እው ኦሴዲና።

**ዬሱሲ ሞሊያ ኦይቂያ ኦይዱ አሳቲዎ ፃሴዳ**  
(ማት 4:12-22፤ ሉቅ 4:14-15፤ 5:1-11)

14 ዮሃንሲ ቃሽቶዋፔ ጉዪያን፤ ዬሱሲ ጻሳ ካዉቲላ ዎንጋላ  
ሚሺራቹዎ ኦዲዳ፤ ጋሊላ ጋዲያ ቢዳ።

---

1:2 ሚላ 3:1    1:6 2ካት 1:8    1:11 ዶሞ 22:2፤ ማካ 2:7፤ ኢሳ 42:1፤  
ማት 3:17፤ 12:18፤ ማር 9:7፤ ሉቅ 3:22

15 «ዎዲ ጋኬዳ፤ ፆሳ ካወቱላይካ ማታቱዳ። ሂንቱንቱ ናጋራፔ ሲሚዳ። ዋንጋላ ሚሺራቹዋ አማኒቱ» ያጌዳ።

16 ዩሱሲ ጋለላ አባ ላንቂያና አጁዳ። ሞሊያ ኦይቂያዋንታ። ሲሞናኔ አ አሻ አንዲራሳ። ባሬንቱ ዳባ አባን ዩጊያዋንታ ቤዔዳ።

17 ያቲዳ አንቱንታ። «ታና ካሊቲ፤ ታኒ ሂንቱንታ ሞሊያ ኦይቂያዋዳን አሳ ታኮ አሂያ ኦጊያ ታማሪሳና» ያጌዳ።

18 ሄዋፔ ጉዩያን አንቱንቱ ኤሌካ ባሬንቱ ዳባ አጊዳ። ዩሱሳ ካሌዲኖ።

19 ዩሱሲ ጉላ ሲንሳወኮ ቢዳ። ዛቢዲዮሳ ናና ላዑ አሻቱዋ። ያዩቆባኔ ዮሃንሳ ዋንጊሪያ ጊዶን ባሬንቱ ዳባ ጊሲሲያዋንታ ቤዔዳ።

20 ኢ ቤዶሳንካ አንቱንታ ዪሲና። ባሬንቱ አወዋ። ዛቢዲዮሳ። አ ኦሳንቻቱዋና ዋንጊሪያ ጊዶን አጊዳ። ዩሱሳ ካሊዳ ቤዲኖ።

**ኢታ አያናይ ኦይቂዳ ቢታኒ ፓዳዳ  
(ሉቅ 4:31-37)**

21 አንቱንቱ ቂፊሪናሆማ ጌቲቲያ ካታማ ዪዳ ጌሌዲኖ፤ ዩሱሲ ሳሞባታ ጋላሳይ ጋኮ ዋዳ። አዩሁዳ ዋሳ ጎሌ ጌሊዳ። ታማሪሱዋ ደሚ አጌዳ።

22 ባሬው ማታይ ዳዒያ አሳዳን። አሳ ኢ ታማሪሲያዋፔ አቲን። ሂጊያ ታማሪሲያዋንቱዳን ታማሪሴና ዲራው። አሳይ አ ቲሚርቲያን ማላሌቲዳ።

23 ሄ ዋዳ ኢታ አያናይ ዳዒያ ኢቲ ቢታኒ አዩሁዳ ዋሳ ጎሌ ጌሎሳናካ ባሬ ኮሻ ጶቁ ኦሊዳ።

24 «ናዚሬቲያ ዩሱሳ። ኔኒ ኑፔ አያ ኮያይ? ኑና ቆዩሳናው ያዲ? ኔኒ ኦኔንቶ ኤራይ፤ ኔኒ ፆሳፔ ኪቲቲዳ ጌሻ ጊዲኪ!» ያጌዳ።

25 ዩሱሲ ሄ ኢታ አያና። «ሃይዛ፤ ቢታኒያፔ ኬሳ» ያጌዳ አዛዜዳ።

26 ኢታ አያናይ ቢታኒያ ቡጩሬላ። ዳሪ ዋሲሲዳ። አፔ ኬሲ አጌዳ።

27 አሳይ ኡባይ ማላሌቲዳ። «ሃዌ አዬ? ሃ ቢታኒ ባሬ ማታኒ ሃራይ አቶ። ኢታ አያናቱዋካ አዛዜዳ፤ አንቱንቱካ ቃሲ አው አዛዜቲኖ፤ ሃዌ አይቤ ኦራላ ቲሚርቲ?» ያጌዳ። ባሬ ጊዶን አቲ አቲዋ ኦቹዳ።

28 ጋለላ ጋዲያን ዳዒያ ሄራይ ኡባይ ኤሌካ ዩሱሳ ዋሪያ ሲሴዲኖ።

**ዩሱሲ ዳር ሃርጋንቻቱዋ ፓሌዳ**  
(ማጥ 8:14-17፤ ሉቅ 4:38-41)

29 ዩሱሲ አዩሁዳ ዋሳ ጎሊያፔ ኬሶሳን፣ ያዩቆባናኔ ዮሃንሳና ኢቲፔ ሲሞናኔ አንዲራሳ ሶይ ቢ አጌዳ።

30 ሲሞና ቦሎታታ ቆፀዋ ሃርጋዴ ጊሴዳዉኒባ ኢ ያ ጋኮሳናካ አው ኦዲ አጌዲኖ።

31 ኢ ኢዚኮ ሺቂዳ፣ ኢዚ ኩሺያ ኦይቂዳ፣ ኢዘ ዴንላ ኤሴዳ፤ ቆፀ ኢዘ አገና፣ ኢዘ አንቱንቶ ኦላዲ።

32 ሃርጌዳ አሳ ኡባኔ ኢታ አያናቱ ኦይቂዳ አሳ ኡባ ኦማርሲ አዋይ ዉሌዳዋፔ ጉዩያን፣ አሳይ አኮ አሄዲኖ።

33 ካታማን ዴዲያ አሳይ ኡባይ ሄ ካሪያ ሺቂዳ።

34 ዩሱሲ ዲማ ዲማ ሃርጌያን ኦይቂቱዳ ጮራ አሳ ፓሌዳ፣ ጮራ ዓላሃቱዋካ ኬሴዳ። ኢ ኪሪሰቶሳ ጊዲያዋ ኢታ አያናቱ ኤሬዳ ዲራው፣ አንቱንታ ሃሳዩሴናኒ ዲጌዳ።

**ዩሱሲ ጋሊላን ታማሪሴዳ**  
(ሉቅ 4:42-44)

35 ዩሱሲ ጉራ ዋንቱማላኒ ዴንዲዳ፣ ሶዩፔ ኬሲዳ፣ አሳይ ባይናሳ ቢዴ ያኒ ያሳ ዋሴዳ።

36 ሲሞኒኔ አናና ዴዲያዋንቱ ኦ ኮዩዴ ቤዲኖ።

37 አንቱንቱ ኦ ዴሚዳ፣ «አሳይ ኡባይ ኔና ኮዩ» ያጌዲኖ።

38 ሄዋፔ ጉዩ ዩሱሲ ቃሲ አንቱንታ፣ «ሄዋ ሄራን ዴዲያ ሃራ ካታማቱዋ ቦይቲ፤ ታኒ ሄዋን ቃላ ኦዳናው ቤሴ፤ አዩሲ ጎፔ፣ ታኒ ዩዳዌ ሄዋሳ» ያጌዳ።

39 አዩሁዳ ዋሳ ጎሊቱዋን ቃላ ኦዲዲኔ ኢታ አያናቱዋ ኬሲዳ፣ ጋሊላ ጋዲያ ኡባ ዩዩዳ።

**ዩሱሲ ኦሉ ኦይቂዳ ቢታኒያ ፓሌዳ**  
(ማጥ 8:1-4፤ ሉቅ 5:12-17)

40 ኦሉ ኦይቂዳ ኢቲ ቢታኒ ዩሱሳኮ ዩዳ፣ ኦ ሲንላን ጉልባቲዳ፣ «ኔኒ ኮዮፔ፣ ታና ጌሻ ፓላናው † ዳንዲያ» ያጌዴ ዋሴዳ።

41 ዩሱሲ አው ቃሪቱዳ፤ ባሬ ኩሺያ ዩዳ፣ ኦ ቦቺዳ፣ «ታኒ ኮያይ፤ ጌያ፤ ፓዓ!» ያጌዳ።

42 ኤሌካ ኦሉ ቢታኒያ ዩዲ አገና፣ ቢታኒ ጌዩ ፓዒ አጌዳ።

43 ዩሱሲ ዳር ሃንቁቲዳ፣ ኤሌካ ኦ ኬሲ ዩዳዳ።

---

† 1:40 ታና ጌሻ ፓላ፣ ሃዋ ጉሳይ፣ ሃ ሃርጌ ቆፊቱዳዌ ላሚታናው ዳንዲዩና ኤሬቲዳ ጋዴ ዋጋኔ ማራኒ፣ ሃራ አሳ ቆፋን ኢቲ አሳይ ጌሻ ጊዩና ጋና ማላ ኦዲያዋ።

44 ኢ ቢታኒያ፡ «ኔና ኤራ! ሃዋ ኦሲኔ ኦድፓ፤ ሺን ባዴ ኔ ቦላ ቁሳ ቤሳ፤ ቃሲ ኔኒ ሃዒ ጌሻ ጊዴዳዋ ኣሳ ኤሪሳናው፡ ሙሴ ኣዛዜዳ ያርሹዋ ያርሻ» ያጌዳ።

45 ሺን ቢታኒ ቢዴ፡ ዩዉዋ ኡባሳን ኣሳ ኡባው ኦዲዋኔ ላሌላ ደሜዳ፤ ሄዋ ዲራው፡ ዩሱሲ ቆንጨያ ኬሲዴ፡ ካታማ ጌላናው ዲንዳዪቤና፤ ሺን ኣሳይ ባዪናሳ ጋፃን ዴዔዳ፤ ቃሲ ኣሳይ ኡባሳ፤ ኣኮ ዩዲኖ።

## 2

### ዩሱሲ ቦላይ ሲሌዳ ቢታኒያ ፓሌዳ (ማት 9:1-8፤ ሉቅ 5:17-26)

1 ኣማራዳ ጋላሳ፤ ጉዩያን፡ «ዩሱሲ ቁፊሪናሆማ ጉዩ ሲሚዴ፡ ሶዪን ዴዔ» ጊያ ሃሳያይ ሲሴቴዳ።

2 ጎሊ ኣኬናን ኢዲና፡ ሃራይ ኣቶ፡ ካሪካ ኡንግና ጋካናሲ ጮራ ኣሳይ ሺቄዳ፤ ሄዋንቲሲ ዩሱሲ ቃላ ኦዴ።

3 ኦይዲ ኣሳቱ ቦላይ ሲሌዳ ኢቲ ቢታኒያ ቶኪዴ፡ ኣኮ ኣሄዲኖ።

4 ኣሳይ ጮራዳ ዲራው፡ ቢታኒያ ዩሱሳኮ ኣፋናው ኡንቲንቶ ዲንዳዬቴናን ኢዲና፡ ዩሱሲ ዴዔያ ባጋና ጎሊያ ቃሪዴ፡ ካራ ሉኬዲኖ፤ ሄ ሉኬዳሳና ቢታኒያ ኢ ጊሴዳ ሻንቻማና ዲጌ ዋሌዲኖ።

5 ዩሱሲ ኡንቲንቱ ኣማኑዋ ቤዒዴ፡ ሄ ቦላይ ሲሌዳ ቢታኒያ፡ «ታ ናዓው፡ ኔ ናጋራይ ኣቶ ጌቴቴዳ» ያጌዳ።

6 ሂጊያ ታማሪሲያዋንቲ፤ ሄዋን ኡቴዳ ኢቱ ኢቱ ባሬንቱ ዋዛና፤

7 «ላ ሃ ቢታኒ ሃዋ ማላ ኢታባ ያሳ ቦላ ኣዪሲ ሃሳዪ? ያሳ ያላላ፤ ኣቲን፡ ሃራይ ኦኔ ናጋራ ኣቶ ጋናው ዲንዳዪያዎ?» ያጊዴ ቆፔዲኖ።

8 ኡንቲንቱ ባሬንቱ ዋዛናን ሄዋዳን ቆፖዋ ዩሱሲ ኤሌካ ባሬ ኣያናን ኤሪዴ፡ ኡንቲንታ «ሂንቲንቱ ሂንቲ ዋዛናን ኣዪሲ ሄዋዳን ቆፒቴ?»

9 ቦላይ ሲሌዳ ቢታኒያ፡ «ኔ ናጋራይ ኣቶ ጌቴቴዳ፡ ጊያዎ ማቴዬ? ዋይ፡ «ዴንዳ ኤቃዴ ኔ ሻንቻማ ቶካዴ ሃሚታ» ጊያዎ ማቴ?»

10 ሺን ታኒ፡ ኣሳ ናዓው፡ ሳዓ ቦላን ናጋራ ኣቶ ጋናው ማታይ ዴዔያዋ ታኒ ሂንቲንታ ኤሪሳና» ያጊዴ ሄ ቦላይ ሲሌዳ ቢታኒያ፡

11 «ኔና ጋይ፤ ዴንዳ ኤቃ፤ ያታዴ ኔ ሻንቻማ ቶካዴ ኔ ሶይ ባ» ያጌዳ።

12 ቢታኒ ኤሌካ ዴንዲ ኤቂዴ፣ ባሬ ሻንቻማ ቶኪዴ፣ አሳይ ኡባይ ጃሊሽን ቢና አሳይ ኡባይ ማላሌቲዴ፣ «ኦኒ ሃዋ ማላባ ኡባካ ቤዒ ኤሮኮ» ያጌዴ ያሳ ጋላቲዲኖ።

**ዩሱሲ ለዊያ ጃሴዳ**  
(ማት 9:9-13፤ ሉቅ 5:27-32)

13 ዩሱሲ ጉጂካ ጋሊላ አባ ዶና ቤዳ፤ አሳይ ኡባይ አኮ ዩዳዋንታ ታማሪሴዳ።

14 ሄዋና አቋዴ፣ ኢልፒዮሳ ናዓ ለዊያ፣ ጊያዌ ቃራፃ ቃንጂያሳን ኡቲዳዋ ዳሚዴ፣ «ታና ካላ» ያጌዳ። ሄዋፔ ጉዬ ለዊ ዴንዲ ኤቂዴ፣ አ ካሌዳ።

15 ዩሱሲ ቁማ ማናው ለዊያ ሶዪን ኡቲዳ ዎዴ፣ ቃራፃ አኪያ ጮራ አሳይኔ ናጋራንቻቱ አናናኔ አ ካሊያዋንቱና ኢቲፔ ኡቲዲኖ። አ ካሊያዋንቱ ጊዶን ሄዋንቱ ማላ አሳቱ ዳሬዲኖ።

16 ሂጊያ ታማሪሴያ ኢቲ ኢቲ ፓሪሳዋቱ ዩሱሲ ናጋራንቻቱዋናኔ ቃራፃ አኪያዋንቱና ቁማ ሚሺን ቤዒዴ፣ «ኢ አዪሲ ናጋራንቻቱዋናኔ ቃራፃ አኪያዋንቱና ቁማ ሚ?» ያጌዴ፣ አ ካሊያዋንታ ኦቹዲኖ።

17 ዩሱሲ ኡንቱንቱ ጊያዋ ሲሲዴ፣ «ሃርጋንቻቱዋፔ አቲን፣ ፓፃ አሳው አኪሚ ኮሺና፤ ታኒ ናጋራንቻቱዋ ጃሳናው ዩዳዋፔ አቲን፣ ጂላቱዋ ጃሳናው ያቤይኬ» ያጌዴ ኡንቱንቶ ዛሬዳ።

**ያማባ ኤራናው ሸቄዳ ኦሻ**  
(ማት 9:14-17፤ ሉቅ 5:33-39)

18 ፃማቂያ ዮሃንሳ ካሊያዋንቱኔ ፓሪሳዋቱ ያሚኖ፤ አማሬዳ አሳቱ ዩሱሳኮ ዪዴ፣ «ዮሃንሳ ካሊያዋንቱኔ ፓሪሳዋቱዋ ካሊያዋንቱ ያሚኖ፤ ሺን ኔና ካሊያዋንቱ አዪሲ ያሚኪኖ?» ያጌዲኖ።

19 ዩሱሲ ኡንቱንታ «ቡላቻ ዩዳ አሳቱ ማቻቶ አኪያዌ ባሬንቱና ዳዒሺን፣ ያማናው ዳንዳዪኖ? ማቻቶ አኪያዌ ኡንቱንቱና ዳዒሺን፣ ያማናው ዳንዳይኪኖ።

20 ሺን ማቻቶ አኪያዋ ኡንቱንቱ ማታፔ አፋና ዎዲ ያናዋ፤ ኡንቱንቱ ሄ ዎዴ ያማናዋንታ።

21 «ኤጫ ማዩዋ ቦላ ኦራሳ ዴፊያ ዎላ ሲኪያ አሳይ ባዋ፤ ኤጫ ዎላ ሲኮፔ፣ ኦራሳ ዴፊ ኤጫ ማዩዋ ፔዴሬሌ፤ ፔዴሳይካ ኮይሮዋፔ ዳራና።

22 ቃሲ ሆኖ ዋዪኒያ ኤሳ ኤጫ ኦጎሩዋን ናዒያ አሳይ ባዋ፤ ሺን ናየፔ፣ ሄ ዋዪኒያ ኤሳይ ኦጎሩዋ ዳኬ፤ ባሬወካ ዋፊቴ፤ ኦጎሩካ ባዬ፤ ሺን ሆኖ ዋዪኒያ ኤሳ ኦራላ ኦጎሩዋን ናዒቴ» ያጌዳ።

ሳምባታባ ኤራናው ሺቄዳ ኦሻ  
(ማት 12:1-8፤ ሉቅ 6:1-5)

23 ዬሱሲ ኢቲ ሳምባታ ጋላሲ ቲሻ ባንጋ ጊደና አዲሺን፣ አ ካሊያዋንቱና ኣናና ቢዳ፣ ባንጋ ቲሻፔ ዲሳ ደሜዲና።

24 ፓሪሳዋቱ ዬሱሳ፣ «ቤዓ፤ ኔና ካሊያዋንቱ ሳምባታ ጋላሲ ሂጌ ጊዳናባ አዲኖ?» ያጌዲና።

25 ዬሱሲ ኢንቱንታ፣ «ዳዊቴ ኮሻቲዳ፣ ሚያባ ኮዬዳ ዋዳ፣ ባሬናና ደዒያዋንቱና ኦሌዳዋ ኡባካ ናባቢቤይኪቴ?»

26 አቢያታሪ ቄሳቶ ኡባቶ ካፖ ጊዳዳ ዋዳ፣ ዳዊቴ ያሳ ጎሊያ ጌሊዳ፣ ቄሳቱዋ ያላላይ ማናፔ አቲን፣ ኦኒኔ ማናው ሂጌ ጊዳናዋ ጎዳ ሲንላን ዋሌዳ ቁማ ሚዳ፣ ባሬናና ደዒያዋንቶካ ኢሜዳ» ያጌዳ።

27 ቃሲካ ዬሱሲ ኢንቱንታ፣ «ሳምባታይ አሳው ሜዴቴዳዋፔ አቲን፣ አሳይ ሳምባታው ሜዴቲቤና።

28 ሄዋ ዲራው፣ ታኒ፣ አሳ ናዒይ፣ ሃራይ አቶ፣ ሳምባታወካ ጎዳ» ያጌዳ።

### 3

ኩሺ ሲሌዳ ቢታኒያ  
(ማት 12:9-14፤ ሉቅ 6:6-11)

1 ዬሱሲ አዩሁዳ ዋሳ ጎሊያ ሺሬቲካ ጌሌዳ፤ ሄዋን ኩሺ ሲሌዳ ኢቲ ቢታኒ ደዒ።

2 ኢቲ ኢቲ አሳይ ዬሱሳ ሞታናው ኮዩዳ፣ ኩሺ ሲሌዳ ቢታኒያ ሳምባታን ኢ ፓሶፔ ቤዓናው ናጌ።

3 ዬሱሲ ሄ ኩሺ ሲሌዳ ቢታኒያ፣ «ዴንዳ ኤቃዳ ሲንላው ሃ ያ» ያጌዳ።

4 ሄዋፔ ጉዩያን አሳ፣ «ሳምባታን ሎዖባ ኦሊያዌ ዋጌዬ ኢታባ ኦሊያዌ ዋጌ? አሳ ሽምጥዋ አሺያዌ ዋጌዬ ዋዲያዌ ዋጌ?» ያጌዳ ኦቹዳ።

ሺን አሳይ ጮፀ ጌዳ።

5 ዬሱሲ ሃንቄቲዳ፣ ኢንቱንታ ዩሺ አሊ ያሊዳ፣ ኢንቱንቱ ኦዲና ሲሲናዋንታ ጊዲያ ዲራው፣ ኢንቱንቶ ዳሪ ካዮቴዳ፤ ሄ ቢታኒያ፣

«ኔ ኩሺያ ፒዲ ኦላ» ያጌዳ፤ ቢታኒ ፒዲ ኦሊና፤ ኦ ኩሺ ፓዲ ኣጌዳ።

6 ፓሪሳዎቹ ኣዲሁዳ ዎሳ ጎሊያፕ ካሪ ኬሲዳ፤ ዩሱሳ ዎቲ ዎቆነንቶ ሄሮዲሳና ዳዒያዎንቱና ማቄቲዲኖ።

**ኣሳይ ኣባ ላንቂያን ዩሱሳኩ ሸቆዲኖ**

7 ዩሱሲ ባሪና ካሊያዎንቱና ጋሊላ ኣባ ቤዳ፤ ጋሊላፕ ጮራ ኣሳይ ኣ ካሌዳ።

8 ቃሲካ ጮራ ኣሳይ ዩሁዳፕ፤ ዩሩሳላሜፕ፤ ኤዶሚያሳፕ፤ ዮርዳኖሳ ሻፋፕ ሄሬንሳ ባጋፕ፤ ዲሮሳ ካታማፕ፤ ሲዶና ካታማፕ ዩሱሲ ኦሎዳዎ ሲሲዳ፤ ኣኮ ዩዳ።

9 ዩሱሲ ጮራ ኣሳይ ባሪና ሱጊ ኡንዔጮና ማላ፤ ባሪና ካሊያዎንታ ዎንጊሪያ ባሪው ጋሚዔላና ማላ ኣዛዜዳ።

10 ዳሮ ኣሳ ኢ ፓሌዳ ዲራው፤ ሃርጊያ ኣሳይ ኡባይ ኣ ቦቻናው ሱጌሪፕ።

11 ኢታ ኣያናይ ዳዒያ ኣሳቲካ ኣ ቤዔዳ ዎዴ ኡባን ኣ ሲንሳን ጉፋኒዳ፤ ባሪንቲ ቃላ ጶቁ ኦሊዳ፤ «ኔን ያሳ ናዓ ጊዲኪ!» ያጌዲኖ።

12 ዩሱሲ ሄ ኢታ ኣያናቲ ባሪባ ኣሳው ኦዲዳ፤ ባሪና ቆንጨያ ኬሴና ማላ፤ ኡንቲንታ ሚኒሲዳ ኣዛዜዳ።

**ዩሱሲ ባሪ ኪቲያዎንታ ዶሪዳ**

(ማት 10:1-4፤ ሉቅ 6:12-16)

13 ዩሱሲ ዳሪያ ቦላ ኬሲዳ፤ ባሪ ኮዬዳ ኣሳቲዎ ባሪኮ ዪሴዳ፤ ሄዎፕ ጉዬ ኣኮ ቤዲኖ።

14-15 ኡንቲንቲ ባሪናና ዳዓና ማላኔ ቃላ ኦዳናው ኡንቲንታ ኪታና ማላ፤ ኢታ ኣያናቲዎ ኣሳፕ ኬሳናው ኡንቲንቶ ማታይ ዳዓና ማላ፤ ታማኔ ላዑ ኣሳቲዎ ዶሪዳ።

16 ኢ ዶሪዳ ታማኔ ላዓቲ ሃዎንታ፡ ጳዲሮሳ ያጊዳ ሱንሌዳ ሲሞና፤

17 ቦዓኔርጌሳ ያጊዳ ሱንሌዳ ዛቢዲዮሳ ናና ያዩቆባኔ ያዩቆባ ኢሻ ዮሃኒሳ። «ቦዓኔርጌሳ» ጊያዌ «ዎልቃማ ኣሳቲዎ» ጊያዎ።

18 ኢንዲራሳኔ ፒሊጳሳ፤ ባርታላሞሳኔ ማቶሳ፤ ቶማሳኔ ኢልፒዮሳ ናዓ ያዩቆባ፤ ታዶሳኔ ባሪ ቢታው ሴሌቲያ ሲሞና፤

19 ዩሱሳ ኣሉ ኢሜዳ ዩሁዳ ኣሰቆርታ።

**ዩሱሳኔ ቢዔል-ዜቡላ**

(ማት 12:22-32፤ ሉቅ 11:14-23፤ 12:10)



20 ዩሱሲ ሰይ ቤዳ፤ ለዓንሱዋካ ቃሲ ጮራ አሳይ ሸቂና፤ ኢኔ አ ካሊያዋንቱና ሃራይ አቶ፤ ቁማ ማናውካ ዳንዲይቤይኪና፤

21 አሳይ አ፡ «ጎዬ» ጊያ ዲራው፡ አ ዳባቱ ሄዋ ሲሲዴ፡ አ አካናው ቤዲኖ።

22 ሃጊያ ታማሪሲያ ኢቲ ኢቲ አሳቱ ዩሩሳላሜ፤ ዩዴ፡ «ዩሱሳ ቦላ ቢዔል-ዜቡል ዴዔ» ያጌዲኖ፤ ቃሲ፡ «ፃላሃቱዋ ካፑ ባሬው ዋልቃ እሚና፤ ኢታ እያናቱዋ ኬሴ» ያጌዴ ሃሴዬዲኖ።

23 ዩሱሲ አሳ ባሬኮ ያሲዴ፡ ለሚሱዋ ኦዲዴ፡ «ሴፃናይ ሴፃና ዋቲ ኬሳናው ዳንዲዩ?»

24 ኢቲ ካወቱላይ ባሬ ጊደን ሻኬቶ፤ ሄ ካወቱላይ ኤቃናው ዳንዲዩና፤

25 ቃሲ ኢቲ ጎሌ አሳይካ ባሬ ጊደን ሻኬቶ፤ ሄ ጎሌ አሳይካ ኤቃናው ዳንዲዩና።

26 ሴፃናይ ባሬናና ዋላቄቲዴ ሻኬቶ፤ ባያና፤ አቲን፡ ዴዳና ዳንዲዩና።

27 «ሺን ዋልቃማ አሳ ጎሌ ጌሊዴ ካሴቲዴ አ ቃቼናን ዴዲዴ፡ አ ሚሻ ቦንቃናው ዳንዲዩና አሳይ ባዋ፤ ቃቼዳዋ፤ ጉዩያን፡ አ ጎሊያ ቦንቃናው ዳንዲዩና።

28 «ታኒ ሂንቴንቶ ቱሙዋ ጋይ፤ ፆሳይ አሳ ናናው ናጋራ ኡባኔ ኤንቱንቱ ቦሪያ ቦሪያ \* ኡባ አቶ ጋና፤

29 ሺን ጌሻ አያና ቦላ ኢታ ቦሪያ ሃሳዩያ ኦሲኔ ሜዲናው ናጋራ ጊዳና፤ አቲን፡ ፆሳይ ኡባካ አቶ ጌና» ያጌዴ።

30 ዩሱሲ ሄዋ ጌዳዌ፡ ኢቲ ኢቲ አሳቱ፡ «ዩሱሳ ቦላ ኢታ አያናይ ዴዔ» ያጌዳ ዲራሳ።

ዩሱሳ ዳዮኔ ኢሻቱዋ  
(ማት 12:46-50፤ ሉቅ 8:19-21)

31 ዩሱሳ ዳያኔ አ ኢሻቱ ዩዴ፡ ካሬን ኤቂ አኮ አሳ ከቲዴ፡ አ ያሲሴዲኖ።

32 ጮራ አሳይ አ ማታን ኡቲዲኖ፤ ሄ ከቲቲዳዌ አ፡ «ቤዓ፤ ኔ ዳያኔ ኔ ኢሻቱ ካሬን ኤቂዴ፡ ኔናና ጋኬታናው ኮዩና» ያጌዴ።

33 ዩሱሲ ዛሪዴ፡ «ታ ዳያ ኦኔ? ቃሲ ታ ኢሻቱ ኦኔ?» ያጌዴ።

34 ባሬ ማታን ኡቲዳ አሳ ዩሺ አሲ ያሊዴ፡ «ቤዒቲ፤ ታ ዳያኔ ታ ኢሻቱ ሃዋንቱሺ።

---

3:22 ማት 9:34፤ 10:25 \* 3:28 ቦሪያ ቦሪያ፡ ጉሳይ ፆሳ ቦላን አሳይ ሃሳዩያ ኢታ፡ ባላኔ ጌላ ሃሳያ። 3:29 ሉቅ 12:10

35 ያሳይ ኮዪያዎ ኦሲያ ኡባይ ታ ኢሻ፣ ታ ሚቻቶኔ ታ ዳዮ» ያገዱ።

# 4

ዜሬላ ዜሬያዎ ለሚሱዎ  
(ማት 13:1-9፤ ሉቅ 8:4-8)

1 ዩሱሲ ሺሬቲካ ጋሊላ ኣባ ማታን ታማሪሱዎ ደሜዳ፤ ጮራ ኣሳይ ባሬ ሚዪያን ዩዩ ኣጲዴ ሸቂ ኡቲና፣ ኣባን ዴዲያ ዋንጊሪያ ጊዶ ጌሊዴ፣ ኣኒ ኡቴዲና፤ ቃሲ ሄ ኣሳይ ኡባይ ኣባ ሚዪያን ዴዴ።

2 ኢ ኡንቲንታ ዳርባ ለሚሱዎን ታማሪሲዳ፤

3 «ሲሲቲ፤ ኢቲ ቢታኒ ዜሬላ ዜሬናው ኬሴዳ።

4 ኢ ዜሬሺን፣ ኢቲ ኢቲ ዜሬላይ ኦጊያ ደናን ዎጴዳ፤ ሄዎ ካፋ ዩዴ ሚዳ።

5 ኢቲ ኢቲ ዜሬላይ ኣንጮ ቢታ ቦላ ዎጴዳ፤ ዳር ቢታይ ባይና ዲራው፣ ሄ ዜሬላይ ኤሌካ ሞኬዳ።

6 ኣዋይ ኬሴዳ ዎዴ ሹሌዳ፤ ኣዲሳ ፃጶዎ ዩዲቤና ዲራው፣ ማሊ ኣጌዳ።

7 ኢቲ ኢቲ ዜሬላይ ኣጉንላ ጊዶን ዎጴዳ፤ ሄዎን ሞኬዳዎ ኣጉንላይ ዲጪዴ ጩሊና፣ ኣይፊናን ኣቲዳ።

8 ኢቲ ኢቲ ዜሬላይ ቱዔ ቢታን ዜሬቲዴ ሞኬዳ፤ ዲጪዴ ኢቲ ሃታሙዎ፣ ኢቲ ኡሱፑን ታሙዎ ኣይፊና፣ ኢቲ ጻቱዎ ኣይፊዳ።»

9 ቃይካ ዩሱሲ፣ «ሲሳናው ሃይላይ ዴዲያ ኡራይ ሲሶ» ያገዱ።

ዩሱሲ ለሚሱዎን ኦዴዳ ጋሱዎ  
(ማት 13:10-17፤ ሉቅ 8:9-10)

10 ታማኔ ላዑ ዩሱሳ ካሊያዎንቱኔ ኢ ኦዴዳዎ ሲሴዳ ሃራ ኣሳቱ ኢ ባሬካ ዴዲሺን ኣኮ ሸቂዴ፣ ሄ ለሚሱዎ ቢሌላ ኣ ኦቼዲና።

11-12 ዩሱሲ ኡንቲንቲሲ፣ «ሂንቲንቶ ያሳ ካወቲላ ጹራ ዩወዎ ኤራይ ኣሜቲዳ፤ ሺን ሃራቱ ካወቲላፕ ካሬና ዴዲያዎንቱ፣ ጻላ ጻሊዴ ቤዒና ማላ፣ ቃሲ ሲሳ ሲሲዲካ ኣኬኬና ማላ፣ ኡንቲንቲ ሸሬቲዴ ያሳኮ ሲሚና፣ ኢ ኡንቲንቲ ናጋራ ኣቶ ጌና ማላ፣ ኡንቲንቶ ኡባባይ ለሚሱዎን ኦዴቲ» ያገዱ።

ዜሬያዎ ለሚሱዎ ቢሌላ  
(ማት 13:18-23፤ ሉቅ 8:11-15)

13 ዩሱሱስ ከንቱንታ፡ «ሃ ለሚሱዋ ኤሪኪቴ? ያቴና፡ ለሚሱዋ ኡባ ዋቲ ኤሪኪቴ?

14 ዜሪያዌ ያሳ ቃላ ዜሬ።

15 ቃላይ ዜሬቲያ ኦጊያ ደናን ዳዒያዋንቱ ሃዋንታ፤ ከንቱንቱ ቃላ ሲሲያ ዎዴ፡ ሴፃናይ ኤሌካ ዩዴ፡ ከንቱንቱ ዎዛናን ዜሬቴዳ ቃላ አፊዲጌዳ።

16 ሃዋዳንካ ቃሲ አንጮቲያ ቢታን ዜሬቴዳዋንቱ ሃዋንታ፤ ከንቱንቱ ቃላ ሲሲዴ፡ ኤሌካ ናሽቻን አኪኖ።

17 ከንቱንቱ ሃዒው ዳዒኖፕ ኣቲን፡ ከንቱንቶ ሚኖ ፃጹ ባዋ፤ ጉዩፕ ቃላ ጋሱዋን ዋዩ ዎይ ዩዳርሱ ዩያ ዎዴ፡ ከንቱንቱ ኤሌካ ጹቤቲ ኣጊኖ።

18 ቃሲ አጉንላ ጊደን ዜሬቴዳዋንቱ ሃዋንታ፤ ከንቱንቱ ቃላ ሲሲያዋንታ።

19 ሺን ሃ ሳሳ ዳዖ ሂርጊያዌ ዲሬቴላ ደሲያዌኔ ሃራባ አሞቲያዌ ከንቱንቱ ዎዛናን ጌሊዴ፡ ቃላ ጩሊና አይፊናን ኣቲ ኣጌዳ።

20 ሺን ቱዔ ቢታን ዜሬቴዳዋንቱ ቃላ ሲሲዴ አኪያዋንታ፤ ኢቱ ሃታሙዋ፡ ኢቱ ኡሱፑን ታሙዋ አይፊና፡ ኢቱ ጃቱዋ አይፊዳ» ያጌዳ።

**ጾምፒያ ለሚሱዋ  
(ሉቅ 8:16-18)**

21 ዩሱሱስ ጉጂዳ፡ «ጾምፒያ አሂዴ፡ ጊላፕ ዎይ ኣርሳፕ ጋርሳና ዎሊያ አሳይ ዳዒ? ጹቃሳን ዎሌኔ?

22 አዩሲ ጎፕ፡ ቆሴዳባይ ኡባይ ቆንጨያ ኮሳናዋ፤ ቃሲ ጌማን ዎሌዳባይ ኡባይ ቤቴናን ኣቲና።

23 ሲሳናው ሃይላይ ዳዒያ ኡራይ ዳዖፕ ሲሶ» ያጌዳ።

24 ቃሲካ ከንቱንታ፡ «ሂንቱንቱ ሲሲያዋ አኮኪዴ ሲሲቴ፤ ያሳይ ሂንቱ ማኬዳ ቁንዓን ሂንቱንቶ ማካናዎ። ኢ ሂንቱንቶ ዳሪሲዴ አማና፤

25 ዳዒያ ኡራው ጉጂ አማና፤ ባይናዋፕ ሃራይ ኣቶ፡ ኣው ዳዒያ ሄ ጉላቶካ ኣኪዲጋና» ያጌዳ።

**ዲጨያ ዜሬላ ለሚሱዋ**

26 ዩሱሱስ ቃሲካ፡ «ያሳ ካዉቱላይ ጋዴን ካላ ዜሪያ አሳ ማላ።

27 ሄ ቢታኒ ቃማ ጌሚዒሽ፤ ጉራ ዴንዴ፤ ኢ ባሬ ሁጴው ዋኒንቶ ኤሬናን፤ ሄ ዜሬላይ ሞኬኔ ዲጨ።

28 ቢታይ ካላ ባሬካ ሞከኔ አይፌ፤ ኮይሮ ጫርሻይ ጫሬ፤ ጉይፔ አይፋናው ኩኩሜ፤ ቃሲ ወርሴላን ኩሜንሳ አይፊያ አይፌ።

29 ሺን ካላይ ጋኪያ ዎዴ፣ ካላ ሺሺያ ዎዴ ጋኬዳ ዲራው፣ ቢታኒ ኤሌካ ባጫን ጫኩዋ ጌሊ አጌዳ» ያጌዳ።

**ሳናፊጪያ ዜሬላ ለሚሱዋ**

(ግጥም 13:31-34፤ ሉቅ 13:18-19)

30 ዩሱሲ፣ «ኑኒ ያሳ ካወቱላ ኣያ ማላቲ ጋኔ? ዎይ ኣያና ለሚሳኔ?»

31 ያሳ ካወቱላይ ሳናፊጪያ አይፋቶ ማላቲ። ሄ አይፋታ ዜሪያ ዎዴ፣ ሳዓን ዴዲያ ሚላ አይፊያ ኡባፔካ ጉፃው፤

32 ሄና ዜሪና ሞካዴ ሃራ አታኪልቲያ ኡባፔ ዳራው፤ ዳሮ ዳሻ ዳሻው። ካፋ ኢዚ ቃንካ ኩዋን ጎሊያ ከፃና ዳንዳዬ» ያጌዳ።

33 ዩሱሲ ሃዋ ማላ ዳሮ ለሚሱዋን አሳይ ሲሳናው ዳንዳዬያዋ ከና፣ ባሬ ቃላ ኦዴዳ።

34 አሳው ለሚሱ ባይናን ኦዴና፤ ሺን ዩሱሲ ባሬና ካሊያዋንቱ ፃላላና ዴዲያ ዎዴ፣ ኡንቱንቶ ኡባባ ቢሊዴ ኦዴ።

**ዩሱሲ ቤታ ጮው ኦሌዳ**

(ግጥም 8:23-27፤ ሉቅ 8:22-25)

35 ሄ ጋላሲ ሳዓይ ኦማርሲና፣ ዩሱሲ ባሬና ካሊያዋንታ «አባፔ ሄሬንሳ ፒኖይቲ» ያጌዳ።

36 አ ካሊያዋንቱ አሳ አጊዴ፣ ዩሱሲ ካሴ ጌሊ ኡቲዳ ዎንጊሪያን ጌሊዴ፣ ዩሱሳ ባሬንቱና ኣፌዲኖ፤ ሃራ ዎንጊራቱካ ሄዋን ዴዲኖ።

37 ዎልቃማ ጎቱ ዴንዲና፣ ቤታይ ዎንጊሪያ ሾጪና፣ ሃላይ ኩማና ጋካናው ዎንጊሪያ ጊዶ ጌሌዳ።

38 ሄ ዎዴ ዩሱሲ ዎንጊሪያን ጉዬ ባጋና ቦርኮላ ቦርኮቲዴ ጌሚዲሼዳ። ዩሱሳ ካሊያዋንቱ አ ዴንሱዴ፣ «ታማሪሲያዎ፣ ኑኒ ቆዩያ ዎዴ ጮው ጋዴ ያላይ?» ያጌዲኖ።

39 ኢ ቤጎቲዴ ጎቱዎ፣ «ጮው ጋ» ጊዴ፣ አባካ፣ «ዎፑ ጋ» ጌዳ፤ ጎቱካ ጮው ጊና፣ ኡባባይካ ዎፑ ጌዳ።

40 ዩሱሲ ባሬና ካሊያዋንታ «አዩሲ ሃዋዳን ያዩቲ? ሂንቲንቱ ዋኒ አማኒኪቲ?» ያጌዳ።

41 ኡንቲንቱ ዳሮ ያዩዴ ባሬንቱ ጊዶን፣ «ሃዌ ላ ሃራይ አቶ፣ ጎቲኔ አባይ አዛዜቲያዌ ኦኔ?» ያጌዲኖ።

# 5

ዩሱሲ ኢታ ኣያናይ ኦይቄዳ ቢታኒያ ፓሌዳ  
(ማጥ 8:28-34፤ ሉቅ 8:26-39)

1 ዩሱሲ ኣ ካሊያዋንቱ ኣባፔ ሄፊንጎው ፒኒዳ፡ ጌርጌሴናና ጌቲቲያ ጋዲያ ጋኬዲኖ።

2 ኣሳ ሞጊያ ዲፋ ዳዒያሳፔ ኢታ ኣያናይ ዳዒያ ኢቲ ቢታኒ ኬሲዳ፡ ዩሱሲ ዋንጊሪያፔ ኬሴዳ ዋዳ፡ ዩሱሳና ጋኬቲዳ።

3 ቢታኒ ሄ ዲፋ ዳዒያሳን ኣቂ ፔሺዳ፡ ያኒ ዳዒ፤ ኣ ኦኒኔ ሃራይ ኣቶ፡ ሳንጎላታን ቃቻናወካ ዳንዳይቤና።

4 ኣዪሲ ጎፔ፡ ኢ ዳር ዋዳ ኡቂናኒኔ ሳንጎላታን ቃሹቲዳ ዳዒ፤ ሺን ሳንጎላታ ዲሴሬሌዳ፤ ኡቂናካ ማንጮሬሌዳ፤ ኣ ያናናው ዳንዳይዳዌ ኦኒኔ ባዋ።

5 ኢ ኡባ ዋዳ ጋላሲኔ ቃማ፡ ሄ ዲፋ ዳዒያሳኒኔ ዳሪያ ቦላ ዋሴ፤ ባሬ ቦላካ ሹቻን ጋሬ።

6 ዩሱሳ ሃኩዋን ቤዔዳ ዋዳ፡ ኣኮ ዋዳ ዪዳ ኣው ጎዪኔዳ።

7 ሄ ቢታኒ ባሬ ኮሻ ቶቁ ኦሊዳ፡ «ኡባፔ ቦላ ያሳ ናዓው፡ ዩሱሳ፡ ኔናኔ ታና ኣዬ ጋሲ? ታና ሙሬና ማላ፡ ታኒ ኔና ያሳ ሱንጎሳን ዋሳይ» ያጌዳ።

8 ኢ ሄዋ ኣዪሲ ጌዳ ጎፔ፡ ዩሱሲ ኣ፡ «ላ ሃ ኢታ ኣያናው፡ ሃ ቢታኒያፔ ኬሳ» ያጌዳዋሳ።

9 ዩሱሲ ኣ፡ «ኔ ሱንጎሳይ ኦኒ?» ያጌዳ ኦቹዳ።

ኢ፡ «ኦኒ ጮራ ጊዲያ ዲራው፡ ታ ሱንጎሳይ ለጊዮና» ያጌዳ።

10 ኢታ ኣያናቱዋ ሄ ጋዲያፔ ኬሲ ዩዳና ማላ፡ ዩሱሳ ሚኒሲዳ ዋሴዳ።

11 ሄ ዳሪያ ቦላን ጮራ ጉዲንጎ ወዲ ሄማቲ፤

12 ኢታ ኣያናቱ ዩሱሳ፡ «ኦና ሂኒ ጉዲንጎ ወዲያኮ ዩዳናኪ፤ ኡንቲንቲን ቢዳ ጌላና» ያጌዳ ዋሲና።

13 ዩሱሲ፡ «ቢቲ» ያጌዳ። ኢታ ኣያናቱ ቢታኒያፔ ኬሲዳ፡ ጉዲንጎቱዋን ጌሌዲኖ፤ ላዑ ሻዓ ጊዲያ ጉዲንጎ ወዲ ካካ ሁጲያና ካጃቲዳ፡ ኣባን ጌሌዳ፡ ሚቲቲ ኣኒዳ።

14 ጉዲንጎ ወዲያ ሄማያዋንቱ ባቃቲዳ፡ ሃኔዳዋ ካታማኒኔ ካታማፔ ጋፃ ጋዲያን ኦዳዲኖ፤ ሄዋ ቤዓናው ኣሳይ ዩዳ።

15 ኣሳይ ዩሱሳኮ ዪዳ፡ ጮራ ኢታ ኣያናቱ ቤኒ ኦይቄዳ ቢታኒ ባሬ ዋዛናይ ሲሚና፡ ማዩዋ ማዪዳ፡ ሄዋን ኡቲዳዋ ቤዒዳ፡ ኡባይ ያዩዳ።

16 ሄዋ ቤዔዳ ኣሳቲ ኢታ ኣያናቱ ኦይቄዳ ቢታኒ ሃኔዳዋኔ ቃሲ ጉዲንጎ ወዲያባ ሄ ኣሳሲ ኦዳዲኖ።

17 ሄዋ ዲራው፡ አሳይ ባሪንቱ ጋዲያፔ ዩሱሲ ባና ማላ፡ ዋሳ ደሜዳ።

18 ዩሱሲ ዋንጊሪያን ጌሊሽን፡ ኢታ አያናቱ ኦይቄዳ ቢታኒ ዩሱሳና ደዓና ማላ፡ ዩሱሳ ዋሴዳ።

19 ሺን ዩሱሲ ኢዲዳ አ፡ «ኔ ሶይ ሲማዳ፡ ጎዳይ ኔው አይ ማላ ዋልቃማባ ኦሴዳንቱን ቃሲ ኢ ኔው አይ ማላ ከከንቶ ኔ ሶይ አሳው ኦዳ» ያጌዳ።

20 ቢታኒ ቢዳ፡ ታሙ ካታማ \* ጊያሳን ዩዱዳ፡ ዩሱሲ ባሪው አይ ማላ ዋልቃማባ ኦሴዳንቱ፡ ኦዲዋ ደሜዳ፤ ኢ ኦዳዳዋ ሲሴዳ አሳይ ኡባይ ማላሌቲዳ።

ያዲሮሳ ናቱን ዩሱሳ ማዩዋ ቦቹዳ ሚሺራቶ (ማት 9:18-26፤ ሉቅ 8:40-56)

21 ዩሱሲ ሲሚዳ፡ ዋንጊሪያን ጌሊዳ፡ አባ ፒኔዳዋፔ ጉዩያን፡ ጮራ አሳይ አባ ማታን አኮ ዩዩ አዲዳ ሸቄዲኖ።

22 ያዲሮሳ ጊያዌ፡ አዩሁዳ ዋሳ ጎሊያ ካፓቱዋፔ ኢቱ፡ ዩሱሳ ቤዔዳ ዋዴ አኮ ዩ አ ጌዲያን ከንዲዳ፡

23 «ታ ናታ ሃርጋዴ ሃይቃና ሃናው፤ ኢዛ ፓፃዴ ሎዖ ደዓና ማላ፡ ያዴ ኔ ከሺያ ኢዚ ቦላ ዋላሪኪ» ያገዴ ዩሱሳ ሚኒሲዴ ዋሴዳ።

24 ዩሱሲ ያዲሮሳና ቤዳ፤ ኢ ቢሺን ጮራ አሳይ አ ካሊዴ ሜቶሴዲኖ።

25 ታማኔ ላው ላይላ ኡባ ኢዚ ቦላፔ ሱላይ ጎጊያ ኢቲ ሚሺራታ ደዓው።

26 ጮራ አከማቱ ኢዛ አከሚሺንካ፡ ኢዛ ፓፃ ካዔታዲ፤ ባሪ ሚሻ ኡባ ዉርሲናካ ኢዚው ሃ ኢቲዳዋፔ አቲን፡ አይኔ ኢዛ ማዲቤና።

27 ሄ ሚሺራታ ዩሱሳባ ሲሳዳ፡ አሳ ጊዶና ዩሱሳፔ ጉዩና ያዳ፡ አ ማዩዋ ቦቻዲ።

28 አዩሲ ጎፔ ኢዛ፡ «ታኒ ሃራይ አቶ፡ አ ማዩዋ ቦቻፔካ ፓፃና» ያጋዴ ቆፓዲ።

29 ኢፔ ጎጊያ ሱላይ ኤሌካ ኤቂ አጌዳ፤ ኢዛ ባሪ ዋዩያፔ ፓፃዳዋ ባሪ ቦላን ኤራ አጋዲ።

\* 5:20 ታሙ ካታማ፡ ሃዋንቱ ኢቲ ጨታ ጊዳዳ ካታማቱ ሳሚያፔኔ ጋሊላ ጋዲያ አዋይ ደሊያ ባጋና ደዓያዋንታ ጊዳዳ፡ ሄዋንቱን ደዓያ አሳቱዋ ኤሻይካ ግሪኬ አሳቱዋ ደውዋ ኦጊያ ካሊያዋ ቤሴ።

30 ዩሱሲ ባሬፔ ዋልቃይ ከሴዳዋ ባሬ ሁጾው ኤሪዳ፣ ኤሌካ ጮራ አሳ ጊደን ጉዬ ሲሚዳ፣ «ታ ማዩዋ ቦቹዳዌ ኦኔ?» ያጌዳ።

31 ዩሱሳ ካሊያዋንቱ አ፣ «አሳይ ኔና ሱጊያ ዋደ ቤዓዳ፣ ታና ኦኔ ቦቹዳዌ?» ያጋይ?» ጌዲኖ።

32 ዩሱሲ ሄዋ ኦኔ ኦሴዳንቶኔ ቤዓናው ዩሺ አሊዳ ያሌዳ፤

33 ሺን ሚሺራታ ባሬው ሃኔዳዋ ኤራዳ፣ ያሻ ኮኮራዳ ያደ ዩሱሳ ሲንሳን ጉፋናዲ፤ ቃሲ ቱማቱሳን ሃኔዳዋ ኡባ አው ኦዲዲ።

34 ዩሱሲ ኢዞ፣ «ታ ናቱ፣ ኔና ኔ አማኑ ፓሌዳ፤ ሳሩዋን ባ፤ ኔ ዋዩያፔኔ ፓፃ» ያጌዳ።

35 ዩሱሲ ቢሮ ሄዋ ጊሺን፣ አዪሁዳ ዋሳ ጎሊያ ካፑዋ ሶዪፔ ከቲቱዳ አሳቱ ዩዳ፣ «ኔ ናታ ሃይቃዲጋዲ፤ ሲሚ ታማርሲያዋ አዪሲ ዳቡርሳይ?» ያጌዲኖ።

36 ሺን ዩሱሲ ኡንቱንቱ ጊያዋ ሲሲዳ፣ አዪሁዳ ዋሳ ጎሊያ ካፑዋ፣ «አማኖ ያላላ አማናፔ አቲን፣ ያዮፓ» ያጌዳ።

37 ዩሱሲ ጳደርሳፔ፣ ያዩቆባፔኔ ያዩቆባ ኢሻ ዮሃኒሳፔ ሃራይ ኦኔ ባሬና ካሌና ማላ ዲጌዳ።

38 ኡንቱንቱ አዪሁዳ ዋሳ ጎሊያ ካፑዋ ሶይ ጋኬዳ ዋዳ፣ ዩሱሲ አሳይ ሎይሌ ዩኪያዋኔ ዚላሊያዋ ቤዔዳ።

39 ጌሊዳ አሳ፣ «አዪሲ ሎይሌ ዩኪቱ? ናታ ጌሚዲሻዲፔ አቲን፣ ሃይቃቤይኩ» ያጌዳ።

40 ሄዋፔ ጉዬ አሳይ አ ቦላ ሚጩዳ፤ ሺን አሳ ኡባ ካሬ ከሲዳ፣ ናቲ አወዋኔ አቶ ሄዋን ባሬናና ዳዲያ አ ካሊያዋንታኔ አኪዳ፣ ናታ ዳዲያሳ ጌሌዳ።

41 ዩሱሲ ናቲ ኩሺያ ኦይቂዳ፣ «ፃሊታ፣ ቁሚ» † ያጌዳ፤ ሄዋ ቢሌላይ፣ «ጉላ ናቱ፣ ታኒ ኔና ዳንዳ ጋይ» ጊያዋ።

42 ናታ ኤሌካ ዳንዳ ኤቃዳ ሃሚታዲ፤ ኢዞ ታማኔ ላዑ ላይላ ናቶ፤ ሄዌ ሃኒያዋን አሳይ ዳሮ ማላሌቲዳ።

43 ዩሱሲ ሄዋ ኡንቱንቱ ኦሲኔ ኦዳና ማላ፣ ኡንቱንታ ሚኒሲ አዛዚዳ፣ «ኢዚው ሚያባ ኢሚቱ» ያጌዳ።

# 6

## ዩሱሳ ናዚሬቲን አኬናን ኢዳዲኖ (ማጥ 13:53-58፤ ሉቃ 4:16-30)

† 5:41 ፃሊታ፣ ቁሚ፡ ሃ ቃላቱ አራማዪኬ ጌቲታ ቃላን ዩሱሳ ዋዲያን ፓሌሰቲኔ ጋዴን ሃሳዬቲያዋ። ፃሊታ ጊያዌኔ ቁሚ ጊያዌ አማራጭ ቃላ ጊደና። ሺን ግርኪያ ቃላ።

1 ዩሱሲ ሄዋፔ ከሲዳ፣ ባሬ ጋዲያ ናዚሬቴ ካታማ ቤዳ፤ ኣ ካሊያዋንቱካ ኣ ካሊዳ ቤዲኖ።

2 ሳምባታ ጋላሲ ኣዪሁዳ ዋሳ ጎሊያን ታማሪሱዋ ደሜዳ፤ ኢ ታማርሲያዋ ሲሴዳ ጮራ ኣሳይ ማላሌቲዳ። «ሃዌ ሃ ኡባባ ሃቃፔ ደሜዳ? ሃ ኣው ኣሜቲዳ ኣቶ ኤራቴሳይ ኣዬ? ያሳይ ኦሊያ ማላታ ኢ ዋቲ ኦሊ?»

3 ሃዌ ኣናዲያ \* ጌዴን? ማይራሚ ናዳ፣ ያዪቆባ ኢሻ፣ ዮሳ ኢሻ፣ ዪሁዳ ኢሻ፣ ሲሞና ኢሻ ጌዴን? ኣ ሚቻቱ ኦናና ሃዋን ደዴያዋንታ ጌዲኪኖ?» ያጌዳ፣ ኢ ጌያዋ ኣኩናን ኢጻዲኖ።

4 ዩሱሲ ሄ ኣሳሲ፣ «ናቢ ባሬ ጋዲያን፣ ባሬ ዳባቱዋኒኔ ባሬንቱ ሶይ ኣሳን ቦንቼቴናዋፔ ኣቲን፣ ኡባሳን ቦንቼቴ» ያጌዳ።

5 ኢ ሃዋን ባሬ ኩሺያ ኣማሬዳ ኣሳቱዋ ቦላ ዋሲዳ፣ ኡንቱንታ ፓሌዳዋፔ ኣቲን፣ ጮራ ማላታ ኦላናው ኣይኔ ዳንዲይቤና።

6 ኣሳይ ኣማኒቤና ዲራው ማላሌቲዳ።

**ዩሱሲ ታማኔ ላዑ ባሬና ካሊያዋንቱ ታማሪሳናዳን ኪቴዳ (ማት 10:5-15፤ ሉቅ 9:1-6)**

ሄዋፔ ጉዪያን፣ ዩሱሲ ሄዋ ሄራን ደዴያ ቄሪ ካታማቱዋን ዩዪ ዩዪዳ፣ ኣሳ ታማርሲዳ።

7 ዩሱሲ ታማኔ ላዑ ባሬና ካሊያዋንታ ባሬኮ ጻሲዳ፣ ላዑዋ ላዑዋ ኪቴዳ፤ ቃሲ ኡንቱንቶ ኢታ ኣያናቱዋ ኬሲያ ማታ ኢሜዳ።

8 ኡንቱንታ፣ «ኦጊያ ፃምዓፔ ኣቲን፣ ቁማ፣ ቃርጨቲያ፣ ሂንቲው ሚሻ ኣያኔካ ኦይቆፒቲ።

9 ሂንቲንቱ ጌዲያን ጫማካ ዋሲቴ፤ ሺን ላዑ ማዩዋ ማዮፒቲ» ያጌዳ።

10 ቃሲካ ኡንቱንታ፣ «ሂንቲንታ ኣሳይ ሃቃን ሞኮፔ፤ ሄዋፔ ኬሳና ጋካናው፣ ሄ ጎሊያን ኡቲ ኣጊቲ።

11 ሂንቲንታ ኣሳይ ሞከናሳ ዎይ ሂንቲ ኦዲያባ ሲሴናሳ ሃቃ ጊደፔካ፣ ሄ ጋዲያን ደዴያ ኣሳው ሄዌ ማርካ ጊዳና ማላ፣ ሄዋፔ ኬሲዳ፣ ሂንቲ ጌዲያፔ ባና ሾጨቲ» † ያጌዳ።

12 ታማኔ ላዑ ኣ ካሊያዋንቱ ቤዳ፣ ኣሳይ ባሬንቱ ናጋራፔ ሲማናዳን፣ ቃላ ኦዲዲኖ።

13 ኡንቱንቱ ኣሳፔ ዳር ኢታ ኣያናቱዋ ኬሲዳ፣ ሃርጊያ ኣሳ ጮራ ዛይቲያ ኦኪዳ ፓሌዲኖ።

\* 6:3 ኣናዲያ፡ ግሪኬ ቢሉላን ሹቻ ዎይ ኡርቃ ሜሊሲዳ ሜዲያ ኣሳ ጌዴ ጎዳቲ።  
† 6:11 ሂንቲ ጌዲያፔ ባና ሾጨቲ፡ ሃዌ ኣሳይ ኢጻዳዋ ቤሲያዋ። 6:13 ያይ 5:14



ፃማቂያ የሃኒሳ ሃይቁዋ  
(ማጥ 14:1-12፤ ሉቅ 9:7-9)

14 አሳይ ዬሱሳ ሱንላ ዳንሊያ ዲራው፡ ካቲያ ሄሮዲሴ ሄዋ ኡባ ሲሴዳ፤ አቲ አቲ አሳይ፡ «ፃማቂያ የሃኒሴ ሃይቁዋ፤ ዳንዴዳ፤ ሄዋሲ አው ዋልቃማ ማላታ ኦሊያ ዋልቃይ ዳዔ» ያጌዳ።

15 ሺን ሃራንቱ አ፡ «ሃዌ ኤላሳ» ያጌዲኖ።  
ሃራንቱ ቃሲ፡ «ሃዌ ቤኒ ዋዴ ናባቱዋ ማላቲያ ናቢያ» ያጌዲኖ።

16 ሺን ሄሮዲሴ ሄዋ ሲሴዳ ዋዴ፡ «ሃዌ ታኒ ቆጲያ ሙጨሴዳ ፃማቂያ የሃኒሳ። ኢ ሃይቁዋ፤ ፓዌዳ» ያጌዳ።

17 አዩሲ ጎፔ፡ ሄሮዲሴ ባሬ ኢሻ ፒሊጶሳ ማቻቶ ሄሮዲያዶ አኪ ዋሌዳ፤ ሄሮዲሴ ኢዚ ዲራው፡ ባሬ ሁጶው አሳ ከቲዴ፡ የሃኒሳ ኦይሊዴ፡ ቃሺሲ ዋሌዳ።

18 አዩሲ ጎፔ፡ የሃኒሴ ሄሮዲሳ፡ «ኔኒ ኔ ኢሻ ማቻቶ አካናው ቤሴና» ያጌ ዋሌዳ።

19 ሄሮዲያዳ የሃኒሳው ኡሉዋን ሞርኪያ ኦይቃዴ አ ዋጲሳናው ኮያዳ፤ ሺን ዳንዲያቤይኩ።

20 የሃኒሴ ጃሎ አሳኔ ጌሻ አሳ ጊዴዳዋ ሄሮዲሴ ኤሬዳ ዲራው፡ አው ያዩዴ፡ ሎይሊ ናጊ ዋሌዳ፤ የሃኒሴ ጊያዋ ሲሴዴ፡ ባሬ ዋዛናን ዳሪሲ ሜቶቲዴካ አባ ናሼቻን ሲሴዴ።

21 ሄሮዲሴ ባሬ ዬሌቴዳ ጋላሲ፡ ጋዲያ አዩሲያዋንቶ፡ ሻላቃቱዋሲኔ ጋላላን ዳዒያ ዋልቃማ አሳው ሾቢያ ጊሊሴዳ ዋዴ፡ ዉርሴላን ሄሮዲያዳ ኢንጄ ጋላሳ ዳማዲ።

22 ሄሮዲያዲ ናታ ኢማላ ሞኪያሳ ጌላ ዲራዴ፡ ሄሮዲሳኔ አ ኢማላቱዋ ናሼቻዲ፤ ሄዋ፤ ጉዬ ካቲ ናቲው፡ «ኔና ሎዔዳዋ አያ ጊዶፔኔ ታና ኦቻ፤ ታኒ ኔው ኢማና» ያጌዳ።

23 ቃሲ ኢዚው ዳሪ ጫቂዴ፡ «ኔኒ ኦቹዳዋ አያ ጊዶፔካ፡ ታኒ ኔው ኢማና፤ ሃራይ አቶ፡ ታ ካዉቴላፔ ባጋ ጊዶፔካ፡ ታኒ ኔው ኢማና» ያጌዳ።

24 ናታ ካሬ ከሳዴ ባሬ ዳዮ፡ «አያ ኢማ ጎ?» ያጋዴ ኦቻዲ።  
ኢ ዳያ፡ «ፃማቂያ የሃኒሳ ሁጲያ ኢማ ጋ» ያጋዲ።

25 ናታ ኤሌካ ካቲያኮ ባዴ አ፡ «ፃማቂያ የሃኒሳ ሁጲያ ዋጪቲያን ዋሳዴ፡ ኔኒ ሃዒ ታው ኢማናዲን ኮያይ» ያጋዲ።

26 ሄዋ፤ ጉዬ ካቲ ዳሪ ቃሬቴዳ፤ ሺን ባሬ ጫቁዋ ዲራዉኔ ባሬ ኢማላቱዋ ዲራው ኢዚው ጫቂዳ ጫቁዋ ኮላናው ኮዩሴና።

27 ሄዋ ዲራው፡ ኤሌካ ናጊያዋ ከቲዴ፡ የሃኒሳ ሁጲያ አሃና ማላ አዛዜዳ፤ ናጊያዌ ቃሾ ጎሌ ቢዴ፡ የሃኒሳ ቆጲያ ሙጨዳ።

28 ሄ ሙጩዳዎ ዋጪቲያን ዋሊ ኣሂዳ፥ ናቲው ኢሜዳ፤ ናታ ቃሲ ባሬ ኣቲው ኢሜዳ።

29 የሃኒሳ ካሊያዋንቱ ሄዋ ሲሴዳ ዎዴ ዪዳ፥ ኣ ኣጋ ኣፊዴ ሞጌዲኖ።

ዩሱሲ ኢቼሹ ሻዓ ኣሳ ሚዚዴ ካልሴዳ ታሪኪያ

(ማት 14:13-21፤ ሉቅ 9:10-17፤ የህ 6:1-14)

30 ዩሱሲ ኪቲዳዋንቱ ሲሚዳ፥ ዩሱሳና ጋኬቲዳ፥ ባሬንቱ ኦሌዳባኔ ባሬንቱ ታማርሴዳባ ኡባ ዩሱሳሲ ኦዴዲኖ።

31 ቢያ ኣሳይኔ ዪያ ኣሳይ ዳሪና፥ ሃራይ ኣቶ ቁማ ማናወካ ኡንቱንታ ጋሌናን ኢጄዳ ዲራው፥ ዩሱሲ ኡንቱንታ፥ «ኑሬካ ጉላ ሸምፐ ኣካናው ኣሳይ ባይናሳ ቦይቱ» † ያጌዳ።

32 ዩሱሲኔ ኡንቱንቱ ባሬንቱ ፃላላ ዋንጊሪያን ኡቲዳ፥ ኣሳይ ባይናሳ ቤዲኖ።

33 ኡንቱንቱ ቢሺን፥ ጮራ ኣሳይ ኡንቱንታ ቤዒዳ ኤሬዳ፤ ካታማ ኡባፐ ጌዲያን ዎዲዳ፥ ኡንቱንቱ ቢያሳ ኡንቱንቱፐ ካሴቲዳ ጋኬዲኖ።

34 ዩሱሲ ዋንጊሪያፐ ኬሲዳ፥ ጮራ ኣሳ ቤዒዳ፤ ኣሳይ ሄሚያ ኣሳይ ባይና ደርሳ ማላ ጊዴዳ ዲራው፥ ቃሬቲዳ ኣሳ ዳርባ ታማሪሱዋ ደሜዳ።

35 ሳዓይ ኦማርሲያ ዎዳ፥ ዩሱሳ ካሊያዋንቱ ኣኮ ዪዳ፥ «ሃዌ ሳዓይ ኣሳይ ባይና ሳዓ፤ ሃሲ ሳዓይካ ቃሚዲጌዳ፤

36 ኣሳይ ሄራኔ ቄሪ ካታማቱዋ ጊዶ ቢዳ፥ ባሬንቶ ሚያባ ሻማና ማላ፥ ኣሳ ሞዪዛ» ያጌዲኖ።

37 ሺን ዩሱሲ ዛሪዳ ኡንቱንታ፥ «ኣሳው ሚያባ ሂንቱ ኢሚቱ» ያጌዳ።

ሄዋፐ ጉዬ ኡንቱንቱ፥ «ኑኒ ቢዳ፥ ላዑ ፃቱ ቢራ ሳንቲሚያ ስ ቁማ ሻሚዳ፥ ኣሳይ ማናው ኢማኔ?» ያጌዳ ኣ ኦቼዲኖ።

38 ዩሱሲ ኡንቱንታ፥ «ሂንቱንቶ ኣፑን ዳቡ ዴዒ? ቢዳ ቤዒቱ» ያጌዳ።

ኡንቱንቱ ቤዒዳ፥ «ኢቼሹ ዳቡዋኔ ላዑ ሞሊያ» ያጌዲኖ።

39 ዩሱሲ ባሬና ካሊያዋንታ ኣሳ ኡባ ጨታን ጨታን ሻኪ ሻኪዳ፥ ማታን ኡቲሳና ማላ ኣዛዜዳ።

† 6:31 ኣሳይ ባይናሳ፥ ሃዌ ጋሊላ ጌቲቲያ ዎሞባፐ ፑዴሃ ዶላ ባጋና ዴዴ። 6:45 ጸሊቱ። 6:34 ፓይ 27:17፤ 1ካት 22:17፤ 2ኦድ 18:16፤ ሂዝ 34:5፤ ማት 9:36 ስ 6:37 ቢራ ሳንቲሚያ፥ ቤኒ ዎዲያን ኣሳ ጋዲያን ኢቲ ጋላሳ ኡኒያ ኦሊ ፔሹዳ ኣሳው ኢቲ ቢራ ሳንቲሚ ኢሚቱ። ማት 20:2 ጸሊቱ።

40 አሳይ ያቱ ያቱኔ አሻታሙ አሻታሙ ጨታን ጨታን ኡቴዲኖ።

41 ዩሱሲ ኢቺሹ ዳቡዋኔ ላዑ ሞሊያ ኦይቂዳ፣ ፑዳ ሳሉዋ ያሊዳ፣ ያሳ ጋላቲዳ፤ ዳቦቱዋ ማንሐዳ አሳው ጊሻና ማላ፣ ባሬና ካሊያዋንቱሲ ኢሜዳ፤ ቃሲ ላዑ ሞሊያካ ኡንቱንቱ ኡባው ሻኬዳ።

42 አሳይ ኡባይ ሚዳ ካሉዲኖ።

43 ሄዋፔ ጉዬ አቱዳ ዳቦቱዋ ዶካይኔ ሞሊያ ዶካይ ታማኔ ላዑ ዛምቤሊያ ኩሜዳዋ ዩሱሳ ካሊያዋንቱ ዳንሌዲኖ።

44 ዳቡዋ ሜዳ አቱማ አሳይ ኢቺሹ ሻዓ።

ዩሱሲ አባ ቦላን ሃሜቲዳ ቤዳ  
(ማት 14:22-33፤ ዮሀ 6:15-21)

45 ኤሌካ ዩሱሲ ሄ ጮራ አሳ ሞዪዲዳ፣ ባሬና ካሊያዋንቱ ዋንጊሪያን ጌሊዳ፣ አባፔ ሄሬንፋን ዳዒያ ቤቴሳይዳ ጊያ ካታማ ባሬፔ ሰንፋቲዳ ባናዳን አዛዜዳ።

46 ኡንቱንታ ሞዪዲዳዋፔ ጉዪያን፣ ያሳ ዋሳናው ዘዚያ ኬሴዳ።

47 ሳዓይ ቃሚያ ዋዳ ዋንጊሪ ዋምባ ጊዲዋን ዳዒሺን፣ ዩሱሲ ዋምባፔ ጋፃን ባሬካ ዳዒ።

48 ጫርኩ አ ካሊያዋንቱኮ ጫርኪያ ዲራው፣ ባሬና ካሊያዋንታ ዋምባ ቤታይ ሜቶሌያዋ ዩሱሲ ቤዒዳ፣ ኩቱ ዋሳና ሃኒያ ዋዳ ዋምባ ቦላን ሃሜቲዳ፣ ኡንቱንቱኮ ዩዳ፤ ኡንቱንታ ዩጌ አቆናው ኮዩዳ።

49 ሺን ዋምባ ቦላን ኢ ሃሜቲሺን፣ ኡንቱንቱ አ ቤዒዳ፣ ባሬንቶ ዋይቲሊያ ማላቲና ዋሴዲኖ።

50 አዪሲ ጎፔ፣ ኡንቱንቱ ኡባይ አ ቤዒዳ፣ ያሻ ኮኮሬዲኖ፤ ሺን ኤሌካ ዩሱሲ ኡንቱንታ፣ «አይኔ ባዋ፤ ታናቱኔ ያኖፒቱ» ያጌዳ።

51 ዩሱሲ ኡንቱንቱና ኢቲፔ ዋንጊሪያን ጌሊና፣ ጫርኩ ዋፑ ጌዳ፤ ኡንቱንቱ ዳሮ ማላሌቲዲኖ።

52 አዪሲ ጎፔ፣ ኡንቱንቱ ዋዛናይ ጆሌዳ ዲራው፣ ኡንቱንቱ ኡኪፋባ አክኪቤይኪኖ።

ዩሱሲ ጌንሳሬጃን ሃርጋንቻቱዋ ፓሌዳ  
(ማት 14:34-36)

53 ኡንቱንቱ አባ ፒኒዳ፣ ጌንሳሬፃ ጊያ ቢታ ጋኬዲኖ፤ ያኒ ዋንጊሪያ ጋፃ ሺሺ ቃቺዲኖ።

54 ኡንቱንቱ ዋንጊሪያፔ ዋዲያዋን፣ አሳይ ኤሌካ ዩሱሳ ኤሪኔ

55 ሄዋ ሄራን ደዲያ ጋዲያ ኡባን ዋዴሬቲዳ፣ ሃርጋንቻቱዋ ሻንቻማን ቶኪዳ፣ «ዩሱሲ ዳዔ» ገና ሲሴዳሳ አሁዋ ደሜዳ።  
 56 ዩሱሲ ቤዳሳ ኡባን ቁሪ ካታማን ገዲና፣ ዋልቃማ ካታማን ገዲና፣ ሄራ ገደን ገዲናካ፣ ጌያ ዳንባን አሳይ ሃርጋንቻቱዋ አኮ አፌ። ዩሱሲ ባሬ ማዩዋ ማጫራ ገደፔኔ ሃርጋንቻቱዋ ቦሺሳና ማላ፣ አሳይ አ ዋሴዳ፤ ቦቹዳ ኡባይ ጋዴዳ።

# 7

## ዩሱሲ አሳ ዋጋፔ ኮሺናዋ ጳልቄዳ

(ማት 15:1-9)

1 ፓሪሳዋቱኔ ዩራሳላማፔ ዪዳ፣ ሙሴ ሂጊያ ታማሪሲያ አማሬዳ አሳቱ ዩሱሳኮ ሺቄዲኖ።

2 ዩሱሳ ካሊያዋንቱፔ ኢቱ ኢቱ ቱና ኩሺያን፣ ሄዋ ጊያዋ ሜጤቴናን ቁማ ሚያዋንታ \* ቤዔዲኖ።

3 አዪሲ ጎፔ፣ ፓሪሳዋቱኔ አዪሁዳ አሳይ ኡባይ ባሬንቱ አዋቱዋ ዋጋ ናጊዳ፣ ባሬንቱ ኩሺያ ሎይሌ ሜጤቴናን ሚኪኖ።

4 ቃሲ ጌያፔ ዪዳካ ሜጤቴናን ዳዲዳ ሚኪኖ። ቃሲ ኢንቱንቱ ባሬንቱ አዋቱዋፔ እኬዳ ሃራ ጮራ ዋጋይ ዳዔ፤ ሄዋካ ዋንጫ፣ ኬሪያ፣ ቢራታፔ ሜዲዳ ሚሻኔ አርሳ ሚጤያ ዋጋ።

5 ፓሪሳዋቱኔ ሙሴ ሂጊያ ታማርሲያዋንቱ ዩሱሳ፣ «ኔና ካሊያዋንቱ አዪሲ ኑ አዋቱዋ ዋጋ ካሌናን ኢዲዳ፣ ባሬንቱ ኩሺያ ሜጤቴናን ቁማ ሚኖ?» ያጊዳ ኦቹዲኖ።

6-7 ዩሱሲ ኡንቱንታ ሃዋዲን ያጌዳ፤ «ኢሲያሲ ቲምቢቲያ ኦዳዳ ዋዳ፣ ሂንቱንቱባ፣ ሎዓ ማላቲያ ኢታቱባ ፃፌዳዋዲንካ፣ ሪዓሳይ፣ «ሃዌ አሳይ ታና

ባሬ ቦላ ደናን ቦንቹ።

ሺን ኡንቱንቱ ዋዛናይ ታፔ ሃኩዋን ዳዔ፤

አሳይ ታው ሚላ ጎዪኔ።

አዪሲ ጎፔ፣ አሳይ ኦሌዳ አዛዙዋ

ፆሳ ሂጊያ ማላቲሲዳ ታማርሴ» ጌዳ፤

ያጊዳ ቲምቢቲያ ቱሙዋ ኦዳዳ።

8 «ፆሳ አዛዙዋ ሂንቱ አጊዳ፣ አሳ ዋጋ ሚኒሲዳ ናጊታ» ያጌዳ።

\* 7:2 ሜጤቴናን ቁማ ሚያዋንታ፣ አዪሁዳ አሳቱዋ ዋጋን ሜጤቴና ኩሺያን ቁማ ሙሳይ ቱናዲን ጋይዳ። ሄዋሲ ቁማ ማናፔ ካሲና ኩሺያ ሜቻ ሎይሌ ሚኒሲኖ።

7:6-7 ኢሳ 29:13

9 ቃሲካ ዩሱሲ፡ «ሂንቴንቴ ሂንቴ ዎጋ ናጋናው ያሳ አዛዙዎ አገታ።

10 እዩሲ ጎፔ ሙሴ፡ ሳ ኣባኔ ኔ ዳዮ ቦንቻ። ቃሲ፡ ሳባ ኣባኔ ባሬ ኣቶ ቦሪያዌ ሃይቁዎን ሙራቶ። ያጌዳ።

11 ሺን ኢቲ ኡራው ባሬ አዉዎ ዎይ ባሬ ኣቶ ማዲያባይ ዴሲሺን ኢ፡ ሳዎ ቁርባኒያ፤ ሃዎ ጉሳይ ያሳባ ጊያዎ። ጎፔ።

12 ኢ ባሬ አዉዎ ዎይ ባሬ ኣቶ ዎዴፔ ማዳናዎ አይኔ ኮዩኪታ።

13 ሃ ሃናታን ሂንቴ ሂንቴንቴ ዎጋ ናጋናው፡ ያሳ ቃላ ኮሊዳ፡ ሃዎ ማላ ዳርባ አሲታ» ያጌዳ።

**አሳ ቱኒሲያዎንታ**  
(ማጥ 15:10-20)

14 ዩሱሲ ጮራ አሳ ቃሲካ ባሬኮ ዪሲዳ፡ «ኡባይ ታኒ ጊያዎ ሲሲቴኔ አኮኮቴ።

15 አሳፔ ኬሲያዌ አሳ ቱኒሲያዎፔ አቲን፡ ካሬፔ አሳ ጊዶ ጌሊዳ፡ አሳ ቱኒሲያባይ አይኔ ባዎ፤

16 ሲሳናው ሃይላይ ዴሲያ ኡራይ ኦኒኔ ሲሶ» ያጌዳ።

17 ዩሱሲ ጮራ አሳ አጊዳ ሶይ ጌሌዳ ዎዳ፡ አ ካሊያዎንቴ ሄ ሌሚሱዎባ አ ኦቹዲና።

18 ኢ አንቴንታ፡ «ሂንቴንቶካ ቃሲ ጌሊቤኔ? ካሬፔ አሳ ዎዛናን ጌሊያባይ አይኔ አሳ ቱኒሳናው ዳንዳዬናዎ አኮኮቴ?

19 እዩሲ ጎፔ፡ ቁማይ አሳ ኡሉዎ ጊዶ ጌሊዳ፡ ካሬው ኬሲያዎፔ አቲን፡ አሳ ዎዛና ጊዶ ጌሌና» ያጌዳ። ሃዎዳንካ ዩሱሲ ቁማ ኡባይ ቱና ጊዳናዎ ኤሪሴዳ።

20 ቃሲካ ዩሱሲ ሃዎዳን ያጌዳ፤ «አሳ ቱኒሲያባይ አሳ ዎዛና ጊዶፔ ኬሲያባ።

21 እዩሲ ጎፔ፡ አሳ ዎዛና ጊዶፔ ኬሲያዌ ኢታ ቆፋ፤ ዎሹሚያዎ፤ ዉዒያዎ፤ ዎዲያዎ፤ ጫራቴላ፤

22 ዮራቴላ፤ ኡዚያ ዎይ ባሬና ደሲያዎ፤ ኢታቴላ ዎይ ጪሚያዎ፤ ጌኒያ፤ ማጫዎ አሞቲያዎ፤ ቃናቲያዎ፤ ቦሪያዎ ዎይ ዘጊሪያዎ፤ አዩዎ፤ ኤያቴላ።

23 ሃ ኢታባይ ኡባይ አሳ ዎዛና ጊዶፔ ኬሲዳ፡ አሳ ቱኒሴ» ያጌዳ።

**ኢቲ ጊሪኬ ሚሺራቲ አማኑዎ**  
(ማጥ 15:21-28)

---

7:10 ኬሰ 20:12፤ 21:17፤ ዎግ 20:9፤ ዛር 5:16

24 ዩሱሲ ህዋፔ አገዳ፣ ዲሮሳኔ ሲደና ጊያ ካታማቱዋ ማታን ዲዒያ ጋዲያ ቢዳ፣ ኢቲ ጎሊያ ጌሌዳ፤ ቃሲ ኢ ያኒ ዲዒያዋ ኦኒኔ ኤራናዋ ኮዩቤና፤ ሺን ቆሴቲዳ ጋሚዒናው ዳንዳዩቤና።

25 ሺን ባሬ ጉፋ ናቲ ቦላ ኢታ አያናይ ዲዒያ ኢቲ ሚሺራታ ዩሱሳባ ሲሳዳ፣ ኤሌካ አኮ ያኔ አ ጌዲያን ጉፋና አጋዲ።

26 ሄ ሚሺራታ አዩሁዳ አሳ ጊዲኩ፤ አ ዩሌቴዳዌካ ሶሪያ ጊያ ጋዲያና፤ አ ባሬ ናቲፔ ፃላሂያ ከሳና ማላ፣ ዩሱሳ ዋሳዲ።

27 ሺን ዩሱሲ ዛሪዳ፣ «ናናይ ካሴቲዳ ቁማ ካሊኖ፤ አዩሲ ጎፔ፣ ናና ቁማ አኪዳ፣ ካናቱዋሲ † ኦሊያዌ ሎዒ ጊዳና» ያጌዳ።

28 ሚሺራታ ዛሪዳ፣ «ቱማካ ታ ጎዳው፣ ሃራይ አቶ ሳምፓ ሚዩያን ዲዒያ ካናቱካ ናናቱዋፔ አቱዳ ሱፓ ሚኖ» ያጋዲ።

29 ዩሱሲ ቃሲ ኢዞ፣ «ሃ ኔኒ ሃሳዬዳ ቃላ ዲራው፣ ፃላሂ ኔ ናቲፔ ከሴዳ፤ ሲሚ ኔ ሶይ ባ» ያጌዳ።

30 ሚሺራታ ባሬ ሶይ ቢያ ዋዳ፣ ኢዚ ናቲፔ ፃላሂ ከሲና፣ ሂፃን ጊሴዳዉኖ ዳማዲ።

ዩሱሲ ቱሌኔ ዲዳ ጊዳዳ ኢቲ ቢታኒያ ፓፌዳ

31 ዩሱሲ ዲሮሳ ጋዲያፔ ከሲዳ፣ ሲደናናኔ ታው ካታማ ጊያ ጋዲያና ካንሳዳ፣ ጋሊላ አባኮ ቤዳ።

32 አሳይ ቱሌኔ ዲዳ ጊዳዳ ቢታኒያ ዩሱሳኮ አሂዳ፣ ባሬ ኩሺያ አ ቦላን ዋፋና ማላ፣ ዩሱሳ ዋሴዲኖ።

33 ዩሱሲ ባሬካ ሄ ቢታኒያ ጮራ አሳፔ ጋፃ ከሲዳ፣ ባሬ ቢራዲያ አ ሃይላን ዩዳዳ፤ ቃሲ ጩቻ ጩቹዳ፣ አ ኢንፃርሳ ቦቹዳ።

34 ሳሉዋ ፑዳ ያሊዳ፣ ቶኪ ሺምፒዳ፣ «ኤፍታሂ» ‡ ያጌዳ፤ ህዋ ጊያዌ ደዬታ ጊያዋ።

35 ቢታኒያ ሃይሳይ ኤሌካ ደዬቲ አጌዳ፤ ቃሲ አ ሃሳዬና ኢንፃርሳይካ ቢሊቲ አጌዳ፤ ቢታኒ አይኔ ዋዬቱናን ሃሳዩ አጌዳ።

36 ዩሱሲ አሳው፣ «ሃዋ ኦሲኔ ኦደፒቲ» ያጊዳ ዶዳዳ፤ ሺን ኢ ዳሪሲ ሚኒሲ ኦዲና፣ አሳይ ቃሲ ኦዲዋ ያ ዳሪሴዳ።

37 ህዋ ሲሴዳ አሳይ ኡባይ ዳሮ ማላሌቲዳ፣ «ኡባባካ ኢ ሎይሌ ኦፊ። ሃራይ አቶ ቱሊያካ ሲሴ፤ ቃሲ ዲዲያካ ሃሳዩሴ» ያጌዲኖ።

† 7:27 ካናቱዋሲ፡ ሃ ቃላ ኢቲ ኢቲ አዩሁዳ አሳይ፣ አዩሁዳ ጊዳና አሳቱዋሲ ጎዲታዋ። ‡ 7:34 «ኤፍታሂ»፡ ሃ ቃላይ ዩሱሲ ሃ አላሚያን ዲዒዳ ታማሪሲያ ዋዳ፣ ጎዲታዎ አራማዩኬ ያጌቲያ ቃላን ሃሳዩዳዋ።

# 8

ዩሱሲ ኦይዲ ሻዓ አሳ ሚዜዳ  
(ማጥ 15:32-39)

1 ሃዎዳ፣ ጮራ አሳይ ቃሲ ዩሱሳኮ ሺቁዳ፤ አሳው ሚያባይ ጳዩና፣ ዩሱሲ ባሬና ካሊያዋንታ ባሬኮ ያሲዳ፡

2 «ሃ ጮራ አሳይ ታናና ሄዙ ጋላሳይ ጋካናው ጋሚዲዳ፣ ሚያባ አይኔ ዳሚቤና ዲራው፣ ታኒ ኡንቴንቶ ቃሬታይ።

3 ታኒ ኡንቴንታ ኮሻና ሰይ ዩዶ፣ ቢዳ ኦጊያን ዳቡሪዳ ኩንዳና፤ አዩሲ ሳፕ፣ ኢቱ ኢቱ ሃኮሳፕ ዩዳ» ያጌዳ።

4 እ ካሊያዋንቱ ዛሬዳ፣ «ሃ አሳይ ባዩና ሳን ሃ አሳ ኡባ ሚዛናው ጊዲያ ቁማ ዳማናው ዳንዳዪያዌ ኦኔ?» ያጌዲኖ።

5 ዩሱሲ ኡንቴንታ፣ «ሂንቴንቶ አፑን ዳቡ ዳዒ?» ያጌዳ ኦቹዳ።

ኡንቴንቱ፣ «ላፑ ዳቡ ዳዒ» ያጌዲኖ።

6 ዩሱሲ አሳ፣ «ሳዓን ኡቲቱ» ያጌዳ አዛዜዳ፤ ቃሲ ላፑ ዳቡዋ አኪዳ፣ ያሳ ጋላቲዳ፤ ሄ ዳቡዋ ሚንሴዳ፣ አሳው ጊሻና ማላ፣ ባሬና ካሊያዋንቶ ኢሜዳ። ዩሱሳ ካሊያዋንቱ ሄ ጮራ አሳሲ ጊሹዲኖ።

7 ኡንቴንቶ ቃሲካ አማሬዳ ሱፓ ሞሌቱ ዳዒኖ፤ ዩሱሲ ሄዋንቶካ ያሳ ጋላቲዳ፣ አሳው ጊሻና ማላ፣ ባሬና ካሊያዋንታ አዛዜዳ።

8 አሳይ ኡባይ ሚዳ ካለና አቴዳ ደካይ ላፑ ዛምቤሊያ ኩሜዳዋ እ ካሊያዋንቱ ዳንሴዲኖ።

9 ቁማ ሚዳ አሳይ ኦይዲ ሻዓ ጊዳና፤ ሄዋፕ ጉዩያን፣ ዩሱሲ አሳ ዩዳዳ።

10 ኢ ቃሲ ባሬና ካሊያዋንቱና ኤሌካ ዋንጊሪያን ጌሊዳ፣ ዳልማኑታ \* ጊያ ጋዲያ ቤዳ።

ፓሪሳዋቱ ባሬንቶ ማላታይ ኦሴታና ማላ ኦቹዲኖ  
(ማጥ 16:1-4)

11 ፓሪሳዋቱ ዩዳ፣ ዩሱሳና ፓሉማ ደሚዲኖ። ዩሱሳ ፓጫናው ኮዩዳ፣ ሳሉዋፕ ማላታ ባሬንታ ቤሳና ማላ ኦቹዲኖ።

12 ዩሱሲ ዳሪሲ ቶኪ ሸምፒዳ፣ «ሃ ዋዲያ አሳይ አዩሲ ማላታ ኮዩ? ታኒ ሂንቴንቶ ቱሙዋ ኦዳይ፤ ሃ ዋዲያ አሳው ማላታይ ኡባካ ኢሜቴና» ያጌዳ።

\* 8:10 ዳልማኑታ፡ ሃዌ ኤሬቴና ሳዓ።

13 ቃሲ ኡንቲንታ ሄዋን ኣጊዴ፥ ዛሪ ዋንጊሪያን ጌሊዴ፥ ኣባፔ ሄፊንሳ ፒኔዳ።

**ፓሪሳዋቱዋ ኢርሹዋኔ ሄሮዲሳ ኢርሹዋ**  
(ማት 16:5-12)

14 ዩሱሳ ካሊያዋንቱ ቁማ ኣፋናዋ ደጌዲኖ፤ ኡንቲንቶ ዋንጊሪያ ጊደን ኢቲ ኡኪሳፔ ሃራይ ባዋ።

15 ዩሱሲ ኡንቲንታ፡ «ሂንቲንታ ኤሪቲ፤ ፓሪሳዋቱዋ ኢርሹዋፔኔ ሄሮዲሳ † ኢርሹዋፔ ናጌቲቲ» ያጊዴ ኣዛዜዳ።

16 ኡንቲንቱ ባሬንቱ ጊደን፡ «ኢ ሃዋ ጊያዌ ኑሲ ቁማይ ባይና ዲራሳ» ያጊዴ ሃሳያ ዶሜዲኖ።

17 ዩሱሲ ኡንቲንቱ ጊያዋ ኤሪዴ፡ «ሂንቲንቶ ደቡ ባዩናዋ ኣዪሲ ሃሳዩቲ? ሃሲ ጋካናው ሂንቲው ጌሌኔ? ዋይ ኣኬኪኪቲ? ሂንቲ ዋዛናይ ጀሌዴ?

18 ሂንቲንቶ ኣይፊ ዴዔ፤ ቤዒኪቲ? ቃሲ ሃይሳይ ዴዔ፤ ሲሰኪቲ? ሂንቲንቶ ሃሳዩቲኔ?

19 ታኒ ኢቺሹ ደቡዋ ኢቺሹ ሻዓ ኣሳው ሜንሳ ኢሜዳ ዋዴ፡ ኣፑን ዛምቤሊያ ኩሜዳ ዶካ ዴንፊዲቲ?» ያጌዳ።

ኡንቲንቱ፡ «ታማኔ ላዑ ዛምቤሊያ ኩሜዳ ዶካ ዴንፊዲ» ያጌዲኖ።

20 «ታኒ ቃሲካ ላፑ ደቡዋ ኦይዲ ሻዓ ኣሳው ሜንሳዴ ኢሜዳ ዋዴ፡ ኣፑን ዛምቤሊያ ኩሜዳ ዶካ ዴንፊዲቲ?» ያጌዳ።

ኡንቲንቱ፡ «ላፑ ዛምቤሊያ ኩሜዳ ዶካ ዴንፊዲ» ያጌዲኖ።

21 ኢ ቃሲ፡ «ሃሲካ ኣኬኪቤይኪቲ?» ያጌዳ።

**ዩሱሲ ቤቴሳይዳን ኢቲ ቆቃ ፓሌዳ**

22 ዩሱሲኔ ኣ ካሊያዋንቱ ቤቴሳይዳ ጊያ ካታማ ቤዲኖ፤ ኣሳቱ ቆቃ ቢታኒያ ዩሱሳኮ ኣሂዴ፡ ሄ ቢታኒያ ቦቻና ማላ፡ ኣ ዋሴዲኖ።

23 ዩሱሲ ቆቃ ቢታኒያ ኩሺያ ኦይቂዴ፡ ሄራፔ ጋዖ ኬሴዳ፤ ኣ ኣይፊያን ጨቺዴ፡ ባሬ ኩሺያ ኣ ቦላ ዋሊዴ፡ «ኔው ኣዩንቶ ቤቲ?» ያጊዴ ኦቺዳ።

24 ቢታኒ ቶቂዴ፡ «ታኒ ኣሳ ቤዓይ፤ ሺን ኣሳይ ሃሜቲዴ፡ ማላ ማላቲ» ያጌዳ።

---

† **8:15** ሄሮዲሳ፡ ሃዌ ሄሮዲሴ ኣንቲጳሳ ጌቲቲያ ዋጋ ሄሮዲሳ ጌቲቲያዋ ናዓ።  
**8:18** ኢርሞ 5:21፤ ሃዝ 12:2፤ ማር 4:12



25 ህዋፔ ጉዩያን፣ ዩሱሲ ሺሬቲዳ ቢታኒያ አይፊያን ባሬ ኩሺያ ዎሌዳ። አ አይፊ ፓዩዳ፤ ቢታኒካ ሎይሌ ዪሌዳ፤ ቃሲ ኡባባካ ጌሺዳ ቤዔዳ።

26 ዩሱሲ ቢታኒያ፣ «ሄራ ጌሎፓ» ያጊ አ ሰይ ዩዳዳ።

ጳጳሮሳ አማኑዋኔ አ ማርካቴሳ  
(ማት 16:13-20፤ ሉቅ 9:18-21)

27 ዩሱሲ ባሬና ካሊያዎንቱና ቁሳሪያ ፒሊጶሳ ዳዒያ ቁሪ ሄራቱዎ ቤዳ፤ ኢ ቢሺን ኦጊያን ዩሱሲ፣ «ታና አሳይ ኦና ጊ?» ያጊዳ ባሬና ካሊያዎንታ ኦቼዳ።

28 አ ካሊያዎንቱ፣ «ኢቲ ኢቲ አሳይ ኔና፣ ፃማቂያ ዮሃንሳ» ጌ፤ ሃራንቱ፣ (ኤላሳ) ጊኖ፤ ቃሲ ሃራንቱ፣ ላባቱዎፔ ኢቱዎ ጊኖ» ያጊዳዳ።

29 ዩሱሲ ኡንቱንታ፣ «ሂንቴሺ ታና ኦና ጊቱ?» ያጊዳ ኦቼዳ። ጳጳሮሲ፣ «ኔኒ ዶሬቲዳ ኪሪሰቶሳ» ያጊዳ ዛሬዳ።

30 ዩሱሲ፣ «ታባ ኦሲኔ ኦዶፒቱ» ያጊዳ ኡንቱንታ አዛዜዳ።

ዩሱሲ ባሬና ጋካና ሜቱዋባኔ ዋዪያባ ኮይሩዎ ሃሳዬ  
(ማት 16:21-28፤ ሉቅ 9:22-27)

31 ዩሱሲ ባሬና ካሊያዎንታ፣ «ታኒ፣ አሳ ናዓይ፣ ዳሪ ዋዬታናው ቤሴ፤ ጨማቱ፣ ቁሳቱዎ ካፓቱኔ ሂጊያ ታማርሲያዎንቱ ታና ኢፃናው ቤሴ፤ ኡንቱንቱ ታና ዎጳናውኔ ታኒ ሄዜንሊያ ጋላሳፔ ጉዩያን፣ ሃይቁዎፔ ዳንዳናው ቤሴ» ያጊዳ ታማሪሱዎ ደሜዳ።

32 ህዋ ኢ ኡንቱንቶ ጌሺዳ ኦዳዳ፤ ጳጳሮሲ አ ኢቲ ባጋ ዛሪዳ፤ ዛሬታ ደሜዳ።

33 ሺን ዩሱሲ ጉዬ ሲሚዳ፣ ባሬና ካሊያዎንታ ዪሊዳ ጳጳሮሳ፣ «ሃ ሴፃናው፣ ኪቻ ታ ማታፔ! ኔን አሳይ ቆፒያዎ ቆፓሳፔ አቲን፣ ያሳይ ቆፒያዎ ጊዳና» ያጊዳ።

ዩሱሳ ካሉሳይ ኦቼያ ጋቲያ  
(ማት 10:38-39፤ 16:24-28፤ ሉቅ 9:23-27፤ 14:26-27)

34 ዩሱሲ ጮራ አሳኔ ባሬና ካሊያዎንታ ባሬኮ ዪሲዳ፣ «ታና ካላና ኮዩያ ኡራይ ዳዎፔ፣ ባሬና ካዶ፤ ያቲዳ ባሬ ማሰቃሊያ ቶኪዳ፣ ታና ካሎ።

35 አዪሲ ጎፔ፣ ባሬ ሺምፑዎ ቶ አሻና ኮዩያ ኡራይ ባዪዛናዎ፤ ሺን ታ ዲራውኔ ዎንጋላ ሚሺራቸዎ ዲራው ባሬ ሺምፑዎ ባዪዚያ ኡራይ አሻናዎ።

‡ 8:35 ሺምፑዎ፣ ግሪኪያ ቃላን ኢዛዎ ዎይ አሳ ሺምፑዎ ጌቲቲ ቢሌቲዳ።

36 ኢት ኡራይ ሳዓን ዳዒያ ኡባባ ባሬው ሺሺዳ፣ ባሬ ሺምጥዋ ባዪዘ፤ ኣ ኣያ ማዳኔ?

37 ኢት ኡራይ ባሬ ሺምጥዋ ዋዛናው ኣያ ኢማና ዳንዳዪ?

38 ያሳ ኣማኔና ሃ ናጋራንቻ ዬሌታ ዋዲያን፣ ኢት ኡራይ ታናኒኔ ታ ቃላን ዬላቶ፤ ታኒካ፣ ኣሳ ናዓይ፣ ቃሲ ታ ኣዉዋ ቦንቹዋን ጌሻ ኪታንቻቱዋና ዪያ ዋዳካ፣ ኣኒ ዬላታና» ያጌዳ።

# 9

ዩሱሳ ማላይ ላሜቲዳዋ ኦዲያ ታሪኪያ

(ማጥ 17:1-13፤ ሉቅ 9:28-36)

1 ዩሱሲ ኡንቱንታ፣ «ታኒ ሂንቱንቶ ቱሙዋ ጋይ፤ ኣማሬዳ ኣሳቱ ያሳ ካዉቲላይ ዋልቃና ዪያዋ ቤዔናን ሃይቁናዋንቱ ሃዋን ዴዒኖ» ያጌዳ።

2 ዩሱሲ ኡሱፑን ጋላሳ፤ ጉዪያን፣ ባሬናና ጳዲሮሳ፣ ያዩቆባኔ ዮሃኒሳ ኣኪዳ፣ ኡንቱንቱ ፃላላ ዋልቃማ ዴሪያ ቦላ ኬሴዳ፤ ኡንቱንቱ ሲንሳን ላሜቲዳ፤

3 ኣ ማዩካ ጳሌዳ፤ ሳዓን ማዩዋ ሜጪያ ኣኒኔ ጌሻናው ዳንዳዪናዋ ኬና ዳሪ ቦፃዳ።

4 ሄ ሄዙ ዩሱሳ ካሊያዋንቱ፣ ኤላሲኔ ሙሴ ዩሱሳና ሃሲያዋንታ ቤዔዲኖ።

5 ጳዲሮሲ ዩሱሳ፣ «ታማሪሲያዎ፣ ኮኒ ሃዋን ዴዒያዌ ኮሲ ሎዓ፤ ኮኒ ሄዙ ዳሳቱዋ ኢቱዋ ኔው፣ ኢቱዋ ሙሴው፣ ቃሲ ኢቱዋ ኤላሳሲ ኬፃና» ያጌዳ።

6 ኢ ዋጋኔንቶኔ ኤሪቤና፤ ኣዪሲ ጎፔ፣ ኢካ ዮኮንቱካ ዳሪ ያዩዲኖ።

7 ሄዋፔ ጉዪያን፣ ሻሪ ዪዳ ኡንቱንታ ካሚና ሻሪያፔ፣ «ሃዌ ታኒ ሲቁያ ታ ናዓ፤ ኢ ጊያዋ ሲሲቱ» ጊያ ቃላይ ዬዳ።

8 ኤሊካ ኡንቱንቱ ዩሺ ኣሲ ፃሊያ ዋዳ፣ ዩሱሳፔ ኣቲን፣ ሃራ ኦናኔ ባሬንቱ ማታን ቤዒቤይኪኖ።

9 ኡንቱንቱ ዴሪያፔ ዋዲሺን፣ ዩሱሲ ኡንቱንታ፣ «ታኒ፣ ኣሳ ናዓይ፣ ሃይቁዋፔ ዳንዳና ጋካናው፣ ሂንቱ ቤዔዳባ ኦሲኔ ኦዲፒቱ» ያጌዳ ኣዛዜዳ።

10 ኢ ኣዛዜዳዋ ኡንቱንቱ፣ « (ኤኖ) ጊዳ፣ ሃ ሃይቁዋፔ ዴንዲያዋ ጊያዌ ዋጊያዌ» ያጌዳ፣ ባሬንቱ ጊዳን ሃሳዬቲዲኖ።

11 ኡንቱንቱ ዩሱሳ፣ «ሂጊያ ታማርሲያዋንቱ ኣዪሲ፣ ኤላሳ ካሲቲዳ ያናው ቤሴ) ጊኖ?» ያጌዳ ኦቹዲኖ።

12 ኢ ዛሬ ያጌዳ፤ «ቱማካ፣ ኤላስ ካሴት ዪዳ፣ ኡባባ ጊሊሴ፤ ያቲና፣ አዪሲ ያሳ ማፃፋይ፣ ሐሳ ናዓይ ዳሪ ዋዬታናኔ ኢዳታና) ያጌ?

13 ሺን ታኒ ሂንቲንቶ ኦዳይ፤ ኤላስ ዬዳ፤ ቃሲ አባይ ያሳ ማፃፋን ፃፊቴዳዋዳንካ፣ አሳይ አ ባሬ ኮዬዳባ ኦሴዳ» ያጌዳ።

ዬሱሲ ኢታ አያናይ ኦይቄዳ ናዓ ፓሌዳ  
(ማጥ 17:14-21፤ ሉቅ 9:37-43)

14 ዬሱሲ፣ ጳዊርሲ፣ ያዩቆቤኔ ዮሃኒሲ ዮኮ ዬሱሳ ካሊያዋንቱኮ ሲሚዳ ዪያ ዋዳ፣ ጮራ አሳይ ሄ ካሊያዋንቱ ዩሹዋን ኤቄዳዋኔ ሂጊያ ታማሪሲያ አማራዳ አሳቱ ኡንቱንቱና ፓሉሜቲያዋንታ ቤዔዲኖ።

15 ሄ ጮራ አሳይ ዬሱሳ ቤዔዳ ዋዳ ማላሊቲ ዳጋሚዳ፣ ኤሌካ አኮ ዋዲ ዪዳ፣ አ ሳርቴዳ።

16 ዬሱሲ ባሬና ካሊያዋንታ «ኡንቱንቱና አያ ፓሉሜቲቱ?» ያጌዳ ኦቹዳ።

17 ሄ ጮራ አሳ ጊደፔ ኢቲ ቢታኒ ዛሬዳ፣ «ታማሪሲያዎ፣ ታ ናዓ ቦላን ሃሳያ ዲጊያ ኢታ አያናይ ዴዒያ ዲራው፣ አ ኔኮ አካዳ ያዲ።

18 ሃ ኢታ አያናይ አ ኦይቄያ ዋዳ ኡባን፣ አ ኦሌ፤ አ ዶናናካ ሆሙ ፓርቴ፤ ቃሲ አቻ ጋርጨሴ፤ ቦላካ ዘሊሴ። አፔ ሃ ኢታ አያና ኬሳና ማላ፣ ኔና ካሊያዋንቶ ኦዳዲ፣ ሺን ኬሳናው ዳንዳይቤይኪኖ» ያጌዳ።

19 ዬሱሲ ዛሬዳ ኡንቱንታ፣ «አማኔና ሃ ዋዲያ አሳው! ታኒ ሂንቲንቱና አዉዳ ጋካናው ዴዓኔ? ቃሲ ሂንቲንቱባ አዉዳ ጋካናው ዳንዳያኔ? ናዓ ታኮ ሃ አኪ ዪቱ» ያጌዳ።

20 ኡንቱንቱ ናዓ አኮ አሄዲኖ፤ ሄ ኢታ አያናይ ዬሱሳ ቤዔዳ ማንዒያንካ ናዓ ኮኮርሲ አጌዳ፤ ናዓይ ሳዓን ኩንዲዳ፣ ዶናና ሆሙ ጎፑ ጊሺን ጎንዶሬቴዳ።

21 ዬሱሲ ሄ ናዓ አዉዋ፣ «ሃዌ ኔ ናዓ ኦይቆዴፔ ዋይሳ ዋዳ ጊዳኔ?» ያጌዳ ኦቹዳ።

ናዓ አቡ፣ «ኢ ናዓቲላን ዴዒያ ዋዲያፔ ዶሚዳ።

22 አ ዋቆናው ዳር ዋዳ ታማኒኔ ሃላን ኦሌዳ፤ ሺን ኔኒ ዳንዳዮፔ፣ ኦሲ ቃሬታዳ ኡና ማዳሪኪ» ያጌዳ።

23 ዬሱሲ አ፣ «ኔኒ ዳንዳዮፔ ጋይ? አማኒያ አሳው ኡባባይ ዳንዳዬፔ» ያጌዳ።

24 ኤሌካ ናዓ አቡ ባሬ ኮሻ ቶቁ ኦሊዳ፣ «ታኒ አማናይ፤ ሺን ጉጃ አማናናዳን፣ ታና ማዳሪኪ» ያጌዳ።

25 ዩሱሲ አሳይ ዳሪ ዳሪ ቢያዋ ቤዒዳ፣ ኢታ አያና፣ «ናዓ ቱሌኔ ዱዳ ኡዳዳ አያናው፣ ሃ ናዓፔ ኬሳ ጋዴ ኔና ታ አዛዛይ፤ ቃሲ ዛሬላዳ አኒ ጌሎፓ» ያጌዳ።

26 ሄ ኢታ አያናይ ዋሲዳ፣ ናዓ ዳሪሲ ኮኮርሲዳ፣ አፔ ኬሴዳ። ናዓይ ሃይቄዳዋ ማላተና፣ ዳሮ አሳይ፣ «ናዓይ ሃይቄዳ» ያጌዳ።

27 ሺን ዩሱሲ ናዓ ኩሺያ ኦይቄዳ ዳንሊና፣ ናዓይ ዳንዲ ኤቄዳ።

28 ዩሱሲ ሶይ ጌሌዳዋፔ ጉዩያን፣ አ ካሊያዋንቱ ዩሱሳ ዲማ፣ «ኦኒ ሄ ኢታ አያና ኬሳናው አዩሲ ዳንዳይቤይኮ?» ያጌዳ ኦቹዲና።

29 ዩሱሲ ዛሬዳ፣ «ሄዋ ማላይ ዋሳፔኔ ያማፔ አቲን፣ ሃራባን ኬሳናው ዳንዳይና» ያጌዳ።

ዩሱሲ ባሬና ጋካና ማቲዋባኔ ሃይቄዋባ ላዕንሱዋ ኦዳዳ (ማት 17:22-23፤ ሉቅ 9:43-45)

30 ኡንቱንቱ ሄዋፔ ዳንዲዳ፣ ጋሊላና አዲዳ ቤዲኖ፤ ዩሱሲ ባሬ ዳዒያሳ ኦኒ፣ ኤራና ማላ ኮዩቤና።

31 አዩሲ ጎፔ፣ ኢ ባሬና ካሊያዋንታ «ታና፣ አሳ ናዓ፣ አሳይ አሳው አሊዳ አማናኔ ዋቆና፤ ታኒ ቃሲ ሄዙ ጋላሳፔ ጉዩያን፣ ሃይቄዋፔ ዳንዳና» ያጌዳ ታማሪሴ።

32 ሺን ኡንቱንቶ ኢ ጊያዌ ጌሊቤና፤ ቃሲ አ ኦቻናዉካ ያዩዲና።

ኡባፔ አዲያዌ ኦኔ? (ማት 18:1-5፤ ሉቅ 9:46-48)

33 ኡንቱንቱ ቂፊሪናሆማ ጊያ ካታማ ቤዲኖ፤ ሶይ ጌሌዳዋፔ ጉዩያን፣ ዩሱሲ ኡንቱንታ፣ «ኦጊያን አያ ፓሉማቲቱ?» ያጌዳ ኦቹዳ።

34 ሺን ኡንቱንቱ ቢዳ ኦጊያን፣ «ኦ ጊዶን ኦ ኡባፔ አዲያዌ ኦኔ?» ያጌዳ ፓሉማቲዳ ዲራው፣ ጮዑ ጌዲና።

35 ዩሱሲ ኡቲዳ፣ ታማኔ ላዑ ባሬና ካሊያዋንታ ዪሲዳ ኡንቱንታ፣ «ኦኒኔ ሲንሳው አቆና ኮዮፔ፣ ኡባፔ ጉዩ አዲዳ፣ ሄ ኡባው ቆማ ጊዳናው ቤሴ» ያጌዳ።

36 ኢቲ ጉላ ናዓ ኦይቄዳ፣ ኡንቱንቱ ጊዶን ኤሴዳ፤ ሄ ጉላ ናዓ ኢዲሚዳ ኡንቱንታ።

37 «ሃዋንቱ ማላ ጉላ ናናፔ ኢቱዋ ታ ሱንላን ሞኪያ ኦኒኔ ታና ሞኬ፤ ቃሲ ታና ሞኪያ ኦኒኔ ታና ኪቲዳዋ ሞኪያዋፔ አቲን፣ ታ ያላላ ሞኬና» ያጌዳ።

ዩሱሲ፡ «ኩባ ኤቄቴና ኡራይ ኑ ባጋ» ያጌዳ  
(ሉቅ 9:49-50)

38 ዮሃንሲ ኣ፡ «ታማሪሲያዎ፡ ኢቲ ኣሳይ ኔ ሱንፋን ኢታ ኣያናቱዎ ኬሲያዎ ኑኒ ቤዒዳ፡ ኑ ባጋ ጊዳና ዲራው፡ ኣ ዲጌደ» ያጌዳ።

39 ሺን ዩሱሲ ያጌዳ፤ «ኣኒኔ ታ ሱንፋን ማላታ ኦሲዳ፡ ኤለካ ታ ቦላ ኢታባ ሃሳያናው ዳንዳዪያዌ ባዪና ዲራው ዲጎፒቴ፤

40 ኣዪሲ ጎፔ፡ ኩባ ኤቄቴና ኡራይ ኑ ባጋ።

41 ታኒ ሂንቴንቶ ቱሙዎ ኦዳይ፤ ሂንቴ ታዋንታ ኪሪሰቶሳዋንታ ጊዲያ ዲራው፡ ኣኒኔ ሂንቴንቶ ታ ሱንፋን ቡሊያ ሃላ ኡሻናው ኣሞፔካ፡ ባሬ ጋቲያ ኣካናዎ።

ናጋራ ጋሱዎ  
(ማጥ 18:6-9፤ ሉቅ 17:1-2)

42 «ታና ኣማኒያ ሃ ጉላቱዎፔ ኢቱዎ ባሌሊያ ኦናኔ፡ ጋጪያ ዎጋ ዎፃ ኣ ቆዲያን ቃቺዳ፡ ኣባን ኣ ኦሊያዌ ኣው ሎዓ።

43-44 ኔ ኩሺ ኔና ባሌሉፔ፡ ቃንፃ ኦላ፤ ኔኒ ላዑ ኩሺያና \* ቃሲ ኡባካ ቶዔና ጋናሚያ ታማን ጌሊያዎፔ፡ ዲፃ ኩሺያና ዴዑዎ ጌሊያዌ ኔው ሎዓ።

45-46 ኔ ጌዲ ኔና ባሌሉፔ፡ ቃንፃ ኦላ፤ ኔን ላዑ ጌዲያና ኡባካ ቶዔና ጋናሚያ ታማን ዩጌቲያዎፔ፡ ዶማ ጊዳዴ ዴዑዎ ጌሊያዌ ኔው ሎዓ።

47-48 ኔ ኣይፊ ኔና ባሌሉፔ፡ ዎጫ ኦላ፤ ኔኒ ላዑ ኣይፊያና ኡባካ ቶዔና ጋናሚያ ታማን ዩጌቲያዎፔ፡ ኢቲ ኣይፊያና ያሳ ካጫቲላ ጌሊያዌ ኔው ሎዓ።

49 «ቁማን ማዲኒያ ዩጌያዎዳን፡ ታማይ ኣሳ ኡባ ቦላ ዩጌታና።

50 ማዲኒ ሎዓ፤ ሺን ኢ ማልዓና ቆዮፔ፡ ዛሪዴ ኣ ዎቲ ማልዔላኒቲ? ሂንቴንቲን ማዲኒ ዴፃ፤ † ያቲዴ ኢቱ ኢቱዋና ሳሮቴላን ዴዒቲ» ያጌዳ።

# 10

ማቻቶ ዩዳናው ቤሴና  
(ማጥ 19:1-2፤ ሉቅ 16:18)

\* 9:43-44 ሃራ ገሻ ማፃፋ ቢሊላቱ፡ ጉዲኒ ሙሉ ሃይቄናሳኔ ቃሲ ሙሊካ ቶዔና ጋናሚያ ታማን፡ ያጌ። 9:45፡ 47 ያለቲ። † 9:50 ሂንቴንቲን ማዲኒ ዴፃ፡ ሃዎ ጉሳይ ዩሱሳን ኣማኒያዋንቱ ባሬንቱ ኣማኑዎፔ ዴንዶ ጋሱዋን ኣንቲንቲ ቦላ ሜቲ ጋኪንቲካ ኢቱ ኢቱዋና ሳሮቴላን ዴዳናው ቤሴ።

1 ዩሱሲ ሄዋፔ ዳንዲዳ፡ ዮርዳኖሳ ሻፋፔ ሄፊንላ ባጋና ዩሁዳ ጋዲያ ቤዳ። ጮራ አሳይ ሺሬቲዳ እኮ ሺቂና፡ ካሴ ኢ ኦሊያዋዳንካ ሄ አሳ ታማሪሱዋ ደሜዳ።

2 ኢቲ ኢቲ ፓሪሳዋቱ ፓጫናው ዩሱሳኮ ዪዳ፡ «ኢቲ አሳይ ባሬ ማቻቶ ዩዳናው ኑሲ ሂጊ አዛዚ?» ያጌዳ አ ኦቼዲኖ።

3 ኢ ዛሪዳ፡ «ሙሴ ሂንቲንታ ዋጊ አዛዜዳ?» ያጌዳ።

4 ኡንቲንቲ፡ «ሙሴ፡ ለኢቲ አሳይ ባሬ ማቻቶ ፓራማ ኢሚዳ ዩዳ» ጌዳ» ያጌዲኖ።

5 ዩሱሲ ዛሪዳ ኡንቲንታ፡ «ሂንቲንቲ ኦዲና ሲሴናዋንታ ጊዲያ ዲራው፡ ሙሴ ሃ አዛዙዋ ሂንቲንቶ ፃፌዳ።

6 ሺን ፆሳይ ኮይሮ ሜዲያ ዋዳ፡ አቱማ አሳኔ ማጫ አሳ ኦሊዳ፡ ኡንቲንታ ሜዲዳ።

7 ሄዋ ዲራው፡ ኢቲ አሳይ ባሬ አባኔ ባሬ ዳዮ አጊዳ፡ ባሬ ማቻቲና ኢቱዋ ጊዳ፤

8 ኡንቲንቲ ላዓቱ ኢቲ አሾ ጊዲኖ፤ ሄዋ ዲራው፡ ኡንቲንቲ ኢቲ አሳ ጊዲያዋፔ አቲን፡ ላዑ አሳ ጊዲኪኖ።

9 ሄዋ ዲራው፡ ፆሳይ ኢቲፔ ጋሌዳዋ አሳይ ሻኮጉ» ያጌዳ።

10 ኡንቲንቲ ሶይ ሲሜዳ ዋዳ፡ ዩሱሳ ካሊያዋንቲ ሃ ዩወዋባ ዩሱሳ ዛሪ ኦቼዲኖ።

11 ዩሱሲ ኡንቲንታ፡ «ባሬ ማቻቶ ዩዲዳ፡ ሃራሮ አኪያ ኡራይ ኦኒኔ ኢዚና ዋሹሜ።

12 ቃሲ ማጫወናካ ባሬ አሲናፔ ኬሳዳ ሃራ አሲና ጌሎፔ ዋሹማው» ያጌዳ።

ዩሱሲ ጉላ ናና አንጄዳ  
(ማጥ 19:13-15፤ ሉቅ 18:15-17)

13 ዩሱሲ ጉላ ናና ቦቻና ማላ፡ ኢቲ ኢቲ አሳይ ናና እኮ አሄዳ፤ ሺን ዩሱሳ ካሊያዋንቲ ሄ አሳ ሴሬዲኖ።

14 ዩሱሲ ሄዋ ቤዒዳ፡ ባሬና ካሊያዋንታ ሃንቄቲዳ፤ ኡንቲንታ፡ «ጉላ ናናይ ታኮ ዩያዋንታ ዲጎፒቲ፤ አዪሲ ጎፔ፡ ፆሳ ካወቲሳይ ሃዋንቲ ማላሳ።

15 ታኒ ሂንቲንቶ ቱሙዋ ጋይ፤ ፆሳ ካወቲላ ጉላ ናዓዳን አኬና ኡራይ ኦኒኔ ሄ ካወቲላ ኡባካ ጌሌና» ያጌዳ።

16 ጉላ ናና ኢዲሚዳ፡ ባሬ ኩሺያ ኡንቲንቲ ቦላ ሁጲያን ሁጲያን ዋሊዳ፡ ኡንቲንታ አንጄዳ።

ሚሻ ሲቁሳይ አሂያ ሜቱዋ

(ማጥ 19:16-30፤ ሉቅ 18:18-30)

17 ዩሱሲ ባናው ኬሴዳ ዋዳ፣ ኢቲ ቢታኒ ዋዳዳ ዩ አ ሲንጻን ጉልባቲዳ፣ «ሎ? ታማርሲያዎ፣ ሜዲና ዴዑዋ ላታናው ታኒ አያ ኦሎ?» ያጊዳ አ ኦቼዳ።

18 ዩሱሲ፣ «አዲሲ ታና ሎ? ጋይ? ያሳ ፃላላፔ አቲን፣ ሃራ ሎዑ ኦኒኔ ባዎ።

19 ያሳ አዛዙዎ፣ «ዋዶጋ፤ ዋሹዋጋ፤ ወጋጋ፤ ዋርዱዋ ማርካቶጋ፤ ጨዋጋ፤ ኔ አባኔ ኔ ዳዮ ቦንቻ» ያጊያዋ ኤራሳ» ያጊዳ።

20 ቢታኒ ዩሱሳ፣ «ታማሪሲያዎ፣ ታኒ ሄዋ ኡባ ናባቴላፔ ዶማዴ ሃዲ ጋካናወካ ናጋይ» ያጊዳ።

21 ዩሱሲ ቢታኒያ ዶሴዳ፤ አ ጫዲ ፃሊዳ፣ «ኔው አቲባይ ጋጩዳ፤ ባይ ኔው ዴዲያባ ኡባ ዛልዳዳ፣ ሄ ሚሻ ሂዩሳው ኢማ፤ ኔን ሳሉዋን ዴሬታና። ያቶዋፔ ጉዩያን ያዴ ታና ካላ» ያጊዳ።

22 ሺን ቢታኒ ሄዋ ሲሲዳ፣ ኢ ዳር ዴሬ ጊዲያ ዴራው፣ ባሬ ሶምዲያ ቋሚሲዳ፣ ናሽቴናን አጊዳ ቤዳ።

23 ዩሱሲ ባሬና ካሊያዋንታ ዩሺ አሏ ፃሊዳ፣ «ዳር ዴሬ አሳይ ያሳ ካወቴላ ጌላናው ዋኒ ሜታንዴሻ!» ያጊዳ።

24 አ ካሊያዋንቱ አ ሃሳያ ሲሲዳ ማላሌቴዲና፤ ሺን ዩሱሲ ቃሲካ ኡንቱንታ፣ «ናቶ፣ ያሳ ካወቴላ ጌላናው ዋቲ ሜታንዴሻ!» \*

25 ዴሬ አሳይ ያሳ ካወቴላ ጌላናዋ፤ ጋሉ ማርፒያ ያዲያና አቋናዌ ማታቱ» ያጊዳ።

26 ዩሱሳ ካሊያዋንቱ ማላሌቴዳ፣ «ያቲና፣ ኦኔ አታናው ዳንዳዩያዌ?» ያጊዳ ኢቱ ኢቱዋ ኦቼዲና።

27 ዩሱሲ ኡንቱንታ ጫዲ ፃሊዳ፣ «ሃዌ ያሳው ዳንዳዩቴያዋፔ አቲን፣ አሳው ዳንዳዩቴና፤ አዲሲ ጎፔ፣ ያሳው ኡባባይካ ዳንዳዩቴ» ያጊዳ።

28 ጴዳርሲ ዩሱሳ፣ «ቤዳ፤ ኦኒ ኦባ ኡባ አጊዳ፣ ኔና ካሌዶ» ያጊዳ።

29 ዩሱሲ፣ «ታኒ ሂንቱንቶ ቱሙዋ ጋይ፤ ታ ዲራወኔ ዋንጋላ ሚሺራቹዋ ዲራው፣ ጎሊያ ዋይ አሻቱዋ ዋይ ሚቻቱዋ፣ ዋይ አወዋ ዋይ አቶ ዋይ ማቻቶ፣ ዋይ ናና ዋይ ጋዲያ አንዳ አሳይ ኦኒኔ።

10:19 ኬሳ 20:12-16፤ ዛር 5:16-20 \* 10:24 ዋቲ ሜታንዴሻ፣ ሃዋ ኢቲ ኢቲ ቢሌላይ ባሬው ዴዲያባን አማኔቲያ አሳ ያጊ።

30 ሃሲ ሃ ዎዲያን ጻቴ ዳኩዋፔ ዳሪያ ጎሌቱዋ፣ አሻቱዋ፣ ሚቻቱዋ፣ አቶ፣ ናና፣ ጋዲያ፣ ቃሲ ሜቱዋካ አካናዋ። ሲንፋፔ ያና ዎዲያንካ ሜቲና ደዑዋ አካናዋ።

31 ሺን ጮራቱ ሃሲ ሲንፋን ደዒያዎንቱ ጉዬ አቆና፤ ቃሲ ጮራቱ ሃሲ ጉዬን ደዒያዎንቱ ሲንፋው አቆና» ያጌዳ።

**ዩሱሲ ባሬና ጋካና ሜቱዋባኔ ሃይቁዋባ ሄዜንሉዋ ኦዴዳ  
(ማጥ 20:17-19፤ ሉቅ 18:31-34)**

32 ኡንቱንቱ ዩሩሳላሜ ቢዳ፣ ኦጊያን ደዒና፤ ዩሱሲ ባሬና ካሊያዎንቱፔ ሲንፋና ሃሜቱ። ኡንቱንቱ ማለሌቲዲና፤ አ ካሊያዎንቱ ያዬዲና። ዛሪዴ ታማኔ ላዑ ባሬና ካሊያዎንታ ጋፃ ኬሲዳ፣ ባሬና ጋካናባ ዲማዪዴ ኡንቱንቱሲ ሃዋዳን ያጊዴ ኦዴዳ፤

33 «ቤዒቲ፤ ኑኒ ዩሩሳላሜ ሃሲ ኬሶይቲ፤ ያኒ ታና፣ አሳ ናዳ፣ ቁሳቱዋ ካፓቱዋሲኔ ሙሴ ሂጊያ ታማርሲያዎንቱሲ አሊዴ አማና። ኡንቱንቱ ታ ቦላን ሃይቁዋ ፒርዳ ፒርዳና፤ ቃሲ አዪሁዳ ጊዴና አሳሲካ ታና አሊዴ አማና።

34 ሄ አዪሁዳ ጊዴና አሳይ ታ ቦላ ቂሊጫናኔ ጨቻና፤ ታና ሊሱዋን ሾጫናኔ ዎቆና፤ ታኒ ቃሲ ሄዙ ጋላሳፔ ጉዪያን፣ ሃይቁዋፔ ዴንዳና።»

**ያዪቆቤኔ ዮሃንሲ ዎሴዳ ዎሳ  
(ማጥ 20:20-28)**

35 ዛቢዲዮሳ ናናይ ያዪቆቤኔ ዮሃንሲ ዩሱሳኮ ዪዳ፣ «ታማሪሲያዎ፣ ኑኒ ኔና ዎሲያባ ኡባባ ኑሲ ኦላሪኪ» ያጌዲና።

36 ዩሱሲ ኡንቱንታ፣ «ታኒ ሂንቲንቶ አያ ኦሶ?» ያጌዳ።

37 ኡንቱንቱ አ፣ «ኔ ቦንቾ ካዉቲሳን ኔኒ ኡቲያ ዎዴ፣ ኑፔ አቱዋ ኔፔ ኡሼቻ ባጋና ቃሲ አቱዋ ሃዲርሳ ባጋና ኡቲሳሪኪ» ያጌዲና።

38 ሺን ዩሱሲ ኡንቱንታ፣ «ሂንቲንቱ አያ ዎሳናው ቤሲንቶካ ኡሪኪታ፤ ታኒ ኡሻናው ቤሲያ ሜቱዋ ፀዓ ኡሻናው ዳንዳዪቲ? ቃሲ ታኒ ፃማቂታናው ቤሲያ ዲንቃታ † ፃማቂታናው ዳንዳዪቲ?» ያጌዳ።

39 ሄዋፔ ጉዬ ኡንቱንቱ ዛሪዳ፣ «ኤ ዳንዳዬቶ» ያጌዲና።

ዩሱሲ ቃሲ፣ «ታኒ ኡሻናው ቤሲያ ሜቱዋ ፀዓ ሂንቲ ኡሻና፤ ታኒ ፃማቂታናው ቤሲያ ዲንቃታካ ሂንቲ ፃማቂታና።

† 10:38 ዲንቃታ፡ ሃዋ ጉሳይ ዩሱሳ ጋኬዳ ሜቱዋ ፀዓ ጉሳ።



40 ሺን ታፔ ኡሼቻ ባጋና ሃዲርሳ ባጋና ኡታናዋንታ ዶሪያዎ ታና ጊዲኬ፤ ሺን ሄ ሳዓይ ያሳይ ኡማናው ጊጊሲ ዎሌዳዋንቱሳ» ያጌዳ።

41 ዮኮ ታው ዬሱሳ ካሊያዋንቱ ሄዎ ሲሴዳ ዎዳ፣ ያዩቆባኔ ዮሃንሳ ሃንቄቲዲኖ።

42 ዬሱሲ ኡንቱንታ ኡባ ባሬኮ ያሲዳ፣ ሃዎዳን ያጌዳ፤ « (አዪሁዳ ጊዴናዋንታ ሞዲያዋንታ) ጊዴ ቆፒያዋንቱኔ ሄዋንታ ካሌሊያ አሳቱ ባሬንቱ አሳ ሞዲያዎ ኤሪታ።

43 ሺን ሂንቱ ጊደን ሄዎ ማላ ጊዴና፤ ሂንቱ ጊደን ዎጋታና ኮዪያ ኦኒኔ ሂንቱንቶ ቆማ ጊደናው ቤሴ።

44 ቃሲ ሂንቱ ጊደን ኡባፔ ቦላ ጊደና ኮዪያ ኦኒኔ ሂንቱ ኡባው አዪሌ ጊደናው ቤሴ።

45 አዪሲ ሳፔ፣ ሃራይ አቶ ታኒ፣ አሳ ናዓይካ፣ አሳው አላናውኔ ጮራቱዎ ዎዳናው ዬዳዎፔ አቲን፣ አሳይ ታው አላና ማላ ያቤይኬ» ያጌዳ።

**ዬሱሲ ቆቃ ባርፃሞሳ አይፊያ ፓሌዳ**

(ማት 20:29-34፤ ሉቅ 18:35-43)

46 ኡንቱንቱ ኡያርኮ ጊያ ካታማ ቤዲኖ፤ ዬሱሲ ባሬና ካሊያዋንቱናኔ ጮራ አሳና ኡያርኮፔ ኬሲሺን፣ ዪሞሳ ናዓይ ቆቃይ፣ ባርፃሞሳ ጊያዌ፣ ኦጊያ ዶናን ዎሲዴ ኡቲዳ።

47 ባርፃሞሳ ናዚሬቲያ ዬሱሳ ጊዴዳዎ ሲሲዳ፣ ባሬ ኮሻ ቶቁ ኦሊዳ፣ «ዳዊቲ ናዓ ቶ ዬሱሳ፣ ታና ማራሪኪ!» ያጉሳ ዶሜዳ።

48 ጮራ አሳይ አ፣ «ሃይዛ!» ጊዴ ሃንቄቲዳ።

ሺን፣ ኢ ባሬ ኮሻ ካሴዎፔካ ዳሪሲ ቶቁ ኦሊዳ፣ «ዳዊቲ ናዓው፣ ታና ማራሪኪ!» ያጌዳ።

49 ዬሱሲ ኦጊያን ኤቂዳ፣ «አ ሃ ያሲቲ» ያጌዳ።

ኡንቱንቱ ቆቃ፣ «አይኔ ባዎ፤ ዴንዳ ኤቃ፤ ኔና ያሴ» ያጊዴ ያሴዲኖ።

50 ቆቃይ ባሬ ማዩዎ ኦሊ አጊዳ፣ ጉፒ ዴንዲ ኤቂዳ፣ ዬሱሳኮ ቤዳ።

51 ዬሱሲ አ፣ «ታኒ ኔው አያ ኦላናው ኮያይ?» ያጌዳ።

ቆቃይ፣ «ታማሪሲያዎ፣ ታኒ ያላናዎ ኮያይ» ያጌዳ።

52 ዬሱሲ አ፣ «ባ፤ ኔ አማኑ ኔና ፓሌዳ» ያጌዳ። ኤሌካ አ አይፊ ያሊ አጊና፣ ኦጊያን ዬሱሳ ካሊ አጌዳ።

‡ 10:47 ዳዊቲ ናዓ፣ አዪሁዳ አሳቱ ያሳን ኦኬቶዌ ዳዊቲ ዜሬላፔ ዬሌታናዎ ያጊዴ ቆፒያ ዲራው፣ ያሳን ኦኬቶዌ «ዳዊቲ ናዓ» ያጌቲ ያሴቲ።

# 11

ዩሱሲ ዋልቃማ ቦንቹዋን ዩሩሳሌም ጌሌዳ

(ማጥ 21:1-11፤ ሉቅ 19:28-40፤ ዮሀ 12:12-19)

1 እንቱንቱ ዩሩሳሌም ማቲዳ፣ ዳብሬ ዛይቱ ዳሪያ ማታን ዳዒያ ቤቴፋንጌ ቢታኒያ ጋኬዲኖ፤ ዩሱሲ ባሬና ካሊያዋንቱፔ ላዑዋ ሲንፋው ኪቲዳ፣

2 «ሂንቱንቱ ሲንፋን ዳዒያ ሄራ ቢቲ፤ ያ ጌሎሳና ኦኒኔ ኡባ ቶጊቤና ቃሹዋን ዳዒያ ሃሬ ማራ ሂንቱ ዳማና፤ ኣ ቢሊ ሃ ኣኪዴ ዩቲ።

3 ኦኒኔ ሂንቱንታ፣ (ሄዋ ኣዩሲ ኦሊቲ?) ያጊዴ ኦቾፔ፣ ሳዳው \* ሃዋ ኮሼ፤ ኤሌካ ዛሪ ሃ ዩዳናዋ) ያጊቲ» ያጊዳ።

4 እንቱንቱ ቢዳ፣ ሃሬ ማራ ፔንጊያ ማታን ኦኒያን ቃቺ ዋሌዳዋ ዳሚዳ ቢሌዲኖ።

5 ሄዋን ኤቄዳ ኢቲ ኢቲ ኣሳቱ ኡንቱንታ፣ «ሃሬ ማራ ዋታናው ቢሊቲ?» ያጊዲኖ።

6 ዩሱሳ ካሊያዋንቱ ዩሱሲ ባሬንታ ኣዛዜዳዋ ኦዲና፣ ኣሳቱ ዩዲ ኣጌዲኖ።

7 እንቱንቱ ሃሬ ማራ ዩሱሳኮ ኣሂዳ፣ ባሬንቱ ማዩዋ ኣ ዘኪያን ዋሌዲኖ፤ ዩሱሲ ሄ ሃሬ ማራ ቶጊዳ።

8 ጮራ ኣሳይ ባሬንቱ ማዩዋ ኦኒያን ሂዳ፤ ቃሲ ሃራንቱ ሚፋ ሃይፋ ካር ካሪዳ፣ ኦኒያን ሂዳዲኖ።

9 ዩሱሳፔ ሲንፋና ሃሜቲያ ኣሳይኔ ኣ ጌዱዋ ካሊያ ኣሳይ ባሬንቱ ኮሻ ጶቁ ኦሊዳ፣ «ዖሳይ ጋላቲቶ!

ጎዳ ሱንፋን ዩያዋ ኣንጄቲዳዋ።

10 ጎዳ ሱንፋን ዩያ ኦ ኣዉዋ ዳዊቲ ካዉቲሳይ ኣንጄቲዳዋ።

ሳሉዋ ኡባፔ ቦላ ሳሉዋን ዳዒያ ዖሳይ ጋላቲቶ»

ያጊዲኖ።

11 ዩሱሲ ዩሩሳሌም ቢዳ፣ ጌሻ ጎሊያ ጌሌዳ፤ ቃሲ ኡባባ ዩዩ ዩዩ ያሌዳዋፔ ጉዩያን፣ ሳዒይ ቃሚያ ዲራው፣ ታማኔ ላዑ ዩሱሳ ካሊያዋንቱና ቢታኒያ ቤዳ።

ዩሱሲ ሼቄዳ ባላሲያ ሚፋቶ (ማጥ 21:18-19)

\* 11:3 ጎዳ፣ ሃዋ ጉሳይ ሃሪያ ጎዳ። 11:9 ማዝ 118:25-26

12 ዋንቱላ ጋላሲ ኡንቱንቱ ቢታኒያፔ ኬሲዳ ቢሺን፣ ዩሱሲ ኮሻቲዳ።

13 ሃኩዋን ኢቲ ባላሲያ ጊያ ሚላቶ ሃይላ ማያ ኡቲዳወኖ ቤዒዳ፣ ኦኒ ኤሪ ኢ ቦላ ኣይፊ ቤቶፔኔ ጊዳ፣ ቤዓናው ኢዚኮ ቤዳ፤ ሺን ኢዚኮ ኢ ቢያ ዋዳ፣ ሃይላ ዓላላፔ ኣቲን፣ ኣይኔ ኣይፊያ ዳሚቤና፤ ኣዩሲ ጎፔ፣ ባላሲ ኣይፊያ ዋዲ ጋከቤና።

14 ዩሱሲ ሄ ባላሳቶ፣ «ኔፔ ሺሬቲዳ ሜጲናው ኦኒኔ ኣይፊያ ዋፖ» ያጌዳ። ዩሱሳ ካሊያዋንቱ ኢ ጊያዋ ሲሴዲኖ።

**ዩሱሲ ጌሻ ጎሊያን ዛሊዲያዋንታ ኬሴዳ**

(ማት 21:12-17፣ ሉቅ 19:45-48፤ ዮሀ 2:13-22)

15 ኡንቱንቱ ዩሩሳላሜ ቤዲኖ፤ ዩሱሲ ጌሻ ጎሊያ ጌሊዳ፣ ሄዋን ዛሊዲያዋንታኔ ሻሚያዋንታ ካሬ ዩዳርሱዋ ደሜዳ፤ ቃሲ ሚሻ ላሚያዋንቱ ዓራጴዛኔ ዶጎሙዋ ዛሊዲያዋንቱ ኦይዲያ ኣሉ ዩጊዳ።

16 ኦኒኔ ኣዩንቶ ቶኪዳ፣ ጌሻ ጎሊያ ጊቢያ ጊደና ኣጳናዋ ዲጌዳ።

17 ዩሱሲ ኣሳ ሃዋዲን ያጊዳ ታማሪሴዳ፣ «ዖሳ ማፃፋን፣ ታ ጎሊ ኣዩሁዳ ጊዳና ኣሳይ ኡባይ ዖሳ ዋሲያ ጎሌ ጌቲታና) ያጌቲዳ ዓፊቲ ኡቲዳ፤ ሺን ሂንቲ ኣ ቦንቃንቻቲ ቆሴቲያ ጎንጎሉዋ ኬሴዲታ።»

18 ቄሳቲዋ ካፓቲኔ ሙሴ ሂጊያ ታማርሲያዋንቱ ሄዋ ሲሲዳ፣ ኣ ዋጳና ኦጊያ ኮሻ ደሜዲኖ፤ ሺን ጮራ ኣሳይ ኢ ታማሪሴያዋን ማላሌቲያ ዲራው፣ ኣው ያዩዲኖ።

19 ሳባይ ኦማርሴዳ ዋዳ፣ ዩሱሲኔ ኣ ካሊያዋንቱ ካታማፔ ጋፃ ኬሴዲኖ።

**ባላሲያ ጊያ ሚላታ ሜላዲ**

(ማት 21:20-22)

20 ኡንቱንቱ ዋንቱላ ጋላሲ ጉራ ኦጊያና ኣጲዳ፣ ሄ ባላሳታ ዓጲዋና ሜላዲጌዳወኖ ቤዔዲኖ።

21 ጴጂርሲ ሃሳዩዳ፣ «ታማሪሴያዋ፣ ቤዓ፤ ኔን ሸቄዳ ባላሳታ ሜላዲጋዲ» ያጌዳ።

22 ዩሱሲ ዛሪዳ፣ ኡንቱንታ ሃዋዲን ያጌዳ፤ «ዖሳ ኣማኒቲ።

23 ታኒ ሂንቲንቶ ቱሙዋ ጋይ፤ ኦኒኔ ባሬ ዋዛናን ሲጲናን ባሬ ጌዳባይ ሃናናዋ ኣማኒዳ፣ ሃ ዳሪያ፣ «ዳንዳዳ ኣባን ኩንዳ) ጎፔ ሃናና።

24 ሄዋ ዲራው፣ ያሳ ሂንቴ ዋሲያባኔ ኦቲያባ ኡባ ኣኪዲሳዋዳን ኣማኒቴ፤ ሂንቴ ኣካና።

25 ያሳ ዋሳናው ሂንቴ ኤቂያ ዋዴ፣ ሳሉዋን ዴዒያ ሂንቴ ኣዉ ሂንቴ ናጋራ ኣቶ ጋና ማላ፣ ኦኒኔ ሂንቴንታ ናቄዳባይ ዴዎፕ፣ ኣው ኣቶ ገቴ።

26 ሺን ኣሳ ናጋራ ሂንቴ ኣቶ ጋና ጳዮፕ፣ ሳሉዋን ዴዒያ ሂንቴ ኣዉካ ሂንቴ ናጋራ ሂንቴንቶ ኣቶ ገና።»

ዩሱሲ ኣያ ማታኒ ኦሊ ጊያ ኦሻ  
(ማት 21:23-27፤ ሉቅ 20:1-8)

27 ኡንቴንቴ ቃሲካ ዩሩሳላሜ ቤዲኖ፤ ዩሱሲ ጌሻ ጎሊያን ሃሜቲሺን፣ ቄሳቱዋ ካፓቴ፣ ሙሴ ሂጊያ ታማሪሲያዋንቴኔ ጨማቱ ዩሱሳኮ ዩዲኖ።

28 ኣ፣ «ኦኒ ሃዋ ኦላናው ኔው ኣይ ማታይ ዴዒ? ዋይ ኔው ሃ ማታ ኢሜዳዌ ኦኔ?» ያጌዲኖ።

29 ዩሱሲ ዛሪዴ ኡንቴንታ፣ «ታኒካ ሂንቴንታ ኣቲባ ኦቻና፤ ታው ኦዲቴ፤ ታኒ ቃሲ ሃዋ ኣይ ማታን ኦላይታንቶ፣ ሂንቴንቶ ኦዲና።

30 ዮሃኒሲ ፃማቂያ ማታ ኣኬዳዌ ያሳፕፔ ዋይ ኣሳፕ፣ ታው ኦዲቴ» ያጌዲኖ።

31 ኡንቴንቴ ባሪንቴ ጊደን ፓሉማ ዶሚዴ፣ «ኦኒ፣ (ያሳፕፔ ዩዲ) ያሳፕ፣ ኢ ኦና፣ (ያቲና፣ ዮሃኒሲ ኦዴዳዋ ኣዩሲ ኣማኒቤይከቴ?) ያጋና።

32 ሺን፣ (ኣሳፕፔ ዩዲ ጋኔ?) » ያጌዲኖ፤ ቃሲ ኣሳይ ኡባይ ዮሃኒሲ ናቢያ ጊዴዳዋ ኤሪያ ዲራው፣ ኣሳው ያዩዲኖ።

33 ሄዋ ዲራው፣ ኡንቴንቴ ዩሱሳው፣ «ኦኒ ኤሮኮ» ያጊዴ ዛሪዲኖ፤

ዩሱሲ፣ «ታኒካ ሃዋ ኣይ ማታን ኦላይታንቶ፣ ሂንቴንቶ ኦዲኬ» ያጌዲኖ።

# 12

ዋዪኒያ ቱራ ቶኪያ ኦሳንቻቱዋ ለሚሱዋ  
(ማት 21:33-46፤ ሉቅ 20:9-19)

1 ዩሱሲ ኡንቴንቶ ኦዲዋ ለሚሱዋን ያጊዴ ዶሚዴ፤ «ኣቲ ቢታኒ ዋዪኒያ ጊያ ቱራ ቶኪዴ፣ ዲርሳ ዩሺ ኣሊዴ ዲራዲ፤ ቃሲ ሄ ዋዪኒያ ጉሚዒያ ኦላካ ቦኬዳ፤ ሄዋ ናጊያ ኣሳው ናጊያሳ

ከፀዳ፤ ሄዋፔ ጉዩያን፣ ኮላ ኦሴያ አሳው አሚዳ፣ ሃራ ጋዴ ቤዳ።

2 ዋዪኒያ አይፊያ ማዲያ ዋዲ ጋኪና፣ ባሬና ጋኪያዋ አኪዳ ያና ማላ፣ ኢቲ ቆማ ባሬ ኮላዋቱዋኮ ኪቲዳ።

3 ኮላ ኦሴያዋንቱ አ ቆማ አይቂ ዋዲዳ፣ ኩሼ ሜላ ዩዴዲኖ።

4 ለዔሉዋ ሃራ ቆማ ኡንቱንቱኮ ኪቲዳ፤ ኡንቱንቱ ሄ ቆማ ሁጲያ ጳልቂዳ ፖኪሲ ዩዴዲኖ።

5 ዋዪኒያ ቱራ ጎዳይ ቃሲካ ሃራ ቆማ ኪቲዳ፤ ሄ ቆማ ዋዲዲኖ፤ ቃሲ ሃራ ጮራቱዋካ ሄዋዳን ኦሴዲኖ፤ ኢቲዋ ኢቲዋ ዋዲዳ፣ ሃራቱዋ ዋዲዲኖ።

6 «ዋዪኒያ ቱራ ጎዳው ከታናው ኡባፔ ወርሴላን ኢ ዳሪ ሰቂያ አ ናዓ ፃላላይ አቲዳ፤ ኢ፣ <ኡንቱንቱ ታ ናዓ ቦንቼናን አገኪኖ> ገዴ፣ ባሬ ናዓ ኡንቱንቱኮ ኪቲዳ።

7 «ሺን ኮላ ኦሴያዋንቱ ባሬንቱ ገደን፣ <ላታናዌ ሃዋ፤ ቢዳ አ ዋዲይቲ፤ አው ዴዒያዌ ኦዋ ገዳና!> ያጌዲኖ።

8 ናዓ አይቂ ዋዲዳ፣ አ አጋ ዋዪኒያ ቱራ ገደፔ ጋፃ ከሲ አሌዲኖ።

9 «ሲሚ ዋዪኒያ ቱራ ጎዳይ ዋታኔ? ዩዴ ሄ ኮላዋቱዋ ዋዲ ወርሲዳ፣ ዋዪኒያ ቱራ ኮላ ኦሴያ ሃራ አሳው አሚናዋ።

10-11 ረገምቢያዋንቱ ካዲ ኢፀዳ ሹቻይ

ጎዳ ፃጶዋ ሚኒሲያ፣

ኡባፔ አዲያ ሹቻ ገዴዳ።

ሃዌ ጎዳይ አሌዳዋ፤

ቃሲ ኦናካ ማላሊሲያዋ)

ያገያዋ ያሳ ማፃፋፔ ናባቢቤይኪቲ?» ያጌዳ።

12 ቁሳቱዋ ካፓቱ፣ ሂጊያ ታማሪሲያዋንቱኔ ጨማቱ ዩሱሲ ሄ ለሚሱዋ ባሬንቱን ለሚሴዳዋ ኤሬዳ ዲራው፣ አ አይቃናው ኮዬዲኖ፤ ሺን አሳው ያዩዳ፣ ባሺ ቤዲኖ።

ገራ ገራኔ አጋኔ ገያ አሻ  
(ማት 22:15-22፤ ሉቅ 20:20-26)

13 ቃሲ አ ሃሳያፔ ባላ ዳማና ማላ፣ ፓሪሳዋቱዋፔኔ ሄርዲሳ ባጋቱዋፔ \* አማራዳዋንቱ አኮ ኪቲና ዩዴ፣

14 «ታማሪሲያዋ፣ ኔኒ ቱሙዋ ሃሳዩያዋኔ አሳፔ አሳ ሻኬናዋ ኑኒ ኤሬቶ፤ አዩሲ ጎፔ፣ ኔኒ አሳ ዲማያካ፤ ቃሲ ያሳ ኦጊያ

---

12:1 እሳ 5:1-2    12:10-11 ማዝ 118:22-23    \* 12:13 ሄርዲሳ ባጋቱዋ፣ ሃዋንታ ጉሳይ ሄዎዴ ዴዒያ ካወቱላ ፖሌቲካ ባጋና ካሴ ዎጋ ሄርዲሳኔ አ ናዓ ሄርድ አንቲጳሳ ባጋቱዋኔ ኡንቱንታ ካሊያ አሳቱዋ።

ቱማቴላን ታማሪሳ። ኮኒ ሮማ ካቲያ ቁሳሬው ገራ ገሪያዌ ዋጌዬ ዋጋ ገደኔ? ገራ ገራኔዬ ዲጋኔ?» ያጌዲኖ።

15 ሺን ኡንቱንቱ ሎዓ ማላቲያ ኢታ አሳ ገደዳዋ ዩሱሲ ኤሪዴ፣ «ታና አዩሲ ፓጩቲ? ኢቲ ሳንቲሚያ ሃ ታኮ አሂቲ፤ ታኒ አኔ ቤዓና» ያጌዲኖ።

16 ኡንቱንቱ አው አሄዲኖ፤ «ሃ ማላይኔ ሱንሳይ ኦዋ?» ያጌዴ ኡንቱንታ ኦቼዳ።

ኡንቱንቱ፣ «ቁሳሬዋ» ያጌዲኖ።

17 ዩሱሲ ዛሪዴ ኡንቱንታ፣ «ያቶ፤ ቁሳሬዋ ቁሳሬሲ፣ ያሳዋ ያሳሲ አሚቴ» ያገና ኡንቱንቱ አባ ማላሌቲዲኖ።

**ሃይቁዋፔ ዴንዲዋ ኦሻ**

(ማት 22:23-33፤ ሉቅ 20:27-40)

18 ሃይቁዳ አሳይ ዴንዴና ገያ ሳዲቃዋናቱዋፔ ኢቲ ኢቲ አሳቱ ዩሱሳኮ ዩዴ፣ ሃዋዳን ያጌዴ፣ አ ኦቼዲኖ፤

19 «ታማሪሲያዎ፣ ሙሴ ኮሲ ሂገያ ፃፊዴ፣ ሩማቻቶ አኬዳ አሳይ ናዓ ዩሌናን ሃይቆፔ፣ ሄ ሃይቁዳዋ ኢሻይ አ ማቻቶ ላቲዴ፣ ባሬ ኢሻው ናዓ ዩላናው ቤሴ» ያገያዋ ፃፊዴ።

20 ኢቲ ዋዴ ላፑ ኢሻቱ ዴዒያዋንቱፔ ባይራይ ማቻቶ አኪዴ፣ ናዓ ዩሌናን ሃይቁዳ።

21 ላዔሊያ ኢሻይ ኢዞ አኬዳ፤ ኢካ ናዓ ዩሌናን ሃይቁዳ፤ ሄዜንሊያዊካ ሄዋዳን ሃኔዳ።

22 ላፑናቱካ ኢዞ አኪዴ፣ ናዓ ዩሌናን ሃይቁዲኖ፤ ኡባፔ ጉዩያን፣ ቃሲ ሄ ሚሺራታ ሃይቃዲ።

23 ያቲና፣ ሃይቁዳ አሳይ ሃይቁዋፔ ዴንዲያ ዋዴ፣ ኢዞ ኡንቱንቱፔ ሃቃዋ ማቼ ገደኔ? አዩሲ ጎፔ፣ ላፑናቱካ ኢዞ አኪዲኖ»።

24 ዩሱሲ ዛሪዴ ኡንቱንታ፣ «ሂንቱንቱ ባሌቲያዌ፣ ያሳ ማፃፋቱዋኔ አ ዋልቃ ኤሬና ዲራሳ!

25 አዩሲ ጎፔ፣ ሃይቁዳ አሳይ ሃይቁዋፔ ዴንዲያ ዋዴ፣ ሳሉዋን ዴዒያ ኪታንቻቱዋ ማላ ገዳናፔ አቲን፣ አቱማ አሳይኔ አኬና፤ ማጫ አሳይኔ ጌሊና።

26 ሺን ሃይቁዳዋንቱ ዴንዲዋባ ገደፔ፣ ሙሴ ማፃፋን ፃፊቲዳ ፃራጋይ ሚያ ቡራባ ኦዲያ ሳዓን፣ ያሳይ ሙሳ፣ «ታኒ አብራሃሜ ያሳ፣ ዩሳቃ ያሳ፣ ያዩቆባ ያሳ» ገዲያዋ ኡባካ ናባቢቤይኪቱ?

27 ኢ ፓፃ ዴዒያዋንቱ ያሳ ገዲያዋፔ አቲን፣ ሃይቁዳዋንቱ ያሳ ገዴና፤ ሂንቱ ዳሪሲ ባሌዲታ» ያጌዲኖ።

ኡባፔ አዲያ አዛዙዋ  
(ማጥ 22:34-40፤ ሉቅ 10:25-28)

28 ሂጊያ ታማሪሲያዋንቱፔ ኢቱ ኡንቱንቱ ፓሉሜቲያዋ ሸቂዳ ሲሴዳ፤ ቃሲ ዩሱሲ ኡንቱንቱ ሎዎ ዛሬዳዋ ሲሴዳ፡ «አዛዙዋ ኡባፔ አዲያ አዛዙ ሃቃዌ?» ያጊዳ ዩሱሳ ኦቹዳ።

29 ዩሱሲ ዛሬዳ፡ አ «አዛዙዋ ኡባፔ አዲያ አዛዙዋ፡ ሲሴራዊሊያ አሳይ ሲሴቱ፡ ጎዳይ ኑ ያሳይ ኢቲ ጎዳ።

30 ሂንቱንቱ ጎዳ ሂንቱ ያሳ ሂንቱ ኩሜንላ ዋዛናፔ፡ ሂንቱ ኩሜንላ ሸምቸዋፔ፡ ሂንቱ ኩሜንላ ቆፋፔ፡ ሂንቱ ኩሜንላ ዋልቃፔ ሲቁቱ» ያጊ።

31 ቃሲ አዛዙዋ ኡባፔ አዲያ ላዊንላ አዛዙ ሃዋ፤ ሳኔ ኔ ሸሩዋ ኔ ሁጲያዳን ሲቃ» ጊያዋ፤ ሃዋንቱፔ አዲያ ሃራ አዛዙ ባዋ» ያጊዳ።

32 ሂጊያ ታማሪሲያዌ ዩሱሳ ያጊዳ፤ «ታማሪሲያዋ፡ ቱሙዋ ጋዳ፤ ኔ ከጎይ ኢቲ ያሳ ዓላላ። አፔ አቲን፡ ሃራይ ባዋ» ጌዳዌ ቱማ።

33 ያሳ ኩሜንላ ዋዛናፔ፡ ኩሜንላ ቆፋፔ ኩሜንላ ዋልቃፔ ደሲያዌ ኔ ቃሲ ባሬ ሸሩዋካ ባሬ ሁጲያዳን ሲቁያዌ፡ ጉዲያ ያርሹዋፔ ነራ ያርሹዋ ኡባፔ አዲ» ያጊዳ።

34 ዩሱሲ ሂጊያ ታማርሲያዋ ዛሩ አቶ ኤራንቻ አሳ ዛሩዋ ጊዳዳዋ ቤዒዳ፡ «ኔ ከጎይ ካዉቱላፔ ሃካቤይካ» ያጊዳ፤ ሄዋፔ ጉዩያን፡ ዩሱሳ ሃራባ ኦቻናው ኦኔ ናሊቤና።

«ዩሱሲ ኦ ናዌ» ያጊያ ኦሻ  
(ማጥ 22:41-46፤ ሉቅ 20:41-46)

35 ዩሱሲ ጌሻ ጎሊያን ታማሪሲዳ፡ «ሂጊያ ታማርሲያዋንቱ ከሪሰቶሳ ዋቲ ዳዊቱ ናዓ ጊኖ?

36 ዳዊቱ ባሬና ጌሻ ኢያናይ ሃሳዩሲና፡ ሳሳይ ታ ጎዳ፡ «ታኒ ኔ ሞርኬቱዋ ኔኒ ዩቆ ኤቂያባ አላና ጋካናው፡ ሃዋን ታፔ ቦንቹታዳ ኡሼቻ ባጋና ኡታ» ጌዳ፤ ያጊዳ።

37 ዳዊቱ ባሬ ሁጲው ከሪሰቶሳ፡ ሳሳይ» ጊዳ ዪሶፔ፡ ያቲና፡ ከሪሰቶሲ ዋኒዳ፡ ዳዊቱ ናዓ ጊዲ?» ያጊዳ።

ጮራ አሳይ ዩሱሲ ጊያዋ ናሼቻን ሲሴዳ።

ዩሱሲ፡ «ሙሴ ሂጊያ ታማሪሲያዋንቱ፤ ርገቱ» ያጌዳ  
(ማጥ 23:1-36፤ ሉቅ 20:45-47)

38 ዩሱሲ ታማሪሲያዋንቱ፡ «ሂጊያ ታማሪሲያዋንቱ ርገቱ፤ ኢንቱንቱ አዲሳ ማዩዋ ማዩዳ ዩዩያዋኔ ጌያ ሄራንካ አሳይ ኢንቱንታ ቦንቺዳ ሳሮቲያዋ ደሲኖ።

39 ኢንቱንቱ አዩሁዳ ዋሳ ጎሌቱዋን ዳሪ ሎዒያ ኦይዲያ ደሲኖ፤ ቃሲ አሳይ ባሬንታ ኢማፋቴላን ሞኪያሳንካ ቦንቺ ሳሳ ደሲኖ።

40 ኢንቱንቱ አምዔቱ ጎሊያ ቦንቂዳ፡ ባሬንቶ ሎዒ ማላታናው ያሳ ዋሳ አዲሲኖ፤ ኢንቱንቱ ኡባፔ አጂያ ሙራ አካናዋንታ» ያጌዳ።

አምዓቲ ሚፀዋታ  
(ሉቅ 21:1-4)

41 ዩሱሲ ጌሻ ጎሊያን ኢሞታ ዩጊያ ሳፀኒያ ማታን ኡቲዳ፡ አሳይ ባሬ ሚሻ ሄ ሳፀኒያን ዩጊያዋ ቤዔዳ፤ ጮራ ዱሬ አሳይ ዳሮ ሚሻ ሄ ሳፀኒያን ዩጌዲኖ።

42 ኢቲ ሂዩሳ አምዓታ ያዴ፡ ኢቲ ሳንቲሚያን ላሜቲያ ላዑ ሴምቤራቱዋ ሄ ሳፀኒያን ዩጋዲ።

43 ዩሱሲ ባሬና ካሊያዋንታ ያሲዳ፡ «ታኒ ሂንቱንቶ ቱሙዋ ጋይ፤ አሞታ ሳፀኒያን ዩጌዳ አሳ ኡባፔ ሃ ሂዩሳ አምዓታ ዳሪሳዴ ዩጋዲ።

44 አዩሲ ጎፔ፡ ሃራቱ ኡባይ ባሬንቶ ፓላሄዳ ሚሻፔ ዩጌዲኖ፤ ሺን ኢዛ ባሬ ፓጫፔ፡ ባሬው ዳዒያ ዳዑዋ ሙሌካ ኢማ አጋዲ» ያጌዳ።

# 13

ዩሱሲ ጌሻ ጎሊ ኮሌታናዋ ካሴቲዳ ኦዴዳ  
(ማጥ 24:1-2፤ ሉቅ 21:5-6)

1 ዩሱሲ ጌሻ ጎሊያ፤ ኬሲሺን፡ አ ካሊያዋንቱ ኢቱ አ፡ «ታማሪሲያዋ፡ ሃዌ አይቤ ሎ? ሹቻቱንቶኔ ቃሲ አይቤ ሎ? ሹቻ ጎላቱዋ ቤዒይ!» ያጌዳ።

2 ዩሱሲ ዛሬዳ፡ «ሃ ዋልቃማ ሹቻ ጎላቱዋ ቤዒይ? ሃ ጎላቱዋን ዳዒያ ኢቲ ሹቻይኔ አቴናን ኡባይ ኮሌታና» ያጌዳ።

ጎዳይ ያናፔ ካሴቲዳ ጋካና ዩዳርሱዋኔ ዋዩያ  
(ማጥ 24:3-14፤ ሉቅ 21:7-19)



3 ዩሱሲ ገሻ ጎሊያፔ ሂኒ ባጋና ዳብሬ ዛይቲ ዴሪያ ቦላን ኡቲዳ ዎዴ፣ ጳጳሮሲ፣ ያዩቆቤ፣ ዮሃንሲኔ ኢንዲራሲ ባሬንቱ ፃላላ ኣኮ ዪዴ ኣ፣

4 «ሃዌ አዉዴ ሃናኔንቶ፣ ኑሲ ኦዳሪኪ፤ ቃሲ ሃዌ ኡባይ ፖሌታና ዎዲያ ኤሪሲያ ማላቱ ኣያ ገዲኔ?» ያገዴ ኦቹዲኖ።

5 ዩሱሲ ቃሲ ኡንቱንቶ ሃዎዳን ያገዴ፣ ኦዲዎ ዶሜዳ፤ «ሂንቱንታ ኦኒኔ ባሌፍና ማላ ናጌቲቲ።

6 ጮራ ኣሳቱ ታ ሱንላን፣ ታኒ ኪሪሰቶሳ) ያገዴ ያናዎ፤ ጮራ ኣሳ ባሌፍና።

7 ማታን ዴዲያ ኦላ ኮቫኔ ሃኩዎን ዴዲያ ኦላ ኦዲዎ ሂንቲ ሲሲያ ዎዴ፣ ሂርጎፐቲ፤ ሃዎ ማላባይ ሃናናው ቤሴ፤ ሺን ዉርሴላይ ቢራ።

8 ኣዪሲ ጎፔ፣ ኢቲ ጋዴ ኣሳይ ሃራ ጋዴ ኣሳና ኦሌታና፤ ቃሲ ኢቲ ካዉቲላይ ሃራ ካዉቲላና ኦሌታና፤ ቢታ ቃላይ ኡባሳን ዴዳና፤ ኮቫይካ ዴዳና፤ ሺን ሃዌ ኮይሮ ዩሉዎ ኦይላ ማላ።

9 «ሺን ሂንቲ ሂንቲንቲ ሁጹው ናጌቲቲ፤ ኣዪሲ ጎፔ፣ ኣሳይ ሂንቲንታ ኦይቂዴ፣ ፐርዳ ጎሌው ኣሊዴ ኢማና፤ ቃሲ ባሬ ኣዪሁዳ ዎሳ ጎሌቱዎኒካ ሂንቲንታ ሊሱዎን ሸጫና፤ ጋዲያ ሞዲያዎንቲ ሲንላኒኔ ካታቱዎ ሲንላን ታ ዲራው ሂንቲ ማርካታናው ኤቃና።

10 ሚሺራቹዎ ቃላይ ኮይሮና ኣሳው ኡባው ኦዴቲዲጋናው ቤሴ።

11 ኡንቱንቲ ሂንቲንታ ፐርዳ ጎሌ ኣሂያ ዎዴኔ ኣሊዴ ኢሚያ ዎዴ፣ ዎቲ ሃሳያኒቲንቶ ኮይሮና ሂርጎፐቲ፤ ሄ ሳቲያን ያሳይ ሂንቲንቶ ኢሚያባ ሃሳዪቲ። ኣዪሲ ጎፔ፣ ገሻ ኣያናይ ሃሳያናፔ ኣቲን፣ ሃሳዪያዎንቲ ሂንቲንታ ገዲኪታ።

12 «ኢቫይ ባሬ ኢቫ፣ ኣዉ ባሬ ናዓ ዎቋሳና፤ ቃሲ ናናይ ባሬንቲ ኣዎቱዎ ቦላኒኔ ባሬንቲ ኣዬቱዎ ቦላ ዴንዲዴ፣ ኡንቲንታ ዎቋሳና።

13 ኣሳይ ኡባይ ሂንቲንታ ታ ሱንላ ዲራው ኢፃና፤ ሺን ዉርሴላይ ጋካናው ጌንጪያዌ ኣታና።

ዩሩሳሌሜ ጋካና ዎልቃማ ኢታ ማቲዎ (ማት 24:15-28፤ ሉቅ 21:20-24)

14 «ሺን ናቢያ ዳኔል ኦዴዳ ባሻ ቱናቲላይ ኤቃናው ቤሴናሳን ኤቂሺን ሂንቲ ቤዲያ ዎዴ፣ ሃዌ ዎጊያዌንቶ፣ ናባቢያዌ ኣኬኮ፤ ዪሁዳ ጋዲያን ሄ ዎዴ ዴዲያዎንቲ ዴሪያኮ ቤቲኖ።

15 ጎሊያ ሁጹያን ዴዲያ ኡራይካ ኢቲባ ኣካናው ዲጌ ዎቋዴ፣ ባሬ ሶይ ጌሎፖ።

16 ጋዴን ዴዲያዌካ ባሬ ማዩዋ አካናው ጉዬ ሲሞገ።  
 17 ሄ ዎዴ ሻሃራ ማጫዋንቶኔ ቋንቋያ ማጫዋንቶ አዬር።  
 18 ሺን ሃዌ ኡባይ ሃኒያ ዎዲ ባልጉዋ ጊዴና ማላ፡ ያሳ ዎሲቴ፤  
 19 አዩሲ ሳፕ፡ ያሳይ ሳዓ ኮይሮ ሜዴዳዋፕ ደሚዴ፡ ሃዲ  
 ጋካናው፡ ኡባካ ዴዲቤና ሜቴ፡ ቃሲ ሃዋፕ ሲንገጠካ ኡባ ዴዴና  
 ሜቴ አሳ ቦላ ሄ ዎዴ ዴዳና።

20 ሳዳይ ሄ ጋላሳቴዋ ፓይዲዋ ጉሌያዌ ባዌንቶ፡ አሳ ጊዴዳ  
 ኦኒኔ አቴና፤ ሺን ኢ ባሬ ደሬዳ አሳቴዋ ዲራው፡ ሄ ጋላሳቴዋ  
 ፓይዲዋ ጉሌዳ።

21 «ሄ ዎዴ ኦኒኔ ሂንቴንታ፡ (ቤዲቴ፤ ኪሪሰቶሲ ሃዋን ዴዴ)  
 ዎይ፡ (ቤዲቴ፤ ኪሪሰቶሲ ሃዋን ዴዴ) ያሳፕ፡ ሃዋ አማኖፕቴ።

22 አዩሲ ሳፕ፡ ዎርዳንቻ ኪሪሰቶሳቴኔ ዎርዶ ናባቴ ዴንዲዴ  
 ባሬንቶ ዳንዳዬቶፕ፡ ሃራይ አቶ ያሳይ ደሬዳዋንታካ ባሌገናው  
 ማላታኔ ማላሊሲያባ ቤሳና።

23 ሺን ሂንቴ ናጌቴቴ፤ ታኒ ሂንቴንቶ ኡባባ ካሴታዴ ኦዳዲ።

**ኪሪሰቶሳ ላዴንቶ ዩሳ**  
 (ማጥ 24:29-31፤ ሉቅ 21:25-28)

24 «ሺን ሄ ዎዴ ሄ ዋዩያፕ ጉዩያን፡  
 አዋይ ቋማና፤

አጌናይ ፖዲያዋ አጋና፤  
 25 ያሊንታቴ ሳሉዋፕ ኩንዳና፤  
 ቃሲ ሳሉዋን ዴዲያ ዎልቃቴካ ቃዲታና።

26 ሄ ዎዴ ታኒ፡ አሳ ናዳይ፡ ዎልቃማ ዎልቃናኔ ቦንቹዋና ሻሪያ  
 ጊዶና ዩሺን፡ ኡንቴንታ ቤዳና።

27 ሄ ዎዴ ታኒ ኪታንታቴዋ ሳዓ ኦይዲ ባጋ ኪታና፤ ሳዓ ጋፃፕ  
 ሳሉዋ ጋፃ ጋካናው፡ ያሳይ ደሬዳ አሳ ሺሻና።

**ዎዲያ ዉርሴገይ ጋኬዳዋ ማላታ ቤሲያ ባላሲያ ሚላቶ**  
 (ማጥ 24:32-35፤ ሉቅ 21:29-33)

28 «ለሚሱዋ ባላሳቶ ጊያ ሚላቴፕ ታማሪቴ፤ ባላሳታ አጪያ  
 ዎዴኔ ኢዚ ሃይላይ ሃይቴያ ዎዴ፡ ቦኒ ማቴዳዋ ሂንቴ ኤሪታ።

29 ሃዋዳንካ ሂንቴ ሄ ኡባባይ ሃኒያዋ ቤዲያ ዎዴ፡ ኢ \*  
 ማታቴዴ ፔንጊያ ሺቄዳዋ † ኤሪቴ።

---

13:19 ዳን 12:1፤ ሳፀ 7:14      13:24 ኢሳ 13:10፤ ሂዝ 32:7፤ ኢዩ 2:10፤  
 31፤ 3:15፤ ሳፀ 6:12      13:25 ኢሳ 34:4፤ ኢዩ 2:10፤ ሳፀ 6:13      13:26  
 ዳን 7:13፤ ሳፀ 1:7      \* 13:29 ኢ፡ ዩሱሳ ጉሳ።      † 13:29 ማቴዴ ፔንጊያ  
 ሺቄዳዋ፡ ጉሳይ፡ ዩሱሳ ዩሳይ ማቴዳ ጉሳ።

30 ታኒ ሂንቲንቶ ቱሙዋ ኦዲይ፤ ሃ ኡባባይ ሃናና ጋካናው፡ ሃ ዎዲያ ዬሌታይ ሃይቂዲጌና።

31 ሳሉኔ ሳዓይ ኣቋና፤ ሺን ታ ቃላይ ኡባካ ኣዲና።

ዉርሴላ ጋላሳኔ ሳቲያ ኦኒኔ ኤሬና

(ማት 24:36-44)

32 «ሺን ሄ ጋላሳኔ ሄ ሳቲያ ኣዉዋ ፃላላፔ ኣቲን፡ ሃራይ ኣቶ ሳሉዋን ዳዒያ ኪታንቻቱዋ ጌዲና፡ ዎይ ታና ናዓ ጌዲናካ ኦኒኔ ኤሬያባይ ባዎ።

33 ሄ ዎዲ ኣዉዳ ጌዲኔንቶ፡ ሂንቲ ኤሬና ዲራው፡ ናጌቲቲ፤ ሚኒቲ፤ ፆሳ ዎሲቲ።

34 ታ ዩሳይ ባሬ ጎሊያ ኣጌዳ፡ ኣጌያ ቢያ ቢታኒያ ማላ፤ ቢታኒ ባሬ ቆማቱዋሲ ሁጲያን ሁጲያን ኦሱዋ ኣሚዳ፡ ኡንቲንታ ባሬ ኦሱዋሲ ካፖ ኦፊዳ፤ ቃሲ ካሬያ ናጌያዌካ ሚኒሲዳ ናጋና ማላ ኣዛዜዳ።

35 «ሄዎ ዲራው፡ ሚኒቲ፤ ኣዩሲ ጎፔ፡ ጎሊያዉ ኦማርሳ ጌዲና፡ ዎይ ቃማ ቢላሄ ጌዲና፡ ዎይ ኩቲ ዋሲያ ዎዴ ጌዲና፡ ዎይ ጉራ ዋንቱማፋና ጌዲና ኣዉዳ ያኔንቶ፡ ሂንቲ ኤሬኪታ።

36 ሂንቲንቲ ኣኬኬናን ኢ ዮፔ፡ ሂንቲንታ ጌሚዒሼዳዋንታ ዳሚና ማላ ሚኒቲ።

37 ታኒ ሂንቲንቶ ኦዲያዎ ኣሳ ኡባው ኦዲይ፤ ሚኒቲ።»

# 14

ኪሪሰቶስ ቦላ ማቄቴዲኖ

(ማት 26:1-5፤ ሉቅ 22:1-2፤ ዮሀ 11:45-53)

1 ፓሲጋ ባላ ጌያዎ ቦንቺያ ጋላሳይኔ ጫሊቤና ኡኪላ ሙሳ ቦንቺያ ባላ ጋላሳይ ጋካናው ላዑ ጋላሳይ ኣቲዳ፤ ቄሳቱዋ ካፓቲኔ ሂጌያ ታማርሲያዋንቲ ኣሳይ ኤሬናን ዬሱሳ ኦይቂዳ ዎቋና ኦጌያ ኮዪኖ።

2 «ኣሳይ ዋላሳ ኬሴና ማላ፡ ፓሲጋ ቦንቺያ ጋላሲ ሄዎ ኦፊኮ» ያጌዲኖ።

ዬሱሳ ሺቱዋ ኦኬዳ ሚሺራቶ

(ማት 26:6-13፤ ዮሀ 12:1-8)

3 ዬሱሲ ቢታኒያ ጋዲያን ኦሉዋ ሃርጌያ ሲሞና ሶዪን ቄማ ማናው ኡቲዳ ዎዴ፡ ኢቲ ሚሺራታ ቢልቃሲያ ኩሜዳ ናርዶሳ

ጊያ ዳሪ አልፎ ሺቱዋ \* አካዴ ያዲ፤ ሄ ቢልቃሲያ ሚንጻዴ ሺቱዋ ዬሱሳ ሁጲያን ተገዲ።

4-5 ሄዋን ዴሲያ አሳፔ ኢቱ ኢቱ ሃንቄቲዳ፤ «ሃ ሺቱዋ ጮ አያው ባዪዛይ? ሃ ሺቱዋ ሄዙ ፆቱ ቢራ ሳንቲሚያን † ዛሊሲዳ፤ ሚሻ ሂዬሳው ኢማናው ዳንዳዬቱ» ያጊዴ ባሬንቱ ጊዶን ሃሳዪና፤ ያቲዳ ሄ ሚሺራቶ ዳሪሲ ሃንቄቲዲና።

6 ሺን ዬሱሲ ሃዋዳን ያጊዳ፤ «ሃ ሚሺራቶ አይኔ ሳፒቲ፤ ኢዛ አዪሲ ሚቶሊቲ? ኢዛ ታው ሎፖባ አሳዲ።

7 ሂዬሳቱ ኡባ ዋዴ ሂንቲንቲና ዴሲና፤ ሂንቲ ኮዬዳ ዋዴ አዉዴኔ ኡንቲንታ ማዳናው ዳንዳዪታ፤ ሺን ታኒ ኡባ ዋዴ ሂንቲንቲና ዴሲኬ።

8 ኢዛ ባሬው ዳንዳዬቲዳዋ ኦላዲ፤ ቃሲ ታ አሳቲላይ ዋጊታናፔ ካሴታዴ ዋሳ ገጊሳናው ሺቱዋ ኦካዲ።

9 ታኒ ሂንቲንቶ ቱሙዋ ኦዳይ፤ ሳዓ ኡባን ዋንጋላ ሚሺራቸዋ ኦዲያሳን ሃቃኒኔካ፤ አሳይ ኢዛ ቆፓና ማላ፤ ሃ ኢዛ ኦሌዳዌ ኦዴታና» ያጊዳ።

ዪሁዳ አስቆሮቱ ዬሱሳ አሊዴ ኢማናው ዘሬታ ኤኖ ጌዳ (ማት 26:14-16፤ ሉቅ 22:3-6)

10 ታማኔ ላዑ ዬሱሳ ካሊያዋንቲፔ ኢቱ ዪሁዳ አስቆሮቱ ‡ ጊያዌ፤ ዬሱሳ ቄሳቱዋ ካፓቱዋሲ አሊዴ ኢማናው ኡንቲንቲኮ ቤዲ።

11 ኡንቲንቲ ሄዋ ሲሴዳ ዋዴ ናሺቲዴ፤ «ኑኒ ኔው ሚሻ ኢማና» ያጊዲና፤ ዪሁዳ አስቆሮቱ ዬሱሳ አሊዴ ኢማናው ኢንጃቲያ ዋዲያ ዋቹ።

ዬሱሲ ባሬና ካሊያዋንቲና ፓሲጋ ቁማ ሜዳ (ማት 26:17-25፤ ሉቅ 22:7-14፤ 21-23፤ ዮሀ 13:21-30)

12 ጫሊቤና ኡኪላ ሚያ ባላ ጋላሳ ቦንቹያ ኮይሮ ጋላሲ፤ ፓሲጋ ቁማ ማናው ዶርሳ ሹኪያ ዋዴ፤ ዬሱሳ ካሊያዋንቲ ኦ፤ «ፓሲጋ ቦንቹያ ጋላሲ ኔኒ ማና ቁማ ኑኒ ሃቃ ቢዴ ገጊሳኔ?» ያጊዴ ኦቹዲና።

13 ዬሱሲ ባሬና ካሊያዋንቲፔ ላዓቲዋ ሃዋዳን ያጊዴ ኪቲዳ፤ «ካታማ ቢቲ፤ ሂንቲ ቢሺን፤ ኦቲዋን ሃላ ቶኬዳ ኢቲ ቢታኒ ሂንቲንቲና ጋኬታናዋ፤ አ ካሊቲ።

\* 14:3 ዳሪ አልፎ ሺቱዋ፡ ጉሳይ ሎይሊ ሳዊያዋ ጉሳ። † 14:4-5 ቢራ ሳንቲሚያ፡ 6:37 ጻሊቲ። 14:7 ዛር 15:11 ‡ 14:10 ዪሁዳ አስቆሮቱ፡ 3:19 ጻሊቲ።

14 ኢ ቢዴ ጌሊያ ጎሊያወዋ፡ «ታሲ ታና ካሊያዋንቱና ፓሲጋ ቁማ ማናው ታ ኢማላ ኪፊሊ ሃቃኔ?» ያጌ ያጌቱ።

15 ጎሊያወ ሂንቱንታ ፖቂያ ቦላን ዴዲያ ገጊ ኡቴዳ አኮ ኪፊሊያ ቤሳና፤ ሂዋን ኑሲ ገጊሲቱ» ያጌዳ።

16 ሄ ላዑ ዩሱሳ ካሊያዋንቱ ኬሲዴ፡ ካታማ ቤዲኖ፤ ዩሱሲ ባሬንቶ ኦዴዳዋዳንካ ኡባባ ዴሚዴ፡ ፓሲጋ ቁማ ገግሴዲኖ።

17 ሳዓይ ኦማርሲያ ዎዴ ዩሱሲ ታማኔ ላዑ ባሬና ካሊያዋንቱና ያ ቤዳ።

18 ኡንቱንቱ ኡቲዴ ሳምፓፔ ቁማ ሚሺን፡ ዩሱሲ ኡንቱንታ፡ «ታሲ ሂንቱንቶ ቱሙዋ ኦዳይ፤ ሂንቱንቱፔ አቱ ታናና ሚያዌ፡ ታና ኣሊዴ አማናዋ» ያጌዳ።

19 አ ካሊያዋንቱ ሎይሊ ሲሴቲና፡ ሁጺያን ሁጺያን አ፡ «ቱሙ ታኔሻ?» ጊያዋ ደሚዲኖ።

20 ዩሱሲ ዛሬዴ፡ «ኢ ሃ ሂንቱንቱ ታማኔ ላዓቱዋፔ አቱዋ፤ ኢ ታናና አቲፔ ቱሻናው ባሬ ዳቡዋ ሻታን ዩዲያዋ።

21 ታሲ፡ አሳ ናዓይ፡ ያሳ ማፃፋይ ሃይቃና ጌዳዋዳን ሃይቃና፤ ሺን ታና፡ አሳ ናዓ፡ ኣሊዴ አሚያ ኡራው ኣዬር፤ ሄ ኡራይ ዩሌቴናን ኣቴዳንቶ፡ ኣው ሎዓ ሺን» ያጌዳ።

ጎዳ ካወዋ ኣኪያ ዎጋ  
(ማጉ 26:26-30፤ ሉቅ 22:14-20፤ 1ቆር 11:23-25)

22 ኡንቱንቱ ሚሺን፡ ዩሱሲ ዳቡዋ ኣኪዴ፡ ያሳ ጋላቲዳ፤ ሄ ዳቡዋ ሜንሲዴ፡ ባሬና ካሊያዋንቶ አሚዴ፡ «ሄይቱ፤ ሃዌ ታ ኣሹዋ» ያጌዳ።

23 ፀዓ ኣኪዴ፡ ያሳ ጋላቲዴ፡ ኡንቱንቶ አሚዳ፤ ኡባይ ሄ ፀዓፔ ኡሹዲኖ።

24 ዩሱሲ፡ «ሃዌ ኦራላ ጫቁዋን § ጮራ ኣሳ ዲራው ጉኪያ ታ ሱላ።

25 ታሲ ሂንቱንቶ ቱሙዋ ኦዳይ፤ ታሲ ያሳ ካወቲላን ኦራላ ዎዲያ ኤሳ ኡሻና ጋላሳይ ጋካናው፡ ላዒንሉዋ ሃ ዎዲያ ኤሳ ኡባካ ኡሺኬ» ያጌዳ።

26 ማዚሙሪያ ዩዴዳዋፔ ጉዩያን፡ ዴብሬ ዛይቲ ዴሪያ ቤዲኖ።

---

14:18 ማዝ 41:9 § 14:24 ኦራላ ጫቁዋ፡ ያሳይ ባሬ ኣሳሲ ዩሱሳ ሃይቁዋ ባጋና ቃላ ጌሊዳ ኦራላ ቃላ ጫቁዋ። ሄዌካ ኣ ጋኪያ ፀዓ፡ ኢ ባሬ ሱላ ጉሲዴ ኣሊ አሚዳ ኣ ደዑዋ። ሄዌካ፡ ኑ ኤጫ ኣሳቲላይ ኡባይ ላሚቲና፡ ኦራዴዳ ያሳ ሂጊ ኑ ዎዛናጊ ፃፊቲዳዋ ኦዴ። 14:24 ኬስ 24:8፤ ኤርሞ 31:31-34

ጳጳሮሲ ካዳናዎ ዩሱሲ ካሴቲዳ ኦዳዳ  
(ማጥ 26:31-35፤ ሉቃ 22:31-34፤ ዮሀ 13:36-38)

27 ዩሱሲ ባሬና ካሊያዎንቶ፡ «ሂንቴንቴ ኡባይ ታና ዩጊዳ ዎፃኒታ፤ እዩሲ ጎፔ፡ ያሳ ማፃፋይ፡ ሮሳይ ዶርሳ ሄሚያዎ ዎቆና፤

ሄዎፔ ጉዩያን ዶርሳይ ኡባይ ላሌታና ጌ)

ያጌዳ።

28 ሺን ታኒ ሃይቁዎፔ ዳንዳዎፔ ጉዩያን፡ ሂንቴንቴፔ ካሴታዳ ጋሊላ ባና» ያጌዳ።

29 ጳጳሮሲ ዛሪዳ፡ «ኡንቴንቴ ኡባቴ ኔና ዩጊዳ ቦፔካ፡ ታኒ ኔና ሙሌካ ዩጊኬ» ያጌዳ።

30 ዩሱሲ ጳጳሮሳ፡ «ታኒ ኔው ቱሙዎ ኦዳይ፤ ሃቼ ቃማ ኩቱ ላዔሉዎ ዋሳናፔ ካሴ፡ ኔን ታና ሄዙ ጌዳ ካዳናሳ» ያጌዳ።

31 ሺን ጳጳሮሲ ካሴዎፔካ ሚኒሲዳ፡ «ታኒ ሃራይ ኦቶ፡ ኔናና ኢቲፔ ሃይቁንቶካ፡ ኔና ሙሌካ ካዲኬ» ያጌዳ። ቃሲ ሃራቱ ኡባቴካ ሄዎዳን ጌዲኖ።

ዩሱሲ ጌቴሴማኒያን ዎሴዳ  
(ማጥ 26:36-46፤ ሉቃ 22:39-46)

32 ጌቴሴማኔ ጊያ ሳዓ ቤዲኖ፤ ዩሱሲ ባሬና ካሊያዎንታ «ታኒ ያሳ ዎሳናሲ፡ ሂንቴንቴ ሃዎን ኡቲሺቴ» ያጌዳ።

33 ዩሱሲ ጳጳሮሳ፡ ያዩቆባኔ ዮሃኒሳ ባሬናና ኦፊዳ፤ ዳሪ ካዮቴዳኔ ማቶቴዳ።

34 ቃሲ ኡንቴንታ፡ «ታኒ ሃይቃና ጋካናዉካ ካዮታይ፤ ሃዎን ታኪሺቴ፤ ጌሚዒሾፕቴ» ያጌዳ።

35 ጉላ ሲንሳኮ ሸቂዳ፡ ሳዓን ጉፋኒዳ፡ ዳንዳዬቲያዎ ጊዶፔ፡ ሄ ዎዲ ባሬፔ ኦቆና ማላ፡ ያሳ ዎሴዳ።

36 ቃሲካ፡ «ኦባቦ፡ \* ታ ኦቦ፡ ኡባባይ ኔው ዳንዳዬቴ፤ ሃ ፀዓ ታፔ ዲጋ፤ ሺን ኔ ሸኒያዳን ሃኖፔ ኦቲን፡ ታ ሸኒያዳን ሃኖፖ» ያጌዳ።

37 ዩሱሲ ባሬና ካሊያዎንቴኮ ሲሚ ዩዳ፡ ጌሚዒሹዳዎንታ ዳሚዳ ጳጳሮሳ፡ «ሲዎና፡ ጌሚዒሻዲ? ኔን ኢቲ ሳቴንቶኔ ናጋናው ዳንዳያቤይኪ?

38 ፓጨያን ሂንቴ ጌሌና ማላ፡ ናጌቴቴኔ ያሳ ዎሲቴ፤ ኦያናይ ጊጊ ኡቴዳ፤ ሺን ኦሹ ዳቡራንቻ» ያጌዳ።

39 ቃሲካ ቢዳ ካሴዎዳንካ ያሳ ዎሴዳ።

---

14:27 ዛክ 13:7 \* 14:36 ኦባ፡ ጉሳይ ግሪኬ ቃላንካ «ኦባ» ጊዲያ ዎዳ፡ ኦራማዩኬ ቃላኒ «ኦባ» ጊያዎ።

40 አ ካሊያዋንቱኮ ጉዬ ሲሚዴ ኢ ዪያ ዎዴ፤ ጌሚዲሼዳዋንታ ዳሜዳ፤ ኡንቱንቱ ኣይፊያ ጌሚዲሹ ጎዚ ዎሌዳ ዲራው፡ ኣው ኣያ ሃሳዪኖንቶካ ኤሪቤይኪኖ።

41 ሄዘንሱዎ ኡንቱንቱኮ ዪዴ፡ «ሃዲ ጋካናዉካ ጌሚዲሹቴኔ ሹምፒቱ? ጊዳና፤ ዎዲ ጋኬዳ፤ ቤዒቱ፡ ታና፡ ኣሳ ናዓ፡ ናጋራንቻ ኣሳቱዎ ኩሺያን ኣሌዳ ኢሚያ ዎዲ ጋኬዳ።

42 ዴንዲና ቦይቲ፤ ቤዒቱ፡ ታና ኣሌዳ ኢሚያዌ ሃዌኩ ጋኬዳ» ያጌዳ።

ዩሱሲ ባሬ ዋርኬቱዎ ኩሺያን ኣይቄቲዳ  
(ማት 26:47-56፤ ሉቅ 22:47-53፤ ዮሀ 18:3-12)

43 ዩሱሲ ሄዎ ቢሮ ሃሳዪሺን፡ ታማኔ ላዑ ኣ ካሊያዋንቱፒ ኢቱ፡ ዪሁዳ ኣስቆርቱ፡ ኤሌካ ጋኪ ዎዴዳ፤ ቃሲ ቄሳቱዎ ካፓቱ ሂጊያ ታማሪሲያዋንቱኔ ጨማቱ ኪቲና፡ ማሻኔ ፃምዓ ኣይቄዳ ጮራ ኣሳይ ኣናና ኢቲፔ ዩዳ።

44 ዩሱሳ ኣሌ ኢሚያዌ ሄ ጮራ ኣሳው፡ «ታኒ ዩሪያዌ ኣ፤ አ ኣይቄዳ ሎይሌ ናጊዴ፡ ኣፊቱ» ያጊዴ ማላ ኦዲ ዎሌዳ።

45 ዪሁዳ ኣስቆርቱ ጋኮሳናካ ዩሱሳኮ ሸቄዳ፡ «ታማሪሲያዎ» ያጊዴ ዩሱሳ ዩሪ ኣኬዳ።

46 ሄ ጮራ ኣሳይ ዩሱሳ ሚኒሲ ኣይቄዳ።

47 ሺን ማታን ኤቄዳዋንቱፔ ኢቱ ባሬ ጨቢያ ሾዲኔ ቄሳቱዎ ኡባቱዎ ካፑዎ ቆማ ሸጨዴ፡ ኣ ሃይላ ቃንፃ ኦሌዳ።

48 ዩሱሲ ዛሪዴ፡ ሄ ሸቄዳ ጮራ ኣሳ፡ «ታና ቦንቃንቻ ኬሲዴ፡ ቦንቃንቻ ኣይቄያዎዳን ኣይቃናው ጨቢያኔ ፃምዓ ኣይቄዴ ዩዲቲ?»

49 ታኒ ጌሻ ጎሊያን ታማሪሳዴ፡ ጋላሳን ጋላሳን ሂንቱንቱና ዴዲያ ዎዴ ታና ኣይቄቤይኪታ፤ ሺን ያሳ ማፃፋቱ ጌዳዎ ፖሌታናው ቤሴ» ያጌዳ።

50 ዩሱሳ ካሊያዋንቱ ኡባቱ ኣ ዩጊዴ ቢ ኣኬዲኖ።

51 ናፃላ ፃላላ ማዬዳ ኢቲ ያላጋ ቢታኒ ዩሱሳ ካሊያዎ ኣሳይ ኣይቄዳ።

52 ሺን ሄ ቢታኒ ናፃላ ኦሊዴ፡ ካሎ ፂራ ዎፆዳ።

ዩሱሳ ፐርዲያ ሻንጋቱዎኮ ኣፌዲኖ  
(ማት 26:57-68፤ ሉቅ 22:54-55፤ 63-71፤ ዮሀ 18:13-14፤ 19-24)

53 ኣሳይ ዩሱሳ ቄሳቱዎ ኡባቱዎ ካፑዎ ሶይ፡ ቄሳቱዎ ካፓቱዎ ኡባቱ፡ ጨማቱኔ ሂጊያ ታማርሲያዋንቱ ሸቄዳሳ ኣፌዲኖ።

54 ጴጃሮሲ ቄሳቱዋ ኡባቱዋ ካፑዋ ዲርሳ ጊዲዋ ጋካናሲ ሃኩዋን አ ካሌዳ፤ ያኒ ናጊያዋና ታማ ካሺዳ፤ ኡቲ አኔዳ።

55 ቄሳቱዋ ካፓቱኔ ሄዋን ሸቁዳ አሳይ ኡባይ ዬሱሳ ዋቋናው አ ቦላ ማርካ ኮዬዲኖ፤ ሺን አይኔ ዳሚቤይኪኖ።

56 አዪሲ ጎፔ፤ ጮራ አሳቱ አ ቦላን ዋርዲዋ ማርካቴዲኖ፤ ሺን ኡንቱንቱ ማርካቴሳይ ኢቲ ማላ ጊዳና።

57-58 ኢቲ ኢቲ አሳቱ ዳንዲ ኤቂዳ ዬሱሳ ቦላ፤ «ኢ፥ ሓኒ አሳይ ኬፃዳ ሃ ጌሻ ጎሊያ ኮላዳ፤ አሳይ ኬፂቤና ሃራ ጌሻ ጎሊያ ሄዙ ጋላሳ ጊደን ኬፃና፤ ጊሺን፤ ኑኒ ሲሴዶ» ያጊዳ ዋርዲዋ ማርካቴዲኖ።

59 ሺን ሃራይ አቶ ኡንቱንቱ ማርካቴሳይ ሄዋን ኢቲ ማላ ጊዲቤና።

60 ቄሳቱዋ ኡባቱዋ ካፑ አሳ ኡባ ሲንሳን ዳንዲ ኤቂዳ ዬሱሳ፤ «ሃዋንቱ ኔና ሞቲያ ሞቶ ኔው ዛሪያባይ ባዌ?» ያጊዳ ኦቼዳ።

61 ሺን ዬሱሲ ጮዑ ጊዳ፤ አይኔ ዛሪቤና፤ ቄሳቱዋ ኡባቱዋ ካፑ አ፤ «አንጃቱዳ ያሳ ናዓይ ኪሪሰቶሲ ኔኔ?» ያጊዳ ላዒንሉዋ ኦቼዳ።

62 ዬሱሲ ዛሪዳ፤ «ኤ፥ ታና፤ ሂንቱ ታና፤ አሳ ናዓ፤ ዋልቃማ ያሳፔ ኡሼቻ ባጋና ኡቲዳዲሺናኔ ሳሉዋ ሻሪያና ዪሺን ቤዓና» ያጊዳ።

63 ቄሳቱዋ ኡባቱዋ ካፑ ባሬ ማዩዋ ፔዲ አሊዳ፤ «ኑና ሃዋፔ ሲንሳን አዪሲ ሃራ ማርካ ኮሺ?»

64 ሂንቱንቱ አ ቦሪያ ሲሴዲታ፤ ሂንቱ ቆፋይ አዬ?» ያጊዳ፤ ኡንቱንቱ ኡባይ፤ «ኢ ሃይቃና ቤሴ» ያጊዳ አ ቦላ ፒርዳዲኖ።

65 ኡንቱንቱፔ ኢቱ ኢቱ አ ቦላ ጨሽላ ዶሜዲኖ፤ አ አይፊያ ካሚ ዳቺዳ፤ «ኔና ዳቺዳዌ ኦኔ? አኔ ቲምቢቲያ ኦዳ!» ያጊዲኖ፤ ቃሲ ናጊያዋንቱካ አ ቂንፃሊያ ባቂዳ አፌዲኖ።

ጴጃሮሲ ዬሱሳ ካዳዳ  
(ማጥ 26:69-75፤ ሉቅ 22:56-62፤ ዮሀ 18:15-18፤ 25-27)

66 ጴጃሮሲ ዲርሳ ጊደን ሂርኪና ዳዲሺን፤ ቄሳቱዋ ኡባቱዋ ካፑዋ ማጫ አሸካራቱዋፔ ኢቲና ያዲ።

67 ጴጃሮሲ ታማ ካሺያዋ ቤዓዳ፤ ጫዳ ፃላዳ፤ «ኔኒካ ናዚሬቲያ ዬሱሳና ኢቲፔ ዳዓ» ያጋዲ።



68 ሺን ጳጳሮሲ፡ «ኔኒ ጊያዌ አዩንቶ ታኒ ኤሪኬ፤ ታው አከኬቴና» ያጊዴ ካዴዳ፤ ያቲዴ ዲርሳ ፔንጊያኮ ኬሴዳ፤ ኩቱካ ዋሴዳ። †

69 ሄ አሺካራታ ጳጳሮሳ በዓዳ፡ አ ማታን ኤቄዳ አሳቱዋ፡ «ሃ ቢታኒካ ኡንቱንቱና ዴዔ» ጋዴ ጉጃዴ ኦዲዋ ዶማዲ።

70 ሺን ጳጳሮሲ ቃሲካ ካዴዳ።

ጉላ ጋሚዲሺን፡ ማታን ኤቄዳ አሳቱ ላዔንሱዋ ጳጳሮሳ፡ «ኔኒ ቱማ ኡንቱንቱና ኢቲፔ ዴዔ፤ አዪሲ ጎፔ፡ ኔኒ ጋሊላ ጋዲያ አሳ» ያጊዲድ።

71 ሺን ጳጳሮሲ፡ «ታኒ ሄዋ ሂንቲ ጊያ ቢታኒያ ኤሪኬ!» ያጊዴ ባሪና ሺቃኔ ጫቁዋ ዶሜዳ።

72 ኤሌካ ኩቱ ላዔሱዋ ዋሲ አጌዳ፤ ጳጳሮሲ ባሪና ዬሱሲ፡ «ኔኒ ኩቱ ላዔሱዋ ዋሳናፔ ካሴ ሄዙ ጌዴ ታና ካዳናሳ» ጌዳዋ ሃሳዪዴ፡ ዳሪ ዬኬዳ።

# 15

ዬሱሳ ጲላዎሳኮ አፌዲኖ

(ማት 27:1-2፤ 11-14፤ ሉቅ 23:1-5፤ ዮሀ 18:28-38)

1 ዋንታ ጉራን ኤሌካ ቄሳቱዋ ካፓቱ ጨማቱዋናኔ ሙሴ ሂጊያ ታማሪሲያዋንቱና ሄዋን ሺቄዳ አዪሁዳ ሻንጋቱዋ ኡባና ማቄቲዴ፡ ዬሱሳ ቃቺ አፊዴ፡ ጲላዎሳው አሊዴ ኢሜዲኖ።

2 ጲላዎሲ አ፡ «ኔኒ አዪሁዳቱዋ ካቲ?» ያጊዴ ኦቺዳ።

ዬሱሲ ዛሪዴ አ፡ «ኔ ጊያዋዳና» ያጊዴ።

3 ቄሳቱዋ ካፓቱ ዬሱሳ ዳርባን ሞቲዲኖ።

4 ጲላዎሲ ሺሬቲዴ ዬሱሳ፡ «ኔው ዛሪያባይ ባዌ? ኡንቱንቱ ኔ ቦላ ዋዪሳ ሞቲዋ አሂንቶ በዒኪ?» ያጊዴ ኦቺዳ።

5 ሺን ዬሱሲ ሃራባ ዛሪናን ኢዲና፡ ጲላዎሲ ማላሌቲዳ።

ዬሱሳ ቦላ ሃይቁዋ ፒርዴዲኖ

(ማት 27:15-26፤ ሉቅ 23:13-25፤ ዮሀ 18:39-40፤ 19:1-16)

6 ጲላዎሳው ፓሲጋ ባላ ቦንቺያ ጋላሳን አሳይ ኮዪያ ኢቲ ኡራ ቃሹዋፔ ቢሊያ ዋጋይ ዴዔ።

7 ሄ ዋዴ ኢቲ ባርባና ጊያ ቢታኒ ዋላሳ ኬሲዴ ሸምቸዋ ዋዴዳ አሳቱዋና ኢቲፔ ቃሾ ጎሊያን ዴዔ።

† 14:68 ኩቱካ ዋሴዳ፡ ሃ ቃላይ ቤኒ ቢሌቲዳ ኢቲ ኢቲ ቢሌላኒ ባዋ።

8 ሸቄዳ ጮራ አሳይ ጲላጎሲ ካሴ ኤሬቶዎዳንካ ባሬንቶ ማርታ ኦላና ማላ፡ አ ኦቼዲኖ።

9 ጲላጎሲ አሳ ዛሬይ፡ «ታኒ ሂንቴንቶ አዪሁዳቱዎ ካቲያ ቢሊያዎ ኮዪቴ?» ያጊዳ ኦቼዳ።

10 አዪሲ ጎፔ፡ ቄሳቱዎ ካፓቱ ዩሱሳ ቃናቲዳ አሉ ኢሜዳዎ ጲላጎሲ ኤሬዳ።

11 ሸን ቄሳቱዎ ካፓቱ ዩሱሳ ኮታ ባርባና ቢላናዳን፡ ሄ ሸቄዳ አሳይ ጲላጎሳ ዎሳና ማላ፡ አሳ ማቄዲኖ።

12 ጲላጎሲ ላዔንሱዎ ዛሬይ፡ «ያቲና፡ ሃ አዪሁዳ ካቲያ ሂንቴንቱ ጊያዎ ዎቶ?» ያጊዳ።

13 አሳይ ጲላጎሳው ዛሬ ዛሬ ባሬንቱ ኮሻ ቶቁ ኦሊዳ፡ «አ ካቃ» ያጊዲኖ።

14 ጲላጎሲ አሳ፡ «አዪሲ? ኢ አይ ኢታባ ኦሌዳ?» ያጊዳ። ሸን አሳይ ካሴዎፔካ ባሬ ኮሻ ቶቁ ኦሊዳ፡ «አ ካቃ» ያጊዲኖ።

15 ጲላጎሲ አሳ ናሼቻናው ኮዪዳ፡ ባርባና አሳው ቢሌዳ፤ ያቲዳ ሊሱዎን ዩሱሳ ዎታዳራቱዎን ሾጪሲዳ፡ ካቃና ማላ ኦንቴንቶ አሉ ኢሜዳ።

**ዎታዳራቱ ዩሱሳ ቂሊጩዲኖ**  
(ማት 27:27-31፤ ዮህ 19:2-3)

16 ሄዎፔ ጉዪያን፡ ዎታዳራቱ ዩሱሳ ጋዲያ ሞዲያዎ ጊቢያ አፊዳ፡ ሃራ ዎታዳራቱዎ ኡባ ኢቲፔ ያሴዲኖ።

17 ቃሲ ዘዎ ማዩዎ አ ማዪዜዲኖ፤ አጉንላ አኪሊሊያ ጊጊሲዳ፡ አ ሁጲያን ዎሌዲኖ።

18 ሄዎፔ ጉዪያን አ፡ «አዪሁዳቱዎ ካቲው፡ ሳርታይ ኔው ጊዶ» ያጊ ሳርቲዳ፡ አ ቂሊጩዎ ዶሜዲኖ።

19 ዩሱሳ ሁጲያ ማቃ ፃሞዳን ሾጩዲኖ፤ ቃሲ አ ቦላን ጩቼዲኖ፤ ጉልባቲዳ አው ጎዪኔዲኖ።

20 አ ቦላ ቂሊጩዳዎፔ ጉዪያን፡ ዘዎ ማዩዎ አፔ ቃሪ አኪዳ፡ አ ማዩዎ አ ማዪዜዲኖ፤ ያቲዳ ማሰቃሊያ ቦላን ሚሲማሪያን ጲሺዳ፡ አ ካቃናው አፊዲኖ።

**ዩሱሳ ካቄዲኖ**  
(ማት 27:32-44፤ ሉቅ 23:26-43፤ ዮህ 19:17-27)

21 ኡንቴንቱ ቢዳ፡ ኢሰኪንዲራኔ ሩፎሳ ዩሌዳ አዉዎ፡ ኢቲ ሰሞና ጊያ ቄሬና ጋዲያ አሳይ፡ ጋፃፔ ካታማ ዪያዎና ጋኬቲዳ፡ ዩሱሳ ማሰቃሊያ ዎልቃን ቶሴዲኖ።

22 ያቴዎ ጎልጎታ ጌቴቲያሳ ዩሱሳ አፌዲኖ። «ጎልጎታ» ጊያዌ «ሁጲያ ጎሲያሳ» \* ጊያዌ።

23 ካዋራ ጊያ ጳሊ ዋላኬቴዳ ዎዩኒያ ኤሳ ዩሱሳው ኡሻናው ኢሜዲኖ፤ ሺን ኢ ኡሺናን ኢጌዳ።

24 ኡንቴንቴ ኦ ካቄዲኖ፤ ቃሲ ኦና ኦና ጋካኔንቶ ኤራናው ኦ ማዩዋ ሻኪዳ። ሳማ ዩጌዲኖ።

25 ኡንቴንቴ ኦ ካቄያ ዎዳ። ዎንታፔ ሄዙ ሳቴ።

26 «አዩሁዳቱዋ ካቲያ» ያጊ ኦ ሞቲያ ፃፋ ፃፊቲ ኡቴዳ።

27 ዩሱሳና ላዑ ካዩሳቱዋ ኢቱዋ ኦፔ ኡሺቻ ባጋና። ቃሲ ኢቱዋ ኦፔ ሃዲርሳ ባጋና ማሰቃሊያ ቦላ ሚሲማሪያን ጲሺዳ ካቄዲኖ።

28 ያሳ ማፃፋይ። «ኢታባ ኦሌዳ ኦሳቱዋና ኢ ፓይዴቴዳ» ያጊያዌ ፖሌቴዳ።

29 ኦጊያና ኦጲያ ኦሳይ ዩሱሳ ካጲዳ። ባሬንቴ ሁጲያ ቃሊዳ ቦሬዲኖ፤ «ሲሚ። ጌሻ ጎሊያ ኮላዳ ሄዙ ጋላሳ ጊዶን ከዲያዎ።

30 ኦኔ ማሰቃሊያ ቦላፔ ዎጳዳ። ኔ ሁጲያ ኦሻ» ያጌዲኖ።

31 ሃዋዳንካ ቄሳቱዋ ካፓቱ ሙሴ ሂጊያ ታማሪሲያዎንቴና ኢቲቴ ዩሱሳ ቦላ። «ሃራ ኦሳቱዋ ኦሺዳ፤ ሺን ባሬና ኦሻናው ዳንዳዬና፤

32 ኦኔ ቤዒዳ ኦማናና ማላ። ከሪሰቶሲ ኢሰራዔሊያ ካቲ። ኦኔ ማሰቃሊያ ቦላፔ ሃዒ ዎጳ» ጊዳ ቂሊጨዲኖ። ቃሲ ሃራይ ኦቶ። ኦናና ማሰቃሊያ ቦላ ሚሲማሪያን ጲሺቴዳ ካቄቴዳዎንቴካ ኦ ቦላ ቂሊጨዲኖ።

ዩሱሳ ሃይቁዋባ

(ማጥ 27:45-56፤ ሉቅ 23:44-49፤ ዮሀ 19:28-30)

33 ኡሱፑን ሳቲያፔ ዶሚዳ። ኡዲፑ ሳቲያ ጋካናው። ጋዲያ ኡባይ ጲሚዳ።

34 ኡዲፑ ሳቲያን ዩሱሲ ባሬ ቃላ ጶቁ ኦሊዳ። «ኤሎሄ። ኤሎሄ። ለማ ሳባቂታኒ?» † ያጌዲ። ሄዋ ጊያዌ። «ታ ያሳው። ታ ያሳው። ታና ኦዩሲ ኦጋዲ?» ጊያዌ።

35 ሄዋን ኤቄዳ ኦሳፔ ኢቱ ኢቱ ሄዋ ሲሲዳ። «ቤዒቴ፤ ኤላሳ ዪሴ» ያጌዲ።

---

\* 15:22 «ሁጲያ ጎሲያሳ» ጌቴቲያዌ። ኦሳ ሁጲያ ማላቲያ ሹቻይ ሄዋን ዳዒያ ዲራው። ሁጲያ ጎሲያሳ ጌቴቲዳ። 15:24 ማዘ 22:18 15:28 ኢሳ 53:12 15:29 ማዘ 22:7፤ 109:25፤ ማር 14:58፤ ዮሀ 2:19 † 15:34 «ኤሎሄ ... ለማ ሳባቂታኒ»። ሃ ቃላቱ ዩሱሲ ሃ ኦላሚያን ኦሹዋ ማዬዳ ሲሚሬቲያ ዎዳ ሃሳዬቲያ ኦራማዬኬ ጌቴቲያ ቃላን ሃሴዬቶዎ። 15:34 ማዘ 22:1

36 ሄ አሳፕ ኢቱ ዋዲ ዩዳ፡ ዛንዛ ማላቲያዋን ጨላ ዋዩኒያ ኤሳ ኩንጱዳ፤ ሄዋ ማቃ ጋቲማ ዪራን ዋሉዳ፡ «ዳዒሺቱ ኣኔ፤ ኤላሰ ማሰቃሊያፕ ኣ ዋላናው ያኔንቶኔ ኣኔ ቤያይቲ» ያጊዳ ዩሱሳ ደናኮ ኡሻናው ሺሺዳ።

37 ዩሱሲ ቃላ ቶቁ ኦሊ ዋሲዳ፡ ሃይቂ ኣጌዳ።

38 ጌሻ ጎሊያን ቃሼቲዳ ጋሪዱ ቆሞፕ ዱጌ ጋካናው፡ ላዑ ኬሲዳ ፖሼቲ ዋዲዳ።

39 ማሰቃሊያፕ ሲንሳ ባጋና ሄዋን ኤቁዳ ኢቲ ያቱዋ ካፑ፡ ሄዋ ከና ዩሱሲ ዋሲዳ ሃይቁዳዋ ቤዔዳ ዋዳ፡ «ሃ ቢታኒ ቱሙ ያሳ ናዓ» ያጌዳ።

40 ሄዋን ሃኩዋን ኤቁዳ ያሊያ አማራዳ ማጫዋንቱ ዳዒኖ፤ ኡንቱንቱ ጊደን ማግዳላ ጊያ ካታማፕ ዩዳ ማይራማ፡ ቲፋ ያዩቆባኔ ዮሳ ዳያ ማይራማኔ ሳሎማ ዳዒኖ።

41 ሄ ማጫ አሳቱ ዩሱሲ ጋሊላን ዳዒያ ዋዳ፡ ኣ ካሌዳዋንታኔ ኣ ማዴዳዋንታ፤ ቃሲ ዩሱሳና ኢቲፕ ዩሩሳላማ ቤዳ ሃራ ጮራ ማጫ አሳቱ ሄዋን ዳዒኖ።

**ዩሱሳ ሞጉዋባ  
(ማጉ 27:57-61፤ ሉቅ 23:50-56፤ ዮሀ 19:38-42)**

42-43 ሳዓይ ኦማርሴዳ ዋዳ፡ ሄዋን ሸቁዳ አሳን ቦንቼቲዳ ኢቲ ዮሴፋ ጊያ ቢታኒ፡ ያሳ ካዉቲላይ ያናዋ ናጊ ኡቲዳዋ፡ ኣርማቲያሳ ጊያ ካታማ አሳይ ዩዳ፤ ሄ ጋላሳይ ዋንቲላ ሳሞባታው ጊጌቲያ ጋላሳ ጊዴዳ ዲራው፡ ዮሴፎ ያሊዳ ጲላያሳኮ ቢዳ፡ ዩሱሳ ኣኃ አካናው ዋሲዳ።

44 ጲላያሲ፡ ዩሱሲ ማንዒያንካ ሃይቁዳጌዳዋ ሲሴዳ ዋዳ ማላሌቲዳ፤ ያቱዋ ካፑዋ ያሲዳ፡ «ኢ ሃይቆዴፕ ጋሚዔዳ?» ያጊዳ ኦቹዳ።

45 ጲላያሲ ዩሱሲ ሃይቁዳዋ ያቱዋ ካፑዋፕ ሲሴዳ፡ ኣ ኣኃ ዮሴፎ አካናዳን ኡዴዳ።

46 ዮሴፎ ሞጉዋ ማዩዋ ሻሚዳ፤ ዩሱሳ ኣኃ ማሰቃሊያፕ ዋሉ ማዩዋን ያዲዳ፡ ሹቻ ዋጩዳ አሳ ሞጊያ ጎንጎሉዋ ጊደን ኣ ኣኃ ዋሉዳ፤ ቃሲ ሄ ጎንጎሉዋ ደናን ዋልቃማ ሹቻ ጎንደርሲዳ ዋሉዳ።

47 ማግዳላ ካታማፕ ዩዳ ማይራማኔ ዮሳ ዳያ ማይራማ ዩሱሳ ኣኃ ኡንቱንቱ ሃቃን ዋሊንቶ ቤዒኖ።

# 16

ዩሱሲ ሃይቁዋፔ ዴንዴዳ

(ማጥ 28:1-8፤ ሉቅ 24:1-12፤ ዮሀ 20:1-10)

1 ሳሞባታይ አዲዳዋፔ ጉዩያን፣ ማግዳላ ካታማፔ ዩዳ ማይራማ፣ ያዩቆባ ዳያ ማይራማኔ ሳሎማ ቢዴ፣ ዩሱሳ አኃ ኦካናው ሺቱዋ ሻሜዲኖ።

2 ዋጋ ጋላሲ ዋንቱማላ ዳሮ ጉራን ፃልቂ ከሲሺን፣ ሄ ጎንጎሉዋ ቤዲኖ።

3 ኡንቱንቱ ባሬንቱ ጊደን ኢቱ አቱዋና፣ «ጎንጎሉዋ ደናፔ ኑሲ ሹቻ ኦኔ ጎንደርሲዴ ዲጋናዌሻ?» ያጊዴ ሃሳዩኖ።

4 ኡንቱንቱ ፃሊያ ዋዴ፣ ሄ ዳሮ ዋልቃማ ሹቻ ጎንደርሲዲጌዳዋ ቤዴዲኖ።

5 ዩሱሲ ሞጌቱዳ ጎንጎሉዋ ጊደ ጌሊያ ዋዴ፣ ኢቱ ዋዳላ ቢታጌ ቦላ ማዩዋ ማዩዴ፣ ኡሹቻ ባጋና ኡቱዳዋ ቤዴዴ ዲጋማዲኖ።

6 ሺን ኢ ኡንቱንታ፣ «ዲጋሞፒቱ። ማስቃሊያ ቦላ ካቂቲዳ ናዚሬቲያ ዩሱሳ ሂንቱንቱ ኮዩያዋ ኤራይ። ኢ ሃዋን ባዋ፤ ዴንዲዲጌዴ። ኡንቱንቱ አ ዋሌዳሳ ሃዋ ቤዲቱ።

7 ሺን ቢዴ ዩሱሲ ባሬና ካሊያዋንቶኔ ጳዲሮሳው፣ «ዩሱሲ ሂንቱንቱ ካሴቲዴ ጋሊላ ቤ፤ ኢ ሂንቱንቶ ኦዴዳዋዳንካ ሂንቱንቱ አ ያጌ ቤናና» ያጊዴ ሃዋ ኦዲቲ» ያጌዴ።

8 ማጫ አሳቱ ያሻን ኮኮሪዴ፣ ዩሱሲ ሞጌቱዳ ጎንጎሉዋፔ ከሲዴ ባቃቲ አጌዲኖ፤ ቃሲ ኡንቱንቱ ያዩዳ ዲራው፣ አሳው ሄዋ ኦሲኔ አይኔ ኦዲቤይኪኖ።

ማጫ አሳቱ ቢዴ፣ ባሬንቶ ኦዴቲዳባ ኡባ ጳዲሮሳውኔ አናና ዴዲያዋንቶ ቃንላን ኦዴዲኖ፤ ሄዋፔ ጉዩያን፣ ዩሱሲ ባሬ ሁጵው ባሬና ካሊያዋንቱ ቦላ፣ ሜጲናው አሺያ ላሜቲና ጌሻ ሚሺራቹዋ ቃላ፣ አዋይ ሞኪያሳፔ ዉሊያሳ ጋካናው ከቲዳ።

ዩሱሲ ማግዳላ ማይራማው ቤቱዳ

(ማጥ 28:9-10፤ ዮሀ 20:11-18)

9 ዩሱሲ ሃይቁዋፔ ዴንዴዳዋፔ ጉዩያን፣ ዋጋ ጋላሲ ጉራ፣ ላፑ ኢታ አያናቱዋ ከሴዳ ማግዳላ ካታማፔ ዩዳ ማይራማው ካሴቲዴ ቤቱዳ።

10 ኢዛ ባዴ ካሴ አናና ዴዲያዋንቶ፣ ቃሬቲዲኔ ዩኪዴ ኡቲዳዋንቶ ኦዲዲ፤

11 ሺን ዩሱሲ ፓፃ ዴዲያዋኔ ኢዚው ቤቱዳዋ ኡንቱንቱ ሲሴዳ ዋዴ፣ ኢዚ ኦዲዋ ቱማ ጌቤይኪኖ።

ዩሱሲ ላዑ ባሬና ካሊያዋንቱሲ ቤቴዳ  
(ሉቅ 24:13-35)

12 ሄዋጥ ጉዩያን፣ ኡንቱንቱ፣ ላዒቱ ካታማ፣ ኬሲዳ ቢሺን፣ ኦጊያን ዩሱሲ ኮይሮዋ፣ ዲማቲዳ፣ ኡንቱንቶ ቤቴዳ።

13 ኡንቱንቱ ጉዩ ሲሚዳ፣ ሃራቱዋሲ ኦዲዲኖ፣ ሺን ሄዋንቱ ኡንቱንቱ ኦዲዋ ቱማ ጊቤይኪኖ።

ዩሱሲ ታማኔ ኢቲ ባሬና ካሊያዋንቱሲ ቤቴዳ

(ማጥ 28:16-20፣ ሉቅ 24:36-49፣ ዮሀ 20:19-23፣ ከት 1:6-8)

14 ጉዩጥ ታማኔ ኢቲ ዩሱሳ ካሊያዋንቱ ቁማ ሚሺን፣ ዩሱሲ ኡንቱንቶ ቤቴዳ። ኡንቱንቶ አማኑ ባይና ዲራው፣ ኢ ኡንቱንታ ሴሬዳ፣ ቃሲ ሃይቁዋ፣ ኢ ዴንዴዳዋ ቤዔዳዋንቱ ኡንቱንቶ ኦዲኖ፣ ኡንቱንቱ አማኔናን ኢጄዳ ዲራውኔ ኦዲኖ ሲሴናዋንታ ጊዲያ ዲራው፣ ኢ ኡንቱንታ ሴሬዳ።

15 ኢ ኡንቱንታ ሃዋዳን ያጌዳ፣ «አላሚያ ኡባ ቢዳ፣ አሳ ኡባው ዋንጋላ ሚሺራቹዋ ቃላ ኦዲቲ።

16 አማኖዌኔ ፃማቆቶዌ አታና፣ ሺን አማኔናዋ ቦላ ያሳይ ፒርዳና።

17 ታናን አማኒያዋንቱ ሃ ማላታቱዋ ኦላናዋንታ፣ ኡንቱንቱ ታ ሱንላን ኢታ አያናቱዋ ኬሳናዋንታ፣ ቃሲ ኡንቱንቱ ዲማ ዲማ ኦራሳ ቃላን ሃሳያናዋንታ።

18 ኡንቱንቱ ሸሻ ኦይቆፕካ፣ ዋይ ኦያኔ ዋዲያ ማርኪያ ኡሺንቶካ ኡንቱንታ ቆሃና። ቃሲ ኡንቱንቱ ባሬንቱ ኩሺያ ሃርጋንቻቱዋ ቦላ ዋላና፣ ሄ ሃርጋንቻቱ ፓፃና» ያጌዳ።

ዩሱሲ ሳሉዋ ፑዳ ኬሴዳ  
(ሉቅ 24:50-53፣ ከት 1:9-11)

19 ጎዳ ዩሱሲ ባሬና ካሊያዋንቱና ሃሳዬዳዋ፣ ጉዩያን፣ ያሳይ አ ፑዳ ሳሉዋ አፊና፣ ያሳፔ ኡሺቻ ባጋና ኡቴዳ።

20 አ ካሊያዋንቱ ቢዳ፣ ኡባሳን ዋንጋላ ሚሺራቹዋ ኦዲዲኖ። ጎዳይካ ኡንቱንቱና ኢቲፔ ኦፊ፣ ኡንቱንቱ ኦዲያ ቃላይካ ቱማ ጊዳዳዋ ኡንቱንቱ ኦሊያ ማላታቱዋን ኤሪሴዳ። \*

\* 16:20 ኢቲ ኢቲ ቤኒ ጌሻ ማፃፋቱዋን ሃ ፓይዳቱ ባዋ።

## **Ooratha Caaquwaa New Testament in Dawro (ET:dwr:Dawro)**

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Dawro

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 1 Oct 2024 from source  
files dated 29 Jan 2022  
585b63ca-b8e6-55c8-bfef-10bdc95ad69c